

L.B. 297.387
RESOLUTIO

PRÆCIPUARUM Quæstionum

CRIMINALIS ADVER-
SUS SAGAS PROCESSUS;

CUM REFUTATIONE NOVA

TAM JURIDICA, QUAM PHILOSOPHICA

Purgationis Sagarum per aquam frigidam, adversus

Guilielmum Adolphum Scribonium Philosophia

& Medicinæ Doctorem, per consulta-

tionem pertractata.

AUTORE

OTTHONE MELANDRO

Hasso Juris utriusq; Doctore.

OMNIBUS TAM IN JURISPRUDENTIA,

quàm in Theologia ac Philosophia versan-

tibus lectu nec infrugifera, nec

injucunda.

ADIECTA EST ETIAM PROPTER SI-

milem materiam, præclarissimi Philosophi M. Rodolphi Gö-

enii, in illustri Cattorum Academia Professoris publici O-

ATIO pererudita & elegans, de NATURA S-

GARVM, in purgatione & examinatione per frigi-

dam, aquis innatantium.

Cum necessario rerum ac verborum Indice.



LICHAE, APVD NICOLAVM ERBE-

nium, Anno M. D. XCVII.

Witchcraft

W
1/5/03

~~7440 A477~~

A. 174056

DG

NOBILISSIMO, STRE-
nuo, Magnificis, Amplissimisq;
Clarissimisq; viris ac Jurecon-
sultis præstantissimis

DOMINO OTTONI A STAR-
SCHEDEL Illustrissimi Hassiæ Principis
Domini Mauritii Vicario integerrimo, &
potentissimi quondam Electoris Saxoniae
Domini Christiani felicissimæ recor-
dationis Consiliario inti-
mo: &

DOMINO JOACHIMO VVILLERO
*Camera quondam Imperialis Assessori, nunc autem
multorum Electorum, Principum, Comitum, Civi-
tatum imperialium Advocato & consilia-
rio celeberrimo: &*

DOMINO EVERHARTO A VVEIHE,
*Decretalium olim Professore in Academia VVitteber-
genfi eximio, & duorum Saxoniae Electorum Domi-
ni Augusti & Domini Christiani laudatissima memo-
ria Consiliario, nunc vero Illustrissimo Hessorum
Principi Domino Mauritio à Con-
siliis aulicis: &*

DOMINO ANDREÆ CHRISTI-
ANO Hannovienfi & Nassovio Con-
siliario fidelissimo;

Patronis, Dominis, & amicis suis summè colendis

S. P. D.

OTTHO MELANDER JURIS-
UTRIUSQUE DOCTOR.

)) 2 Falcem

EPISTOLA DEDICATORIA.

FALCEM EGO FOR-
 tassis in alienam, quod ajunt,
 messem misisse nonnullis vi-
 debor, quód de Sagis Tracta-
 tum hunc, qui ad Philoso-
 phos magis & ad Theologos, quám ad Ju-
 reconsultos pertinere existimatur, scriben-
 dum susceperim. Sive enim naturam male-
 ficarum, sive vim agendi potestatemq; con-
 templari, paulóq; accuratiús indagare ve-
 limus, non intra Jurisprudentiæ nobis se-
 pta ac terminos consistere datur, sed & ad
 Philosophiam & ad Theologiam sæpenu-
 mero decurrere, earúmque opem ac con-
 silium implorare necesse habemus. Physica
 namq; cùm aliàs principiū motus ac quie-
 tis in corporibus naturalibus contemple-
 tur, tum veró etiam Sagarum naturæ ac o-
 perationis consideratio inde petenda est.
 Ac ut sanum de utróque ac cælesti veritati
 consentaneum fiat judicium, oportet ut
 Theologia accedat, Physicorúmque dispu-
 tationes, exquisitissima illa æterni judicii
 sui lance ponderet. At veró veniam mihi
 non solúm dabunt illi, quicúnque erunt,
 critici, sed etiam me excusatum habebunt,
 cùm Politicam omnium artium archite-
 ctonicam ab Aristotele *lib. 1. Ethicor. ad Nico-*
mach. cap. 2. dictam esse, ad mentem intelli-
 gentiámque revocaverint. Quod idem ad
 Juris-

EPISTOLA DEDICATORIA.

Jurisprudentiam recte quadrare ipse Ulpianus Jureconsultus testis est locupletissimus, quando Jurisprudentiam veram non simulatam Philosophiam appellat *in l. 1. §. 1. ff. de justit. & jur.* Sic enim Politicæ sive Ethicæ propositum est, hominem in hac vita veluti in turbulentissimo quodam pelago navigantem, variisque propterea procellis expositum, in felicitatis portu collocare, idque agere, ut animus humanus pulcerrimis virtutum ornamentis perpolitus, in omnibus dictis ac factis sibi constet: Sic Jurisprudētia boni & æqui notitia est, quæ æquum ab iniquo separatur, licitum ab illicito discernitur, & homines non solum metu pœnarum, verum etiam præmiorum exhortatione boni efficiuntur, ut Ulpianus *in l. 1. §. 1. ff. de just. & jur.* eleganter disserit. Sicut etiam Politica sive Ethica artium architectonica eo ipso est, quod omnium disciplinarum scientiarumque subsidiis indiget ad intellectum bene informandum, ut ab hoc iterum voluntas erudiatur, ac, si quando appetitus extra orbitam ferantur, revocetur, & in gyrum rectæ rationis ducantur: Sic ad Jurisprudentiæ perfectionem omnes facultates & scientias unanimi quodam consensu concurrere, ac quasi conspirare in confesso est. Et quod de Ethica affirmavimus, id ex iis planum manifestumque evadit, quæ

EPISTOLA DEDICATORIA.

Philosophus *toto libro 6. Ethicor. ad Nicomach.* prolixè eruditèq; persequitur. Cùm enim libris quinque præcedentibus explicacionem voluntatis, & quæ huic adjunguntur, virtutem moralium complexus esset ac intelligeret, voluntatem officium rectè suū facere non posse, nisi intellectus hominis à variarum rerum scientiis benè instructus paratúsque esset, facere non potuit, quin huic quoque proprias quasdam virtutes destinaret. Ac intellectui quidè speculativo intellectum, scientiam, & sapiètiā: intellectui autem pratico prudentiam & artem assignavit. Intellectus principia & propositiones immediatè veras, ex quibus conclusiones verissimæ deducuntur, contemplatur. Scientia est habitus ex illis conclusionibus & demonstracionibus, quæ per hujusmodi principia fiunt, comparatus. In id namque demonstratio, attestante Philosopho *in Analyt.* incumbit, ut propriam aliquam qualitatem sive τὸ πᾶθος per causam immediatè veram in suo subiecto inesse demonstraret. Conclusio illa, quæ ex ista oritur demonstracione, scientia est. Quo sensu demonstratio scientiam parere in infinitis locis à Philosopho affirmatur. Sapiencia τέτιμώτατα & pstantissima quæque speculatur, & habitus est ex intellectu & scientia compositus. Ars verò est talis habi-

EPISTOLA DEDICATORIA.

habitus, qui opus aliquod cum recta ratione facit, sicut prudentia, quid bonum rectumque sit, & quid contra malum, etiam atque etiam considerat, sic quidem, ut cæterarum virtutum omnium dominā quandam ac reginam illam appellare recte nobis liceat. Quæ omnia hætenus à me proposita sunt, ut ostenderem, scientias ac artes omnes Ethicam sive Politicam ita sibi arrogare, ut suo quodam jure proprias illas sibi vendicet, ac in virtutum numero reponat, ideoque ipsam non abs re, sed ex dignitate sua à Peripateticorum Principe omnium artium architectonicam vocatam esse. Ex quo iterum cõficitur, Jurisprudentiã scientiarum architectonicam, cæterarum artium præfidiis neutiquam carere posse, sed tanta cum iis cognatione conjungi, ut multarum quæstionum decisiones inde depromat; id quod ex quàm-plurimis Jureconsultorum respõsis liquet. Sic septimo mense nasci perfectum puerum, & ideo cum, qui ex justis nuptiis septimo mense natus est, justum filium esse ex autoritate Hippocratis respondit Ulpianus Jureconsultus in l. 12. ff. de Stat. homin. Sic cum Titius pater decederet superstite filio Sempronio ac Seja uxore prægnante relicta, ac de divisione hæreditatis, quantum in ea superstiti filio adjudicandum assignan-

EPISTOLA DEDICATORIA.

dūmq; foret, quæreretur quartam illi partem, quia plerūque tres nascantur, assignandum esse respondit Paulus Jureconsultus in *l. Antiqui 3. ff. si pars hered. pet.* Adde *l. si pater 36. ff. de solut.* Sic post decē mēses à morte parentis natum non admitti ad legitimā hereditatem, scriptum reliquit Ulpianus in *l. Intestato §. post decem ff. de suis & legit. hered.* cui sententiæ Scævola quoque in *l. Gallus in princ. ibi in decem mensibus proximis ff. de liber. & posth. et Marcel. in l. Titius in princ. ff. de fideic. libert. & Pomponius in l. si ita in fin. ff. de manumiss. vind. subscripserunt. Adde *l. si quis & ibi Alciat. ff. de verb. signif. & l. Quidam cum testan. C. de posth. hered. instit.* Quod ipsum Justinianus Imperator in *Novell. de rest. & ea que par. undecim. mens.* approbavit, cū undecimo mense natum non esse filium legitimum defuncti constituit. Echuic sententiæ Hippocrates astipulatur, quando in *lib. de natur. puer. vel fæt.* non admittit undecimi mensis partum. Sic totus ferē Digestorum titulus de ædilitio edito ex decisionibus Medicorum Physicorūmq; constat. Sic in inspectione vētris obstetricū relationi credendum esse textus est in *l. 1. in princ. ibique DD. ff. de insp. ventr.* Mitto alia innumerabilia Jureconsultorum responsa ex literis Philosophicis desumpta, quæ passim legenti sese offerunt. Cū igitur hætenus demonstratum sit, Jurispruden-*

EPISTOLA DEDICATORIA.

dentiam cæteras artes ad deliberationes suas & consilia admittere, vitio mihi non dabitur, quód de Sagis nonnulla ex Philosophorum Theologorumque scholis, ad instituendum criminalem adversus eas processum in medium protuli.

Restat, ut deinceps exponam, quæ me causæ ad edendam consultationem hanc impulerint, & cur vobis potissimum Magnifici, Nobiles, Clarissimi, Consultissimique viri illam inscribere ac dedicare voluerim. Cúm in praxi Juris-civilis, cui me totum dedi, consulere á fœmina quadam maleficii insimulata, diligēter excussi omnia, quæ literis memoriæque á viris quibusdam doctissimis de hac materia prodita extant; ac reperi ego tum multa, quæ quidem neque in Philosophia, neque in Jurisprudencia solidum aliquod habent fundamentum; sed tamen usu multarum gentium ac consuetudine usq; adeo inveterata sunt, ut Sybillinis vaticinationibus ipsiq; Apollinis oraculis veriora esse credantur. Itaque processus adversus mulierculas leviter diffamatas ad ista placita multis in locis exiguntur, & tam diu crudeliter omnia immanitèrque fiunt, dum confessio delicti ipsis extorqueatur. Quo factò rectà ad ignes proceditur. Occasionē igitur ex facti specie mihi oblata nactus, refutavi strophas

)(s

EPISTOLA DEDICATORIA.

phas illas, & quidem tantó diligētius, quā-
 to crebrius experientia testatum facit, per
 istas absurdissimorum dogmatum ineptias
 multas honestissimas fœminas in summū
 vitæ ac honoris discrimen non semel fuisse
 adductas. Cū autem communi & publi-
 co malo quilibet pro virili sua medicinam
 afferre teneatur, tantūmq; absit, ut malum
 istud aliquid remittat, ut etiam latiús cot-
 tidie serpat, omnesque feré Reipub. par-
 tes contaminet, periculū hac editione fa-
 cere volebam, an ad aliquam tandem mo-
 derationem ac æquitatem inhumanitas il-
 la revocari posset. Quam quidē editionem
 viri nonnulli doctissimi in quibus est cele-
 berrim⁹ ille Philosophus Rodolphus Go-
 clenius, literis ad me datis diligenter urse-
 runt, quorū volūtati repugnare religio mi-
 hi fuit. Cur veró vobis, Magnifici, Nobiles,
 Clarissimi, Cōsultissimiq; viri, consultatio-
 nē hanc dedicare voluerim, duæ potissimū
 sunt causæ. Primó quidem, q̃ exploratissi-
 mé cognitum habeam, vos cū omnes ali-
 as artes & scientias, tū universā Jurispru-
 dentia monumenta ita exacté scire atq; in-
 telligere, ut antiquissimos illos Jurecōsul-
 tos sapiētia judiciisq; acrimonia si non an-
 recedatis, at certé adæquetis. Quamobrē
 vestro vos merito ad tāta dignitatū fastigia,
 diis hominib⁹q; approbantibus provecti
 estis

EPISTOLA DEDICATORIA.

estis. Qui enim, Nobilissime ac Strenue Domine OTTO A STARS CHEDEL, potentissimo quondam Saxoniae Electori, re & nomine CHRISTIANO, in consilio adfuisti, idē tu magna cū laude tua, ac admiratione omniū, magnōq; cū patrię nostrę emolumēto illustrissimi laudatissimiq; Hassiæ Principis DOMINI MAURITII vicē nunc geris. Et tu, JOACHIME VVILLERE Jurecōsulte nobilis, amplissimis & olim perfunctus es honoribus, & adhuc hodie perfungeris. Quid.n. quāso te p Deū immortalē homini literato, ad immortalē nominis gloriā accidere potest honorificentius, q̃ inter Sacri Romani Imperii Cæsareāq; Majestatis Patres conscriptos, supremę Curię Assessores, primariū obtinere locū; quē tu dignitatis gradū multos annos ita & tenuisti & ornāsti, ut Præses Camera Impialis atq; Assessores haud mediocrē animo suo molestiā caperent, cū tuo te isto munere abdicabas. Nūc autem multorū & Electorum & Principum & Ducum & Comitum & Civitatum imperialiū consiliarius es ac advocatus celeberrimus; atq; id tali qdē ratione, ut omnes uno ore fateātur, inter omnes Germanię Advocatos tibi primas deberi. Quę veró eloquētia, VVeihi cōsultissime, tuas non dicam percensendo, sed enumerando consequatur laudes?

In

EPISTOLA DEDICATORIA.

morum elegantia, & gravitas cum pulcherrima corporis venustate tam amica inter sese contentione certant, ut omnes te præstantes viri in oculis ferant, magnopereque suspiciant. Decretales Juris- canonici summa quadam singularique dicendi copia annos aliquot non sine ingenti laude in Academia VVittebergenſi profeſſus es. Potentiſſimis illis duobus Saxonix Electoribus patri AUGUSTO & filio CHRISTIANO fuiſti à conſiliis. Et in Holſatia Cancellarii munere laudabiliter functus es. Nunc Illuſtriſſimi Haſſix Principis Domini MAURITII Conſiliarius es intimus, & tum ad Cæſaream majeſtatem, tum ad reliquos Imperii proceres Orator diſertiſſimus. Et tuas, Andrea Chriſtiane præſtantiſſime, laudes ſi pro dignitate pertractare velim, *deſinat ante dies, quam conſequar omnia dictis*, ut Poëta canit.

Hoc autem memorabile admodum eſt, tuumque immortalitati nomen conſecrat, quod omnes Orthodoxi per Imperium Comites in conſiliis te ſuis habent, & propter eruditionem incredibilem ſummamque rerum omnium gerendarum dexteritatem magni te faciunt. Altera cauſſa eſt, quæ ad hunc vobis Tractatum, Viri nobiles & conſultiſſimi, dedicandum me impulit, ut mea erga vos tum obſervantiam

tum

EPISTOLA DEDICATORIA.

tum gratitudinem publicé testatam facerem, & in vestram me benevolentiam ac amorem magis magisque insinuarem. Jam enim tum vos omnes mihi bené velle hinc intelligo, quód de vestra mihi voluntate liberalissimé polliciti estis. Et cum abhinc biennio, Joachime VVillere, Spiræ te consalutarem, multis me ornâsti beneficiis. Tuum quoq; Andrea Christiane, mei provehendi ornandique studium ex Goclenii literis aliquoties cognovi, cum ad me scripsit ille, velle te operam dare, si Illustris & Generosus Hannoviæ Comes D O M I N U S P H I L I P P U S L U D O V I C U S, heros incomparabilis, publicum Gymnasium aperiat, ut quidem aperire ipsi in animo esse constans est fama, ut ad professionem Juris & Oratoriæ vocarer. De qua tui in me animi propensione multum equidem te amo. Accipietis igitur, Magnifici, Amplissimi Clarissimiq; vñri hanc consultationem meam serena fronte, vestraq; ei auctoritate contra obrectatorum morsus patrocinium præstabitis. Id quod pluribus á vobis haud petam, ne vestræ benevolentiae diffidere videar. Itaque bené felicitérque valebitis, & vestro me favore singulari prosequi non desinetis. Datis Honnæ Hessorum é Musæo meo, Anno CHRISTI Redemptoris M.D.XCVII. XVIII.

EPISTOLA DEDICATORIA.

XVIII. Julii, quo quidem die invictissimus Romanorum Imperator Rodolphus ejus nominis II. Viennæ Austriæ, An-

no partus virginis 1552. in hanc lucem editus est.

Vestri observantissimus

Ottho Melander J. U. D.



AUGUSTINUS, DE SPIRITU & Anima
& Littera, Cap. 28. Tom. 3. fol. 871. c. d.

Idcirco [ait] quadam futura pradicant, & quadam mira faciunt, quibus homines alliciunt & seducunt. Vnde quadam muliercula post Satanā conuersa, damorum illusionibus & phantasmatibus seducta credunt se & profitentur nocturnis horis cum Diana paganorum Dea, vel cum Herodiade & Minerva & innumera mulierum multitudine aquitare, earumque iussionibus obtemperare. Ipse namque Satanas, qui transfigurat se in angelum lucis, cum mentem cuiusque muliercula ceperit, & hanc sibi per infidelitatem subiugauerit, illico transformat se in diuersarum personarum species ac similitudines: & mentem, quam captivam tenet in somnis deludens, modo lata, modo tristia, modo cognita, modo incognita personas ostendens per devia quaque deducit. Et cum solus hac patitur spiritus infidelis, nec in animo, nec in corpore evenire opinatur, idcirco nimis stultus & hebes est, qui hac omnia quae in spiritu fiunt, etiam in corpore accidere arbitratur, cum Ezechiel & alii Propheta, Ioannes etiam Evangelista & Apostoli in spiritu, non in corpore visiones viderint.




RESO-

I

RESOLUTIO PRÆ- CIPUARUM QUÆSTIONUM CRIMINALIS ADVERSUS SAGAS

*Processus: Cum refutatione nova tam Juridica,
quàm Philosophica purgationis Saga-
rum per aquam frigi-
dam &c.*

SPECIES FACTI.

 N.oppido N. N. stu-
diosè nunc omnibús-
que, quod ajunt, ve-
stigiis in veneficas in-
quiritur, ut hæc quidem in vincula
conjectæ mortæque multatæ ra-
dicitus ex finibus humanæ naturæ
exterminentur. Hoc verò pacto cū
ipsis proceditur. Aut de veneficio
diffamata aliqua fuit antea, aut
nō fuit. Si diffamata fuit antea, ac-
cedente unius Sagæ testimonio
comprehēdi, ac in vincula conjici
jubetur. Si non fuit diffamata, sed

A tamen

tamen ab aliis veneficis semel atque iterum socia criminis nominata, itidem in carcerem detruditur.

Quo facto de confessione elicienda amica primúm & placida tractatio suscipitur, quâ si nihil perficiatur, in aquas decussatim vincta conjicitur. In quibus si supernatet, neque subsidat, vesperi de cruciatibus eculei ipsa subjicienda agitur, actum quidem, comminatione gravis quæstionis facta, si non confiteatur, duriter torquetur, tantisper dum vel pactum sese tantúm cum Satana iniisse, vel incantationibus præterea suis hominibus pecudibúsve damnum intulisse cōfiteatur. Post unum atque alterum diem istam si confessionem in iudicio
repetat

repetat, in eaque persistat, ad incendiū supplicium damnatur, ē medioque tollitur,

Jam vero fœmina quædam cū omnib. fortunę ornamentis, tūm honestatis etiā virtutisq; existimatione culta atq; exornata (quippe quæ non solū per omnes vitæ suæ dies eas mulierculas, in quas vel minima vœficii suspicio cadebat, accerbissimè oderit, ab earūq; cōsuetudine sese abstinuerit, sed et jam sacrarū literarū monumenta & domi suæ dies atq; noctes indefesso studio evolverit, & conciones publicas diligenter visitarit, & eleemosynā erga paupes beneficè exercuerit, & nihil ad summam deniq; diligētiā reliquū fecerit, ea ut studiosè pageret, q̄ matronæ ē religione christianę conveniūt, ut
hanc

hanc quidem ipsi laudem omnes
boni tribuunt) à veneficis quibus
dam hominibus omniū alioqui
scelerum flagitiorumque macu-
is notissimis extremeque paupe-
ribus, ac ipso, quod est in prover-
bio, Leberide nudioribus (ex quo
rum numero unus in carcere col-
lum laqueo sibi fregit) ignibus
postea flammisque consumptis,
ac ex rebus humanis sublatis, in
tormentorum doloribus venefi-
cii rea prodita est. Etsi vero, dum
inquisitio instituitur, rectè facti
conscientia ipsa sese sustentans
vel pedem loco movere minimè
omnium cogitabat, tandem ta-
men tùm à liberis, tùm à propin-
quis suis aliis, qui carceris totius-
que processus atrocitatē aliquod
illi periculum minari affirmabāt,
diu

SPECIES FACTI.

diu multumque sollicitata ac de-
mum persuasa fugam arripuit.
Itaque in quaestionem nunc ve-
nit, num processus, qui eo in loco
instituitur, sit juri consentaneus,
& an quaedam ex hoc facto emer-
gant indicia ad inquirendum
de foemina ista, quæ fu-
gæ sese man-
davit.



A ;

INVO.

6 RESOLUTIO QUÆSTIONUM
INVOCATO DIVINI NU-
MINIS AUXILIO.



U M innumerabilia á D E O
O P T. M A X. hominum ge-
neri tributa sint beneficia,
túm veró maximé, ad Reipub-
licæ quidém litterariæ mu-
nera quod attinet, Methodo
ordinatâque docendi via nullum vel præ-
stantius est, vel utilius. Quemadmodum
enim confusio obscuritatem parit & igno-
rantiam, sic é contrario ea, quæ ordine do-
centur, non solúm magnâ perspicuitatē &
facilitatē accipiunt, ut dilucidius clariúsq;
intelligâtur, quæ *Pauli Jureconsulti verba sunt in*
l. 1. ff. de dol. except. Sed etiam facilius memo-
riæ, (quæ aliàs infirma est & labilis *l. Peregre*
44. ff. de acquir. possess.) infiguntur atque inhæ-
rent. Divisio namque seu partitio materiæ
animum legentis in materia præsertim la-
tē patienti incitat, mentem intelligentis
præparat, & memoriam artificiosé infor-
mat, *ut inquit gloss. in §. Igitur in proœm. Instit. sicut*
Joan. Sneider. lib. 3. Instit. tit. 1. n. 1. et 2. doctrinâ succe-
sionis ab intestato exorditur, et laté ordinis utilitatē
cōmendat Robert. Marant. in proœm. de ordin. Judic.
Quamobrem, ut propositi facti discus-
sio facilior nobis evadat, & innocentia cō-
sulentis fœminæ tanto manifestiús omni-
bus conspicienda ob oculos ponatur, ope-
ræ mihi

ræ mihi pretium visum fuit subsequentes
quæstiones, quæ ex commemorato facto
nō aliter ac rivuli quidam ex fonte suo sca-
turiunt, paulo diligentius explicare.

Dicam autem primó; An Judex in
criminalibus statim à carcere in-
cipere possit, & quid de hoc in
maleficii crimine notandum ve-
niat. 1. 8.

Secundó An fama, & quo-
modo, ad inquisitionem & ad
carcerē sufficiens indicium pariat. 26.

Tertió confessio facinorosi,
qua alium socium criminis no-
minat, quid de jure operetur. 28. 22

Quartó quid de purgatione
Sagarum per aquam frigidam sit
sentiendum. 57.

Quinto num diffamatio &
confessio maleficorum, quâ so-
cios alios produnt, si justis requi-
sitis destituantur, & subsequuta in-
de per

8 RESOLUTIO QUÆSTIONUM

de per frigidam purgatio, sufficiens ad torturam indicium pariant, & quid de confessionibus hinc in
82. eculeo extortis sit sentiendum.

Sexto quando fuga faciat indicium ad inquisitionem & ad torturam. **86.**

Septimo qua poena Sagæ sint afficiendæ, & an propter solum pactum, quod cum Diabolo inierunt, ignis supplicio tolli, ex rerumque universitate infra mortuos omnes amandari debeant.
84.

RESOLUTIO QUÆSTIONIS PRIMÆ.

An iudex in criminalibus statim à carcere incipere possit, & quid de hac in maleficii crimine notandum veniat.

PRINCIPIO igitur, siue Inquisitionis siue Accusationis via suscipiatur, qui duplex est in criminalibus procedendi modus *VWesenb. in Paratit. ff. de Accusat. & inscript. num. 2. & 3. Althus. Jurisspr. Rom. lib. 2. cap. 2.*

cap. 2. Jul. Clar. in pract. crimin. lib. 5. quæst. 3. num. 1. Carol. V. Imperat. in Ordinat. crimin. cap. 6. Von annehmung des angegebenen Vbelthäters von der Obrigkeit vnd Ampts wegen & cap. 11. Von annehmung des Vbelthäters so der Kläger Recht begehrt (hic, quia Judicium criminale sine accusatore non procedit l. Quamvis 19. C. ad l. Jul. de adulter. l. fin. ff. de privat. delict. l. Rescripto 6. §. si quis ff. de Muner. l. pen. C. de his qui accus. l. Si cui ff. de accusat. & inscript. cap. 1. extra de accusat. accusator aliquis sit necesse est, quod ante omnia in publici judicii constitutione de accusatore quæri oporteat secundum autorem ad Herenn. lib. 1. cap. 5. istic ex publica fama, quæ vicem accusatoris supplet. c. Qualiter & quando. & c. cum oporteat extra de accusat. Mar. int. part. 2. de ord. judic. num. 3. VVesenb. d. loc. Magistratus in autorem delicti inquit. l. 2. §. si publico ff. ad l. Jul. de adult. l. Ea quidem 7. C. de accus. l. 3. §. praterea ff. de susp. tutor. l. Nullum C. de Testam. l. pen. C. de probat. l. 1. C. de custod. Reor. d. c. Qualiter extra de accusat. ibique Canonist.) Judex absque legitima facta informatione, & idoneis nullis præcedentibus indiciis à carcere incipere non potest l. 1. ff. de custod. & exhib. reor. ubi Ulpianus Jureconsultus de custodia reorum, inquit, Proconsul aestimare solet, utrum in carcerem recipienda sit persona, an militi tradenda, vel fideiussoribus committenda, vel etiam sibi. Hoc autē vel pro criminis, quod

IO RESOLUTIO QUÆSTIONUM

objicitur, qualitate, vel propter honorem, aut propter amplissimas facultates, vel pro innocentia personæ, vel pro dignitate ejus, qui accusatur, facere solet. Quibus circumstantiis non consideratis si Judex hominem eum in carcerem detruserit, quem detrudere non debebat, injuriarum adversus ipsum agi potest *l. Nec Magistratibus ff. de injur.* per quam injuriarum actionem injuste in vincula conjectus & damnum & satisfactione pro injuriis consequitur. *l. pen. ibi. cum et si nihil in suo censu C. Qui bon. ceder. poss. l. si ut libet rationem ff. de statulib. l. si vero. §. 1. ff. Qui satisfd. cog. l. si creditores in fin. ff. de privileg. credit.* Quam quidem in sententiam Camere Imperialis Assessores quondam pronuntiassent, Reiq; publicæ Coloniensis proceres cuidam Petro Quittinck propter injuste in carcerem detractionis injuriam in sexcentos aureos condemnasse ex Friderico à Tautenbergk in suo virid. conclus. Jurid. conclus. 98. refert Mynsing. cent. 5. observ. 69. n. 6. Et sine prævia causæ sufficienti informatione Judicem ad carcerem procedere non posse Imperator Constantius præclare scriptum reliquit in *l. 2. C. de custod. Reor.* cujus verba hæc sunt: Si quis in culpa vel crimine fuerit deprehensus, quò dignus claustris carceris & custodia squalore videatur, auditus apud acta. cum de admissio constiterit, poenâ carceris sustineat, atq; ita postmodum eductus apud acta audiatur. Ita enim quasi sub publico testimonio committitur.

cōmemoratio admissi criminis fiet, ut iudicibus im-
modicē sevientib. fr̄ni quadā tēperies adhibita vide-
atur Add. Paul. lib. 5. Sentēt. tit. 31. & l. 7. ff. de Accus.
Bald. in d. l. 2. C. eod. tit. Bart. in l. 1. ff. eod. tit. Quod
idē & de Jure Saxonico obtinet Land. lib. 2.
art. 9. VVesenb. in parat. ff. de accusat. d. n. Angel. in
tract. malefic. vers. hac est quadā inquisitio vers. Se-
cundō principaliter n. 30. & verb. quod fama public.
præced. n. 4. vers. animadvertendū & in verbo Judex
cōmisit quod Laicus n. 4. vers. sed cauti Judices Franc,
Brun. meliūs hoc declarat in tract. de indic. et tortur.
quæst. 9. part. 2. n. 4. Dec. cōs. 189. Hipp. in præct. crim.
verb. cōstante n. 1. & aliquot seqq. Salycet. in l. Nullus
n. 4. C. de exhib. & transmitt. reis & l. ult. circ. fin. C.
de quæst. quos velle, saniorē, magis piā, et ere-
briūs receptā esse sententiam illam, quā nō
nisi præcedente iusta informatione Judicē
in carcerē aliquē cōpingere posse statuitur,
memoriē prodidit Mynsing. d. cent. 5. observ.
69. n. 2. Atq; hanc sententiā veluti magis ap-
probatā recentiores cōmuniter sequi pro-
lixē admodū & nervosē demonstrat Laurēt.
Kirchov. cent. 5. cōm. opin. cōclus. 30. idē expresse cō-
stituit Car. V. Imp. in ordin. crim. c. 6. ubi severē e-
dixit ut nemo in carcerē conjiciatur, nisi q̄
de maleficio quodā p̄ publ. famā sit diffama-
tus, vel alia fide digna indicia & præsumptio-
nes in promptu sint, verb. So jernad einer vbel
thas durch gemeinē Leumut berüchtiaet/ od̄ an-
derer glaubwürdiger anzeigung/ vñ argwōnig
vnd

und derhalben durch die Obrigkeit von Amptes halben angenommen würde. Et in cap. 218. vetatur Magistratus aliquem sine præcedente diffamatione, sinistra malæve fama, & aliis sufficientibus indiciis comprehensum carceri includere, ne comprehensus existimationis suæ ac honoris detrimentum aliquod accipiat. Verba hæc sunt: Daß durch die Obrigkeit etwan leichtlich auch Erbäre Personen/ohn vorgehend berüchtig bösen Leumut vnnnd andere anmaßsam Anzeigung angegriffen vnd ins Gefängnuß bracht werden/ vnd in solchem Angrieff/ etwan durch die Obrigkeit geschwind vnnnd vnbedächtlich gehandelt wirdt/ dardurch der Angegriffene an seinen Ehren nachtheil erleidet.

Non obstat, quod multi iique supremæ auctoritatis Jureconsulti sive potius Juris interpretes, in causis criminalibus semper à carcere incipi posse docuerunt, ut Bald. in l. consentaneum num. 11. C. Quomodo & quand. Jud. sent. & l. 2. num. 3. C. de his qui latron. vel al. Paris. de Put. in tract. de Synd. verbo captura num. 13. & verbo quia plerunque num. 1. ubi plures in eadem sententia commorantes adducit Bartol. in l. Sacrilegii. §. Labeo num. 2. ff. ad l. Jul. peculat: Altera enim opinio communis est, & tum veritati juris tum æquitati magis consentanea, quemadmodum supra demonstratum est. A communi autem opinione in judicando & con-

& consulendo non est recedendum. *Alex. conf. 25. visoprocessu num. 2. volum. 6. Curt. Sent. in conf. 43. num. 3. & conf. 57. num. 9, & 13.* præsertim quia & optimis rationibus & argumentis hæc sententia vera esse dilucidè evincitur, neq; á lege vel á canone aliud disponitur. Quotiescúnque enim communis opinio falsa dilucidè reperitur, vel probabilibus rationibus & argumentis erroris convinci potest, id quod sapientissimi Judicis prudenti discretioni relinquitur. *Abb. in c. tua nos num. 9. de usur. & Barbat. in conf. 28. scripsit bellissimè num. 2. volum. 1.* vel quando canon aut lex aliud disponit, legi potiùs vel canoni, quàm communi opinioni standum erit de sententia *Bero. in quest. 116. num. 2. Nevizan. in sylv. nupt. lib. 5. Joseph. Mascard. de probat. volum. 1. conclus. 395. num. 28. 29. 30.*

Accedit, quòd Carolus V. Imperator in *Ordinat. crimin. d. c. 6. & 218.* sententiam istam cōstitutionibus suis peculiariter editis expressè seriòque confirmaverit. A constitutione autem Carolina in criminalibus Judici ne transversum quidem unguem discedere licere juramentū illud, quo omnes per Germaniam Romano imperio subiecti tum Magistratus, tum Judices devincti obstrictiq; tenētur, evidēter ostendit, cujus conceptæ formulæ habentur in *cap. 3. & 4.*

Quid? quòd Judex contra communem
opinio-

14 RESOLUTIO QUÆSTIONUM

opinionem, ex præjudicata quadam præsumptione, & motu proprio singulariter judicans, litem suam faciat *Bartol. in l. 2. nu. 5. C. de pæn. Jud. qui mal. judic. Felyn. in c. 1. n. 54. de constit.* quia recedendo à communi opinione præsumitur Judex per imperitiam judicare *Alex. conf. 95. nu. 6. volum. 2. Incip. visis processibus.* Veritas enim & communis opinio æquiparantur. *Afflict. in c. 1. n. 8. tit. an remov. deb. test. per notat. in l. Barbarius ff. de offic. Prætor. Gail. lib. 1. observ. 153. n. 5.* & Judex, si excedat fines officii sui, puta si procedat absq; causæ cognitione in præjudicium alterius, privatus reputatur, ita quidem, ut impunè ei non pareatur, sed licité resisti possit, quia tanquam privatus procedere dicitur. *l. Omnes Judices C. de Decur. l. Factum à Judice ff. de Reg. Jur. c. conquerente de restit. spoliat. l. Prohibitum est C. de Jure fisc. lib. 10. Menoch. de recuper. poss. in 8. remed. n. 9. Anchar. consil. 248. num. 2. incip. ad prædicta dubia.* Hinc est, quòd Judex injuriarum conveniri possit, si extra judicium alicui injuriam faciat *d. l. Nec Magistratibus ff. de injur. Gail. lib. 2. observ. 76. num. 4.*

O imperitos igitur ô cæco quodam eòq; privato affectu laborantes Judices illos, ô Sisamnes iniquos & tyrannicæ cujusdam crudelitatis notâ insignes, qui, posthabita muneris sui amplitudine ac dignitate, cujuslibet famæ aura impulsî aliisq; certis indiciis

diciis prorsus destituti, minimè expenden-
tes, quòd isti fama, vel inimici ac malevoli,
vel homines omnibus sceleribus notati,
vel à mente rationeq; planè deserti originè
dederunt facultatèmq;, hominem aliquè
in squalidissimi cujusdam carceris compe-
des compingunt, ac ibi eum non modò cū
corporis ac fortunarum suarum existima-
tionisq; dispendio, verum etiam, quod nō
rarò fieri videmus, cum irreparabili æter-
næ salutis intertrimento captivū detinent,
solitariūque relinquunt. Hinc carceris
ipse tædio metūq; graviorum cruciatuum
expugnatus ea confitetur delicta, quæ tan-
tum abest in sese ut admiserit, ut nunquam
ei vel per somnium in mentem venerint.
Et dum hanc processus severitatem Judices
illi aggrediuntur, minimè cogitant, omnia
tum divina tum humana jura perverti, cœ-
lūmq; inferis terrā superis misceri. Quid e-
nim illum renum scrutatorē ac *καρδιογράφον*
DEUM OPT. MAX. latere possit? Is verò ad-
versus Adamum primum parentem nostrū,
cujus delictum exploratissimè cognitum
habebat, indicta causā nihil statuit, sed cul-
pa ex eo interrogata defensionem illius æ-
quo animo ac patienter audivit. *Ge. 3. vers. 3.*
Deus omnipotens 2. q. 1. Citatio namque, quæ
juris naturæ est, ac defensionem continet,
nemini auferri debet *capit. 1. extra de caus. p-*
possess. & propr. l. fin. C. Si per vim vel ali. mod. cle-

16 RESOLUTIO QUÆSTIONUM

ment. pastoralis. §. ceterum de re judic. Marant. part. 6. de ordin. judic. nu. 3. usque adeo, ut nec summus Princeps sive Imperator, quamvis legibus solutus sit! Princeps ibique DD. ff. de legib. contra absentem non vocatum procedere aut aliquid in ipsius damnum concedere possit Mynsing. cent. 6. observ. 6. num. 3. Cogitate quælo vos Judices, carcerem non pœnæ, sed custodiæ causa adinventum esse, atque ita in criminalibus carcerem attemperari oportere, ut non pœna sit, sed custodia text. in l. Aut damnū. §. solēt ff. de pœn. l. incredibile C. eod. rit. text. notab. in l. 1. C. de custod. Reor. glos. ib. in verb. cruciatio text. in l. fin. C. eod. Gail. li. 1. observ. 26. n. 7. d. l. 1. C. de custod. Reor. Car. V. Imp. const. crim. c. 11. cū carceres ad custodiā, & non ad difficiles ac periculosos captivorū cruciatus factos et institutos esse debere scribit verb. die Gefāngnuß sollē zur behaltung vñ nit zu schwerer gefārllicher Peinigung der Gefangene gemacht vñ zugericht seyn. Expendite, ac recta vobiscum via reputate, quod Imperatores Gratian. Valent. & Theodos. in l. 5. C. de cust. Reor. hisce verbis scriptum reliquerunt: De his, quos tenet carcer inclusos, id aperta definitione sancimus, ut aut convictos velox pœna subducat, aut liberandos custodia diuturna non maceret. Jubemus autem, ut intra tricesimum diem semper Commentariensis ingerat numerum personarum, varietatem delictorum, clausorum ordines et atemque victorum. Quod si hac prætermiserit, officium

officium quidem viginti libras auri ex ario nostro jubemus inferre : Judicem verò desidem ac resupina cervice tantum titulum gerentem , extorrem impetrata fortuna, decem libris auri multandum esse censemus.

Considerate amabo vos, aut saltem mecum recognoscite Judices, dum, mulierculas de beneficio vani duntaxat rumoris aurâ diffamatas, in teterrimos carceres conjicitis, in iisque eas multos dies ac menses detinetis, Satanâ, qui aliâs perniciem hominis dies ac noctes meditatur, variis ipsarum animos cogitationibus percellere, & spe liberationis ac impunitatis allectas mulieres istas eo adigere, ut, cum vel innocentissimæ cæteroquin essent, & à flagitiosissimo maleficii crimine longè longèque remotæ, tum deum persuasæ à Diabolo in facinus illud præcipites ruant, eique se totas dedant. Id quod tanto facilius Satanâs perficere potest, quanto imbecilliores sunt mulieres à mentis mollitie sic dictæ, *ut textus est in c. quod proposuisti 32. q. 7. ac debiliores, quàm ut tot tantæque carceris molestias, incommoditates, ac difficultates superare queant, quas præstantissimus Theologus Victorinus Strigelius in Academia Lipsiensi professor quondam celeberrimus in suis ὑπομνήματι in psalmos psalmi. 107. pag. (mihl) 280. & 281. hisce verbis*

B descri-

18 RESOLUTIO QUÆSTIONUM

describit: Medici, inquit, numerant sex res conservantes valetudinem, videlicet aërem lucidum non obscurum, & quidem liberum ac ventilatum, non conclusum, nec foetore aliquo corruptum, convenientem rationē cibi & potus, vices exercitii & quietis, stata tempora somni & vigiliarum, affectus animi tranquilliores, denique evacuationem *καταρχίας*. Hæc omnia captivis deesse manifestum est. Etenim captivi carent usura lucis diurnæ, nec libero cælo fruuntur, sed vivunt in tenebris atque in maximis sordibus propriis & alienis. Deinde pascuntur pane atro & jure hesterno, nec quicquam cibi lautioris eis offertur, quò vires squalore carceris afflictas recreare possint. Tertiò noctes & dies compedibus vincti sunt, nec possunt movere corpus pro arbitrio. Quartò cura non concedit fessis quietem, sed vel miseri contabescunt perpetuis vigiliis, vel spectris somniorum terrentur. Postremò, ut alia omittam, affectus captivorum non sunt placidi, sed turbulenti, quia non tantum cruciantur sensu præsentium malorum, sed multò magis metu impendentium periculorum torquentur. Itaque *φρονίς* est eis *καταπὴν νόσος* secundum Hippocratem. Etsi autem gradus captivitatis sunt dissimiles, ut quòd aliqui sine compedibus custodiuntur, tamen omnis captivitas sine exceptione magnorum plena dolorum est, præsertim cum ad cætera mala hoc *ἐπιπλεονεχία* accedit, de quo Psalmus inquit: Nec fuit, qui adjuvaret. Hactenus Strigelius. Idcirco haud immeritò in vincula conjecti miserabiles personæ in

næ in jure dicuntur, ut notat Bartol. in tract. de
 carcerib. num. 1. & num. 29. Hippol. in pract. crimin.
 §. nunc videndum num. 10. cum seq. per jura ibidem
 allegata Gail. lib. 1. observ. 78. num. 3. An verò Ju-
 dices, cum mulierculæ istæ carcerum duris-
 simorum compedibus vinctæ totque diffi-
 cultatibus fractæ ac superatæ Satanæ se to-
 tas tradunt, tanti mali culpam processu ve-
 stro tantopere severo in vos non derivatis?
 an nō in societatem flagitii illius, quo nul-
 lum excogitari ac ne fingi quidem potest a-
 trocius, vos ipsi quasi ultrò offertis, alieni-
 que delicti participes redditis? Certè cum
 malo isti omnis p̄cidi per vos via posset &
 occasio, quādo in delicto hujusmodi enor-
 mi processus mulierum captura: à vobis ad
 præscriptum *Auth. Hodie C. de Custod. Reor.* cō-
 formaretur, ut sanè conformari debebat,
 eamq; occasionē neglecto saluberrimo Ju-
 stiniani Imperatoris cōsilio vos nō ampu-
 tetis, an non ad sulciendum tam auden-
 dū facinus tacitè mulieres captivas horta-
 mini, frigidāq; sive per negligentia, sive per
 imperitiam vestrā suffusa per cōsequentię
 necessitatē clanculū instigatis? Imperator
 in d. *Authent. Hodie C. de Custod. Reor.* si tale sit
 crimen, ut necesse sit mulierem custodi-
 ri, si quidem fidejussorem dare potest, fi-
 dem ei habendā esse docet: si verò jurave-

20 RESOLUTIO QUESTIONUM

rit, fidejussorem se dare non posse; jurtoriam cautionem de judicii observatione ipsam prestare oportere. Sed si crimen gravissimum sit, de quo accusatur, in monasterium vel asceterium mittendam eam, vel mulieribus, per quas custodiatur, tradendam esse præcipit. Et si verò in criminibus gravissimis fidejussoria cautio accusatos non juvat *d. Auth. Hodie §. sed si crimen VVesenb. in parat. ff. de custod. Reor. num. 5. Bart. & DD. in l. 1. ff. de custod. Reor. & de veneficii crimine nominatim id tradidit excellens Jureconsultus Joannes Georgius Godelmannus in elegantissimo tractatu suo de Magis, Veneficis, & Lamiis lib. 3. c. 6. num. 12.* non tamen veneficii ita leviter insimulata mulier in teterrimos ac squalidissimos carceres, per quos non modò pulcherrimus lucis hujus aspectus ipsi eripitur, sed etiam sibi soli relicta omni hominum consuetudine ac colloquio carere cogitur, detrudenda est, verum in monasterium vel asceterium mittenda, vel mulierum custodiæ committenda *d. Auth. Hodie. Vide doctiss. respōsionem Georgii Godelmanni lib. 3. de Mag. Venef. & Lam. præfixam.* Ab hac Justiniani Imperatoris sapientissima Constitutione, Judices, si scientes receditis, magnum vestris conscientis vulnus infligitis, ejusque mali, in quod hac occasione mulieres istæ sese conjiciunt, participes reddimini, & ut
a cul-

á culpa, sic neque á pœna excusandi mihi om-
 nino esse videmini. Per hanc enim negli-
 gentiam vestram tacité in ea cōsentitis ma-
 la, quæ in vinculis fœminæ istæ instinctu
 Diaboli perpetrant. Consentientes autem
 & facientes eadem pœna plectendi sunt.
Gail. lib. 1. de pac. publ. cap. 1. num. 43. per text. in c.
1. de offic. Jud. delegat. c. Quanta de sentent. excom-
mun. c. norum in fin. 2. quæst. 1. c. facientis distinct.
86. l. verum. ff. ad l. Pomp. de parricid. l. Quisquis §.
pen. ff. ad l. Jul. Majest. l. unic. C. de rapt. Virgin. l.
Vulgaris §. si duo & l. In furti §. oper. ff. de furt. l.
Eos C. eod. l. Item Mela §. si plures ff. ad l. Aquil. Hip-
pol. in pract. crimin. §. Constante num. 42. cum seq.
 Consensus autem in delictis quadruplex
 in jure reperitur. Primus est consensus cō-
 filii, cū quis delictum consilio suo jurat,
 & tunc quo ad irrogandam pœnam ita di-
 stinguitur, quod aut consultor sine consi-
 lio consulentis delictum fuisset perpetra-
 turus, aut quod, nisi suggestum ei cōsiliū
 fuisset, delictum minimē admisisset. Priori
 casu mitius puniatur consulens, quā con-
 sultor, posteriori autem casu æquali uter-
 que pœna plectitur. *Gail. lib. 1. de pac. public. d. c.*
1. num. 47. per text. in c. sicut dignum §. Qui veró de
homicid. l. Qui servo ff. de furt. Præclaré Bald. in l. 1.
num. 7 cum seq. C. de serv. fugitiv. Secundó con-
 sensus auxilii sive cooperationis conside-
 ratur, & tunc dubium non est, quin uterq;

22 RESOLUTIO QUÆSTIONUM

pari pœna sit afficiendus per supr. alleg. Jur. Tertiò consensus autoritatis sive defensionis notandus est cùm quis nimirum instigatione autoritatēque sua peccato causam præstat. Et tunc communi calculo atque suffragio eam sententiam DD. amplectuntur, ut existiment ac tradant, consulentem ipso faciente gravius peccare, quòd non solùm is consulendo peccet, sed etiam alteri sit scandalo & offensionī, unde acrius ipso peccatore puniendus & maledictus erit apud Deum & homines *Gail. de pac. pub. d. loc. per text. in c. Qui consensit 11. q. 3. c. qui aliorum 24. q. 3. gloss. in l. 1. de offic. deleg. Dyn. in c. nullus ex consil. de reg. Jur. in 6. Barto. in l. Non solùm §. si mādato nu. 8. cum seq. ff. de jurej. & in l. Is qui opem num. 5. ff. de furt.* Quarto loco consensus negligentiae silentio oblivionēve involvi neutiquam debet, cùm quis videlicet delictum impedire potest, & non facit, quo casu minus peccat negligens, quàm faciens *text. notab. in c. Qui potest 23. quæst. 3. Gail. d. loc.*

Ut maximè verò, vos Judices, qui hac tam crudeli ac prorsus inhumana mulierum istarum in fœdissimos tenebrisque ac sordibus refertissimos ac tantùm non omnino obritos carceres detrusione, an-
lam illis ac occasionem ex impatientia

tot incommoditatum & metu majorum cruciatuum delinquendi, ac spe qualiscunque liberationis pactum cum Satana aliquod ineundi tacite suppeditatis, neque per consensum consilii, neque per consensum cooperationis sive auxilii, neque per consensum deniq; autoritatis sive defensionis peccetis, per consensum tamen negligentiae peccatis, quando nimirum non impeditis peccata ea, quæ, si ex Jurispræsripto mulieres istas in monasterium vel asceterium mitteretis, vel aliis eas fœminis custodiendas traderetis, averti facile per vos nulloque negotio poterant.

Utenim aliquis prorsus sit innocens, tribus his innocentiae notis insignitum ipsum esse convenit. Primò quidem, ut ipse malum non faciat. Secundò ut facientibus malum non consentiat. Tertiò ut malum avertat, & delinquentes corrigat. *Gail. d. lib. 1. de pac. publ. d. cap. 1. numer. 48. per text. in cap. Ita plane 23. q. 4. c. tria sunt cum c. seq. dist. 45.* Quòd si autem per imperitiam, Vos Judices, peccatis, neq; tunc vos à culpa immunes estis, quia imperitia culpæ quoq; annumeratur §. *Præterea Instr. ad l. Aquil. & l. Imperitia 132. ff. de Reg. Jur.* Neq; relevare vos potest Judices, si obijciatis, crimen hoc gravissimū esse, in quo diuturna mora piculosa sit, ideoq; ne

24 RESOLUTIO QUÆSTIONUM

delicta maneat impunita, si fortè maleficus fugā arripiat, vos non posse aliter quàm ut ad carcerem statim procedatis, quòd aliàs etiam tam propter delicti atrocitatem *text. sing. in c. felicitis §. caterùm de pœn. in 6. & in l. 1. C. de mod. multar. text. in cap. 1. de schismat. in 6. Innocen. in c. 1. num. 2. de constit. Hippol. in l. 1. num. 70. ff. de quaest. Gail. de pac. publ. lib. 2. d. cap. 3. num. 21. quàm in his, in quibus periculum est in mora, propter moram à regulis Juris communis recedatur. Alex. in l. de pupillo. §. si quis rivos ff. de nov. oper. nunc. num. 1. per illum text. & in l. Si quis filio exheredato §. Hi autem, ibi, nisi fortè latro manifestus ff. de injust. rupt. testam. & in l. Divus ff. de petit. hered. & dispositio juris prohibitiva remittatur d. l. de pupillo §. si quis rivos & ibi Roman. num. 1. & 3. atque in hujusmodi casibus mandata sine clausula, quæ regulariter ipso jure nulla sunt, quòd ab executione non sit inchoandum l. si cum nulla ff. de re judic. & l. 1. C. de execut. rei judic. l. Nam ita Divus ff. de adopt. & l. de unoquoque ff. de re judic. cum simil. Gail. lib. 1. observ. 13. num. 1. & de pac. publ. lib. 1. cap. 5. num. 1. decerni posse tradat. Gail. lib. 1. obs. 13. num. 3. §. Præterea. Nam Justinianus Imperator in crimine gravissimo mulieres in carcerem non detrudendas, sed in monasterio asservandas esse generaliter edixit in d. Auth. Hodie §. si crimen C. de Custod. Reor. Verba autem generalia generatim sunt interpretan-*

pretanda per text. in l. 1. §. Generaliter ff. de legat. prast. contr. tabul. Neque delicta manebunt impunita, si precedentibus indiciis & facta inquisitione maleficos viros Judex in carcerem conjecerit. Aliter enim hoc fieri nō posse supra satis evidenter demonstratum est. Neque obstat, quod allatum fuit, in his, in quibus periculum est in mora, à regulis juris communis recedi. Nam id procedit in his, quæ favore aliquo digna censentur d. l. de pupillo §. si quis rivos ff. de nov. oper. nunc. d. l. si quis filio §. Hi autem ff. de injust. rupt. testam. d. l. Divus ff. de petit. hered. non autem in his, quæ sunt odiosa, & obscura, atq; id in criminalibus præsertim, quando de autore delicti nondum constat per supr. alleg. jur. Secus autem sese res haberet, si notoriū foret hunc vel illum delictum admisisse. Notorium enim non solum non est probandum. Marfil. in pract. crimin. §. 2. num. 216. Bal. in l. si verò §. qui pro rei qualitate & ibi Jas. ff. qui satisd. Socin. Jun. consi. 65. num. 3. lib. 1. Menoch. de recuper. poss. 15. remed. num. 264. Josephus Mascard. de probat. volum. 2. Conclus. 1107. num. 1. ubi complures Doctores allegat, sed nec alius ordo juris in his servandus est Menoch. de recuper. possess. remed. 15. num. 260. Spec. de notor. crimin. §. Jam de notorio num. 1. Hippol. in pract. crimin. §. 2. num. 38. Nat. consi. 540. num. 7. volum. 3. Mascard. d. conclus. 1107. num. 6. Immo in notoriis non servare ordi-

26 RESOLUTIO QUÆSTIONUM

nem est servare ordinem *Gail. lib. 2. de pac. publ. cap. 3. num. 22. per text. notab. in c. quæ Lotharius 2. q. 1.* Et quod ad mandata sine clausula attinet, ea Exceptionē sub et obreptionis ante paritionem admittunt *Gail. lib. 1. observ. 14. num. 1. & seq.*

RESOLUTIO QUÆSTIO NIS SECUNDÆ.

An fama, & quomodo, ad inquisitionem & ad carcerem sufficiens indicium pariat.

CUM demonstratum haftenus sit, Judicem, sine præcedentibus justis indicibus, in criminalibus à captura incipere non posse, videamus nunc, an fama ad inquisitionem & ad carcerem sufficiat. Quamvis autem fama, quando agitur criminaliter semiplenam probationem non faciat, sicut una mēte unoque ore communiter traderunt DD. Bald. in l. Quod non probasse C. de calumn. Paris. consi. 153. num. 11. volum. 4. Capoll. consil. crimin. 34. colum. 5. versi. nec sufficit dictum gloss. Bald. Burr. Imol. & alii in c. Veniens de testib. & ibi Dec. hanc communem esse opinionem affirmat Joseph. Mascard. de probat. volum. 2. conclus. 754. numer. 1. id tamen non procedit, quo ad inquirendum in aliquem, aut in carcerem ipsum detrudendum. Tunc enim fama suffi-

sufficit Bald. in consil. 360. quia questio column. 1. in fin. lib. 3. & idem in consil. 438. ad evidentiam column. 3. circa finem lib. 5. Cyn. in l. Nullus. C. de exhib. reis Mascard. de probat. d. volum. 2. d. conclus. 754. numer. 19. Et fama, licet non sufficiat ad iudicii decisoria, sufficit tamen quo ad præparatoria, ut inquit Bald. in consil. 78. numer. 2. & consil. 10. num. 5. volum. 3. Cravetz. in consil. 41. numer. 6. Mascard. d. conclus. numer. 20. Quod tamen hætenus verum est, si fama à personis honestis originem suam nata sit, aliàs enim nec ad inquirendum sufficeret Mascard. d. conclus. numer. 21. ibique allegati DD. et, si fama non habeat originem à personis malevolis. Si enim de hoc constaret, nõ pareret huiusmodi effectum inquirendi Mascard. d. conclus. numer. 22.

Non obstat, quod Carolus V. Imperator in d. cap. 6. & d. cap. 218. vocabula *Leumut* / *vnnd bösen Leumut* generaliter & puré, nullis omnino huiusmodi apposis requisitis, usurpat. Intelligitur enim fama, quæ legitimis juris requisitis est prædita, quod verbum generale prolatum à lege sit intelligendum secundum dispositionem juris alibi positam Jason in §. in personam num. 29. Inst. de action. quã dispositione perspicuis verbis posuit Carolus V. c. 25. in §. *Erstlich vers. Doch sol solcher böser Leumut.*
Unde

28 RESOLUTIO QUÆSTIONUM

Unde constat, si ex diffamatione, quæ istis requisitis constat, procures oppidi supra dicti veneficos in carcerem compingant, rectè illos rationeque atq; adeo secundum juris ordinem procedere. Quod verò ad consulentem nostram attinet, ea de veneficio per publicam famam nunquam diffamata, sed ab omnibus honestissima fœmina dignis virtutibus semper fuit commendata, eaq; re magnam apud cives suos laudem est consecuta; nec ullâ unquâ vel minimâ notata fuit ignominiâ, præterquàm quòd Venefici quidam confessione sua hâc Magiæ labem ipsi nuper inusserunt.

RESOLUTIO QUÆSTIONIS TERTIÆ.

Confessio facinorosi, quâ alium socium criminis nominat, quid de iure operetur.

Proximum igitur nunc est, ut dispiciamus, eccujus confessio sit illa ponderis ac momenti. Confessionem socii nec pro socio nec contra socium probare *text. est in l. sicuti 4. C. de quæst.* Ita enim Imperator Antonius inquit: *Sicuti convictis confessisque ad societatem scelerum vocantibus eos à quibus apprehensi custoditive sunt, facile credi non oportet: ita si evidentibus rationibus post commissum communiter facinus,*

facinus, ad evitandam de se sententiam id fecisse fuerint probati, publica vindicta non sunt subtrahendi l. Quoniam 10. C. de testib. verb. liberi testes ad causas postulantiur alienas, si socii & participes criminis non dicantur l. fin. C. de accusat. l. si filium in fin. C. de liberal. causis. Specul. in tit. de testib. §. 1. vers. Itē quod socius criminis num. 37. c. veniens de testibus c. personas. eod. tit. Bald. Salycet. & ceteri DD. in d. l. Quoniam C. de testibus; Ibique Baldus concludit, socium criminis nō admitti, siue ad impugnandum, siue ad defendendum socium, ideoque si quatuor simus in rixa; unusque deponat, me esse culpabilem, ei nō credi. Dec. cōsi. 342. in causa partus suppositi num. 2. Fulgos. consi. 135. in causa criminationis factae col. ult. & consi. 173. in causa inquisitionis formatae col. 1. vers. sed diversum Paris. consi. 53. num. 15. vol. 4. & consi. 151. num. 8. vol. 4. Jodoc. Damhud. in pract. causar. civil. tit. de reprob. test. num. 14. Ratio, quamobrem socius criminis a testificando repellatur, in promptu est, quia cōfitendo delictum se infamem esse declaravit Anchar. consi. 189. conclusionem hanc cōmunem esse testatur Roland. á Vall. consi. 73. num. 2. vol. 1. & Angel. in tractat. malefic. in §. fama publica vers. quero an particeps & vers. Quero an bannitus dicat. scilicet ante statuto, quod qui indicaverit malefactorem, habeat tantum, non comprehendere satium criminis. Latē & elegant. Jas. consi. 23. per tot. vol. 1. Joseph. Mascard. de probat. vol. 3. conclus. 1311. ubi

30 RESOLUTIO QUÆSTIONUM

ubi quàm plurimos Doctores communem hanc conclusionem stabilientes adducit.

Tametsi autem modò posita conclusio ita extendatur, ut socius criminis nec ad toturam, immò nec ad inquisitionem formandam indicium faciat *Salycet. in d. l. fin. C. de accus. Fulgos. consil. 135. in causf. crimin. colum. ult. vers.* Novissimè verò. *Dec. consil. 189. num. 8. & consil. 342. num. 2. consil. 234. numer. 1. Marsil. in practic. crimin. §. diligenter numer. 67. Bertaz. consil. crimin. 116. numer. 21. volum. 1. & consil. 225. numer. 18. consil. 28. numer. 3 consil. 39. numer. 13. ubi communem dicit Mascard. d. conclus. numer. 9. non obstantibus iis, qui contrariam tutati sunt sententiam, quòd nimirum dictum socii ad inquisitionem formandam sufficiat, ut Johan. Andra. Hostiens. Butr. Abb. & Anchar. in c. 1. de confess. Blanc. in tractat. de indic. numer. 387. ubi de communi opinione attestatur Alexand. consil. 127. numer. 16. volum. 4. Hi namque loquuntur & intelligendi sunt in eo casu, quando alia indicia cum socii confessione concurrunt; Conclusionis tamen modò commemorata extensio sive ampliatio in læsæ majestatis crimine non procedit, in hoc enim socius criminis ad dicendum testimonium admittitur l. Quisquis C. ad l. Julian. Majest. it.*

c. ne-

cap. nemini 16. quæst. gloss. in l. fina. C. de accus. ibiq. Bald. Salycet. & omn. Specul. in tit. de probat §. 1. versic. 10. Mars. consil. 1. numer. 32. Menoch. consil. 101. numer. 53. consil. 100. numer. 62. Gig. in tract. de crimin. l. s. Majestat. titul. Quomodo & per quos crimen l. s. Majestat. probet. quæst. 7. Mascard. d. conclus. 1311. volum. 3. numer. 21. Sicut neque procedit in crimine maleficii, in quo socius de sociis interrogari potest l. fin. C. de malef. Bald. consil. 95. Regula juris est versic. Item fallit. lib. 1. Gramm. decis. 28. numer. 10. consil. 38. Mascard. d. conclus. 1311. numer. 21. Et conclusio antea posita non proeedit in crimine occulto, & quod difficulter probari possit. Nam & tunc socius contra socium ad testificandum admittitur Feder. Scot. consil. 10. numer. 28. lib. 2. tom. 2. Cravett. consil. 178. numer. 3. Roland. à Vall. consil. 68. numer. 4. volum. 2. Bald. in Authent. si dicatur C. de testibus. Mascard. d. conclus. 1311. numer. 33. Necessè tamen est, ut talis sit actus, qui & actu & habitu sit difficilis probationis Jason in l. cunctos populos C. de Summ. Trinit. & fid. Cathol. aliique complures DD. quos idem Mascard. adducit d. conclus. numer. 34.

Quia verò maleficii crimen hoc nostrum est, de quo agimus, idque ad Majestatis

32 RESOLUTIO QUÆSTIONUM

jestatis læsæ crimen refertur *Vvesenb. in parat. ff. ad l. Jul. Majest. num. fin.* ubi magias & incantationes noxias, prædictionesq; & consultationes divinantium læsæ Majestatis crimini subjici scribit, & Magia occulte peragitur, ac in læsæ Majestatis crimine etiam socii adversus socium ad inquisitionem formandam testimonium sufficit, de maleficioque insuper hoc nominatim constitutum est per allegata jura, in consulentem nostram Magistratus supra dicti oppidi de maleficio haud injuria inquirere videtur, idq; tantò magis, quòd socii delicti adversus ipsam confessi sunt in torturis. Quamvis enim aliàs socii criminis testimonium adversus socium inquisitionem nullam operetur, etiam in hoc crimine idq; genus aliis, si extra torturam confiteatur, quòd talis socius, qui alium societate sceleris sibi addictum esse fatetur, jam sit infamis, infamis autem contra aliquem sine tortura non audiat *c. illo qui §. quæst. §. c. in primis in fin. 2. q. 1. glò. in c. cum P. de accusat. & in c. per tuas de Simõ. Alex. consi. 11. circa primum colum. 2. volum. 1. Gandin. in tract. de malefic. sub tit. de quæst. & tortu. §. mine autem restat. versi. sed quero nunquid isti nominati Bertazoll. consi. crimin. 234. num. 4. vol. 1.* depositio tamen socii criminis in maleficio & similibus delictis enormibus in tortura facta hoc efficit, ut quo ad inquisitionem forman-

formandam ei credatur Alberic. in l. fin. C. de accusat. Fulgos. consi. 173. in caussa inquisitionis formata col. 1. prope fin. vers. Quidam Doctor, quem secutus est referendo Marsil. in practic. crimin. §. diligenter num. 61. Quid? quod non unus sed tres focii idem confessi sunt in torturis, atque adeo ex gravium quæstionum adminiculo ad testificandum apti ac idonei redditi per jura pauló anté proposita, in ore autem duorum vel trium consistere veritatē omnem plusquā tritū est ac tralatitium. Et hanc confessionem morte sua confirmarunt omnes, ideóq; falsum dixisse non putantur, quod morti vicini plerunque de salute æterna cogitent, ac propterea mentiri non præsumantur Mascard. de probat. vol. 1. conclus. 144. Hinc exercitatissimus quondam Germaniæ nostræ Practicus Andreas Gail. lib. 2. observ. practic. observ. 43. num. 2. juramentum in litem á defuncto oblatum, pro præstito haberi scitibit, eó quod mors non minorem fidem quā corporale juramentum mereatur, ut communem sese habere opinionem ibidem attestatur adducēs Bartol. in l. admonendi numer. 2. ff. de jurejur. Jas. ibid. num. 105. Bald. in l. comparationes num. 14. C. de fid. Instrum. Socin. seni. consi. 161. num. 6. volum. 2. Incip. pro decision. Castrens. consi. 301. num. 4. volum. 1. Incip. Ad bené examinandum Z. as. consi. 5. num. 58. volum. 1. Cravett. de antiq. tempor. part. 1. sect. 4.

C

num.

34 RESOLUTIO QUÆSTIONUM

numer. 48. & consil. 158. numer. 7. part. i. Alciat. reg. 3. præsumpt. 4. numer. 5. cum seq. Plot. ad l. si quando C. unde vi §. 34. numer. 2. cum seq.

Quæ quidem fundamenta talia esse sibi facile aliquis persuaserit, ut Magistratus ab officii sui ratione nihil alienum facturum videri possit, si in consulentem nostram diligenter inquirat. Verum illis non obstantibus tenere ante omnia oportet, quod in malefici ejusque farinae sceleribus sociorum criminis in tortura factam confessionem, quâ socios alios nominârunt, ad inquisitionem sufficere textibus & Doctorum autoritatibus in medium allatis probatum est, id hæcenus verum esse, quando socii, qui alios ut socios nominârunt, sunt aliâs bonæ conditionis & famæ, secus autem sese rem habere, si sint infames malæque conditionis homines, quia tunc non faciunt indicium ad inquisitionem. Atque ita docuerunt *Anton. de Butr. & Imol. in cap. si qui de testibus. Ruin. consil. 147. numer. 3. & 4. ubi hanc affert rationem, quod adhuc, ut faciant indicium, debeant esse integri ac bonæ opinionis Marsil. consil. 74. numero 23. Gramm. consil. 35. numero 27. consil. 38. numero 5. consil. 44. numer. 2. consil. 70. numero 7. Gig.*

7. *Glg. in tract. de crimin. les. Majestat. titul. Quomodo & per quos crim. les. Majestat. prob. quæst. 7. numero 7.* Quod idem est, si sint aliàs hujusmodi, qui à testimonio repellantur, ut sunt pauperes, minores, & alii. De istorum enim fide maximè dubitatur. *Bertazoll. consil. crimin. 61. numero 18. consil. 40. numero 12. Cephal. consil. 462. numero 9. Bertaz. consil. crimin. 116. num. 22. volu. 1. consil. 28. num. 3. consil. 39. num. 15. consil. 234. num. 1. Rol. à Vall. consil. 16. num. 17. vol. Natt. consil. 298. nu. 6. volu. 1.* & est communis opinio, ut testatur *Abb. in cap. 1. de confess. Mascard. d. conclus. 1311. numero 41.* ubi innumerabiles in hanc sententiam adducit Doctores. Si verò malefici, qui consulentem nostram nominarunt sociam, & malæ aliàs existimationis & tenuissimæ fortunæ homines fuerunt. Et qualis unus ex iis fuerit, eventus comprobavit. In carcere namque laqueo mortem sibi conscivit, id quod argumento est, sceleris ipsum conscientiam veluti furiis quibusdam impulsam violentas sibi manus attulisse, atque ita pro confesso habendum esse, quod pro confesso jura illum habeant, qui post institutam accusationem ante sententiam lucis hujus usuram sibi adimit. *Vvesenb. in parat. ff. de bon. eor. qui ante sentent. numero 1. & l. fin.*

36 RESOLUTIO QUÆSTIONUM

ff. eod. tit. Præterea indicia ex depositione locii criminis orta, probando bonam famam nominati, facile dilui tradiderunt *Mars. consi. 12. num. 38. consi. 15. num. 5. & 6. consi. 28. num. 26. Gram. consi. 21. num. 10. consi. 38. num. 18. consi. 44. num. 4. Sobin. Jun. consi. 39. num. 66. volum. 2. Mascard. d. conclus. 1311. num. 17.* Fœmina autem nostra & pietatis semper & honestatis præclaram laudem ac famam habuit, quæ per testes, si opus sit, satis luculenter probari potest. Honestas namque famæ cum per sese semper præsumatur *arg. l. Merito ff. pro socio & notat Natt. in consi. 362. num. 11. vol. 2.* tum verò etiam iura tantopere ei favent, ut etiam per testes singulares probari eam posse responsum sit ab *Alex. in consi. 51. versi. nec est curandum num. 5.* Refert & sequitur *Bartol. in l. de minore §. plurimum in versi. sed quid si testes de quest. & bonam famam alicujus testibus deponentibus magis credi, etiam si pauciores sint numero, quam illis, qui de mala fama attestantur, consultus respondit Bald. in consil. 166. Incipient. Proponitur, quod ex quodam instrumento in fin. volum 2. Cern. in consi. 261. col. 9. volum. 4. Mascard. de probat. vol. 1. conclus. 235. num. 1.*

Et hac responsione ad primum argumentum diligenter considerata, non refragabitur objectio secunda de tribus maleficii fociis proposita, tum quòd de consulente fœmi-

fœmina præclara sit apud omnes integritatis & sanctimonix opinio, tùm quòd socii isti omnes cæteroquin ad testificandum sint inepti, & proinde nullam ipsorum testimonium fidem mereatur. Numerus enim non tollit inhabilitatem, nec supplementum inducit, nec duo imperfecta in sua specie possunt unum perfectum facere *l. 1. C. Qui num. tut. Alex. in l. si quis argentarius in princ. ff. de edend. Nat. consi. 298. num. 10. vol. 1. Ancha. consi. 248. in caussa agitata Felyn. in c. testimonium in 2. notab. de testib. Roland. à Vall. consi. 16. vol. 1. ubi reprobat Boerium, qui contrariũ tenuit decis. 316. & affirmat, non obstantibus dictis duorum sociorum criminis, eũ, pro quo consuluerit, liberatum fuisse, & socios ad triremes condemnatos. Ita quoque declarat. *Blanc. in repet. l. fin. num. 385. ff. de question. ubi dicit, quòd ex dictis plurium sociorum criminis tantum resultet, quantum ex uno & non plus, quia una tantum est qualitas indicii Gram. consi. 35 num. 25. Et hinc est, quòd, etiamsi tres confiteantur, se vulnerasse aliquẽ, & alium itẽmque socium nominent, contra illum non maiorem fidem faciant, quàm si unus esset solus Joseph. Mascard. d. conclus. 1311. num. 18. Bald. in l. Quoniam in 2. notab. C. de Testam. Marsil. consi. 78. numer. 2. Alex. consi. 88. col. pen. vol. 5. Ruin. consi. 22 consi. 105. in princ. vol. 4. Dec. consi. 189. num. 7. consi. 234.**

38 RESOLUTIO QUÆSTIONUM

numero 1. & 2. Petr. Francif. Mancassola Advocatus Placentinus in consil. ad defensam Illustris Domini Francisci Vice-comitis versicul. & promissa conclusio Bertran. consil. 268. numero 2. volum. 3. Neque obstat tertio, quod tres illi malefici morte insecuta confessionem hanc suam in torturis factam confirmarunt. Huiusmodi namque per mortis supplicium confessionis corroboratio consulenti nostræ fraudi esse non debet, quod mortis timore oppressus similis sit mortuo, ut dicit text. in 2. Jubemus post princip. C. de Testament. idemque voluit Castrens. consil. 366. viso puncto, & dixit Bald. in l. Extraneum in princip. C. de hered. institut. constitutum in mortis articulo non posse adire hæreditatem, & elegans textus est in l. 3. §. 1. ff. de senatusc. Sillan. §. 1. ubi, si quis moriens dixisset, inquit Ulpianus Jureconsultus, a servo vim mortis allatam esse sibi, dicendum est, non esse credendum domino, si moriens hoc dixerit, nisi potuerit & probari. Neque obstat, quod morientes non mentiri præsumantur. Hæc enim præsumptio per veritatem contrarii eliditur, quod compertum sit, morientes sæpe mentiri Sichard. in Authent. sed novo jure C. de serv. fugitiv. Nam non omnis, qui moritur, est sanctus Joannes Evangelista, ut dicit

cit Bald. in titul. de pac. constant. versicul. *Vasalli*
 & sequitur Bertran. consil. 162. lib. 2. Ne-
 que ad rem facit, quod cogitatio de æter-
 na salute consequenda hujusmodi ma-
 leficos sit á mendacio abstractura. Mul-
 ti enim absque ulla pœnitentiæ significa-
 tione animam exhalant, & tunc confes-
 sionem ipsorum, quâ ut socios alios no-
 minârunt, ad inquisitionem non facere
 indicium haud obscuré testatum facit Jo-
 seph. Mascard. d. conclus. 144. numero 2. Et
 nullis aliis indiciis contrarium demon-
 strantibus, Veneficorum confessionem,
 qui nulla scelerum pœnitundine ducti mor-
 tem obeunt, ad inquisitionem nihil ha-
 bere momenti diserté scribit Godelmann. in
 pulcerr. suo Tractat. de Magis, Veneficis & La-
 min. libro 3. capit. 9. numero 31. Jam veró
 compertum exploratúmque habemus,
 maleficos eos, qui confessione sua con-
 sulenti nostræ fœminæ nefariam machi-
 nari pestem necémque studuerunt, par-
 tim eo ipso, quod unus de his post fa-
 ctam accusationem ante sententiam vi-
 tam sibi in vinculis exhausit, partim a-
 liis evidentissimis argumentis declaras-
 se, quanta in desperatione ac impieta-
 te mortem sustinuerunt. Neque veró
 consulenti nostræ matronæ á Caroli V.

40 RESOLUTIO QUAESTIONUM

Imperatoris criminali constitutione *in cap. 29. 30. & 31.* quicquam est pertimescendum, cum nominationem socii criminis inter communia ad torturam indicia numerat, idque tam in non exceptis, quam exceptis criminibus sub rubrica: *Communia indicia, quorum singula per sese ad questionem gravem sufficiunt* Gemeine Anzeigung / deren jegliche allein zu Peinlicher Frage gnugsam ist. Nam Carolus V. non simpliciter id affirmat, verum si sequentes concurrant circumstantiae. Primò quidem, ut nominatori nominata persona speciatim nō fuerit subiecta, neque nominatim de ea maleficus in cruciatu eculei interrogatus, sed ut in genere rogatus, quis ad delictum ei suum opem tulerit, personam istam nominaverit. Ratio in promptu est, quod specialis ista interrogatio potius suggestio quædam sit, quam interrogatio. Id quod etiam ante Carolum V. Imperatorem jure civili constitutum est *l. 1. §. Qui questionem ff. de quest. gloss. in l. Prius & in l. si certus ff. ad Sillan. Blan. in tract. de indic. num. 382. Ruin. consi. 7. num. 14. vol. 5. Salycet. in l. fin. col. pen. vers. quero nunc de modo C. de accus. Mascard. d. Conclus. 1311. num. 39.* Secundò ut maleficus, qui alterum socium nominavit, diligenter interrogetur, quomodo & quando nominatus socius ipsi auxilium præstiterit, & qui cum eo fuerint, eaque

eaque in re omnes ex eo necessariae ac ad
 veritatem indagandam utiles circumstan-
 tia summo cum studio ac diligetia sunt ex-
 quirendae, quae cum speciatim tradi non
 possint, prudentis Judicis arbitrio relin-
 quuntur. Tertió diligenter erit percon-
 tandum, utrum maleficus nominans eum
 malefico socio nominato inimicitias & si-
 multates graves exercuerit. His enim ini-
 micitiis deprehensis manifesteq; comper-
 tis nominanti de hac sua confessione non
 est credendum, nisi tales causas & tam di-
 lucida argumenta indicet, quae etiam in in-
 quisitione sufficiens facere indicium de-
 prehendantur. Et idem aliás quoque sanc-
 tum est in *Auth. si dicatur C. de testibus Auth. si te-
 stis C. eod. c. testium c. Quoties ext. eod. tit.* Quartó
 ut nominatus tam gravi suspitione labo-
 ret, ut aliquis de ipso sibi tale quid pollice-
 ri habeat. Quintó denique requiritur, ut
 maleficus nominans in hac sua confessione
 constanter perseveret. Quod etiam aliás
 in delictis exceptis, cujusmodi est hoc ve-
 neficii crimen, quo de tractamus de jure
 vetustiori cautum est, si cum nominatione
 socii criminis, cæteris paribus, hujusmodi
 indicia concurrant. Tunc enim socius cri-
 minis non solum facit indicium ad inquisi-
 tionem formandam, sed etiam ad torturá
Gandin. in tracta. malefic. in rubr. de quæst. & torm.

versi. pravæ cogitationes Guil. de Sazar. in tractat. malef. titul. Qual. reus subiciatur torment. colu. 1. in fina. Angel. in l. si certus ff. ad Syllan. Salycet. in l. fin. C. de accusat. Roman. in d. l. si certus ff. ad Syllan. communem hanc opinionem esse dicit; & receptissimam hanc esse sententiam testatur Roland. a Valle consi. 73. num. 1. 20. volu. 1. Sequitur Nicola. Sopran, Placent. in consil. ad defensam Illustris D. Vice-comitis versicul. Quartum indicium; quos omnes cum plurimis aliis refert ac sequitur Mascard. d. conclus. 1311. numero 52. Ad consulentem verò fœminam nostram quod attinget, præterquàm quòd maleficos, qui ut socium maleficii ipsam nominarunt, homines alioqui fuisse extremè infames & ad testificandum ineptos notum est, constat insuper, consulentem in nulla unquam vel minima suspicione maleficii fuisse, Quocirca Carolina constitutio criminalis minimè ei obesse poterit. Porro non obstabit, si objicias, cùm testes non probent, nisi scientiæ suæ bonam causam interrogati assignaverint per unum ex quinque sensibus Bartol. in l. 1. in 3. colum. & ibi Alexand. & DD. ff. si cert. petat. l. Solam & ibi Bald. C. de testib. Mirant. part. 6. de ordin. Jud. act. 6. numero 10. quod in criminalibus procedit, ut maximè non interrogati dicti sui rationem signific-

gnificaverint Salycet. in l. *sciant cuncti* C. de probat. Jas. in l. *Admonendi* ff. de jurej. Marsil. in pract. crimin. §. *diligenter*, numero 31. Dec. consil. 37. num. 7. consil. 100. numero 2. consil. 429. numero 11. Joseph. Mascard. de probat. volum. 3. Conclus. 1369. numero 47. maleficos istos caussam sive rationem sui dicti, quod nimirum consulens ista nostra fœmina sit malefica, in tortura deposuisse hanc rationem, quod ipsam viderint in comestationibus illis & choréis, quas quorannis Diabolus cum suis ministris maleficis & Sagis exercere atque celebrare consueverit, testes autem deponentes de visu aliis longè prævalent DD. in §. *si verò tale* in Authent. de instru. caut. & fid. Alexand. in consil. 81. in caussa & lite numer. 3. versic. & pro ista opinione. volum. 2. eleg. text. in §. *fin.* Inst. de grad. cognat. verb. *cum magis veritas oculata fide, quam per aures animis hominum insigatur.* Nam quod Sagæ confitentur, se unguentis prius quibusdam certis veluti felis alicujus aut lupi adipe, & quibus nescio aliis probè probèque perunctas scopis deinde, furcis, palliis, baculis atque hujusmodi aliis insidentes per caminum evolare, & inde quàm-celetrimè ad locum isti Diabolorum ejusque asseclarum congregationi destinatum deportari, id revera ita non evenit, sed alto Sagæ somno sopitæ de nocte somniât, se unâ cum Diabolis & suæ farine hom-

44 RESOLUTIO QUÆSTIONUM

hominibus epulari, bacchari, commessari choreas exercere, & alia agere, quæ ad omnis generis voluptates conciliandas maximè facere videntur. Expergefactis iterum ac è somno excitatis quid aliud iis fieri dicemus, quàm quòd species hæ ipsarum imaginationi ita firmiter impressæ & infixæ inhærent, nulla ut unquam dies eas ex animis illarum obliterare possit. Magnam enim imaginationis depravatæ vim esse etiam ii nòrunt, qui vix primoribus, quod dicitur, labris Philosophiæ naturalis elementa degustârunt. Et Hippocrates Medicorum princeps, qui doctissimus à Jureconsulto dicitur in *l. septimo mense ff. de stat. homin.* præclarissimè litteris memoriæque proditum reliquit in *lib. de Insomn.* varias esse & diversimodas stupendasque mentis seu animæ humanæ nunquam nec in somno quiescentis conceptiones, cogitationes, imaginationes tam validè ei fortitèrque impressas, ut homo post cessantem somnum sibi persuasissimū habeat, & firmiter credat, verè & realiter ea omnia còtigisse, quæ somniavit. Citat *Scribonius in Physiologia Sagarum pag. 59.* Cùm etià mulieres in libidines ac voluptates sint impensè proclives, quid mirum est, eas in somno, Satana magis magisque ad ipsarum perniciem suiq; regni dilatationem, phan-

thasian

tarian illarum sive imaginativam sentien-
 tis animæ facultatem depravante, amato-
 rum voluptatúmque, quæ ab iis expectari
 consueverunt, species præsentés cernere?
 Quid mirum, cùm jucundissima nobis eo-
 rum semper obverletur memoria, quæ no-
 bis gratissima acceptissimáq; vel semel in
 universo vitæ curriculo acciderunt, mulie-
 res istas perpetuam dulcissimæ cum Satana
 amasio suo suisq; fociis consuetudinis me-
 moriam conservare, ac illius identidem et-
 jam tùm, cùm aqua ipsis hæret, & ad restim-
 res rediit, ut vulgaribus adagiis circumfer-
 tur, non sine singulari oblectatione re-
 cordari, præsertim cùm statò tempore re-
 currente, adhibitis consuetis unguentis,
 easdem iterum voluptates in depravata
 phantasia sua persentiscant? Constat ex
 naturali Philosophia, imaginationi per
 insomnia varias etiam rerum longissimo
 á nobis intervallo remotarum formas re-
 præsentari easq; species ita fortiter quan-
 dóque hominibus impressas manere, re-
 vera ut ita evenisse, quemadmodum in in-
 somniis facta est repræsentatio, vigilan-
 tes vel prorsus sibi persuasum habeant, vel
 certé dubitent. Quilibet in se ipse de-
 scendat, sui que corporis *κράσις* atque con-
 stitutionem pauló accuratiús contemple-
 tur, & rem profectó ita esse fateatur ne-
 cesse

46 RESOLUTIO QUÆSTIONUM

celle est, Vide *eleganter Petrum Martyrem in libro 1. Samuel. cap. 28. pag. 167.* Quid igitur dubitemus, quin Satanas universæ naturæ peritissimus talibus unguentis mulieres istas obsequentissimas ministras suas sese oblinere doceat, quæ corporis constitutionem ita afficiant, ut profundo somno sopitæ & tanquam sepultæ Diabolos & locias suas præsentis cernant? Quanta imaginationis vis sit, cum ex adducto Hippocratis loco planum antea factum est, tum præstantissimus disertissimusque Philosophus ac Medicus Levinus Lemnius *de complexionibus lib. 1. pag. (mibi 41.)* hilce verbis attestatur: *Mulieris latentium tacitarumque imaginationum*, inquit, *tanta vis est tamque efficax, ut quæ, sub ipso conceptus momento animo mentique obversantur, in factum elaborentur.* Quum enim is sexus lascivus sit ac ludibundus, atque oculus in obvia quæque continenter defigat, sit, ut naturalis facultas, quæ operi formando perficiendoque insistit, eò cogitationes mentisque conceptus dirigat, atque ascitiam formam infanti inducat à parentum natura ac conditione prorsus alienam. Sic observatum est nostra & avorum memoria, cum Imperator Carolus ejus nominis Quintus ex Hispaniis in Belgicam instructissima classe esset delatus, ac numerosa clientela, amplòq; Procerum ac Stipatorum apparatus horas implevisset, mulieres, quæ passim gestabant uterum,

terum, ex crebro Hispanorum contuitu, exactis novē mensibus, decursūque anni dodrante infantes edidisse superciliis capillisq; nigris ac crispis, tūm colore illi nationi undiq; assimili, non quidem triobolares ac meritorias, quas genti servida ac salaci se subiecisse credi par est, sed spectata probitatis atq; incorrupta pudicitia matronas huiusmodi affectus in se suosque concepisse. Simili ratione cū Belgis imperaret Maximilianus Caesar ex Pannoniis, hoc est, Austria-gente oriundus, foemina ob Germanorum consuetudinem ac conspectum, flavis rutilisq; criminibus infantes ediderūt ac Germanis prorsus affines. Haecenus Lemnius. Vid. Paracels. in tract. de Imaginat. Quod si igitur imaginatio tantā vim habet, ut imaginans etiā in aliū virtutē illius explicare possit, atq; adeo imaginationis matrū infantes in utero materno impressionē patiātur, participēsque virtutis inde resultantis fiāt, annon imaginatio illa in ipso imagināte, quo cū nihil tale conjunctū est, in quod pars aliqua derivari possit, multo robustior erit ac validior, qā tūm ex Physica generali, tūm etiā ex parte illius aliqua, q̄ Optica dicitur, notū est immotae veritatis axioma illud & principiū, VIRTUTEM UNITAM DISPERSA ESSE FORTIOREM? Itaque inveterata illa in vulgianimis opinio, quod Sagæ, perunctæ quibusdam unguentis, scopis per caminum subvolēt ad loca procul diffita, ibiq; cum sociis suis & Diabolis genialiter vivant, tota est imaginationi

48 RESOLUTIO QUÆSTIONUM

sagarum accepta ferenda, sicut & ab eadem phantasiæ depravatione proficiscitur Sagarum confessio, quod hanc vel illam mulierem in istis conventiculis ac choreis viderint. Atq; hæc omnia imaginationis phantasmata quædam esse ac somnia tanto magis mihi persuaderi patior, quanto gravius inter rem ipsam ac veritatem omnem dissidium intercedit. Satanam essentias rerum, earumque qualitates qua essentiam quidem non constituunt, sed eam constitutam immediatè & veluti secundo naturæ momento consequuntur, & sine quibus ne puncto quidem temporis res subsistere potest, tollere non posse, unanimiter & à Theologis & à Philosophis receptum est axioma. Idque ita verum est, ut sit *καὶ ἀμετρον καὶ ἀμελᾶπτον, καὶ ἀναπόδεικτον*. Talis qualis est locus. Locus enim rem constitutam statim excipit, & res est in primo naturæ momento, sicut locus in secundo, ac licet locus non sit de essentia corporis, est tamen corpori necessarius, quatenus corpus est. Idque esse est illa *περίστασις* extrinsecus adveniens. Et quamvis locus sit corpore posterior, neque ingrediatur definitionem corporis, non tamen corpus potest esse sine loco illo. Nam tamen si, quod non includitur in definitione, abesse potest à definito in definitione: non omnè tamen abesse

abesse potest ab ipsa re definita. Propria enim, quæ vocantur, in definitione non ponuntur, à re tamen abesse nequeunt, cuius propria sunt. Et si namque sunt natura suis substantiis posteriora, non tamen re, sed aut ipsamet res in secundo momento naturæ, ut vult ipsemet Duns, sunt, aut saltem omnino inseparabilia. Qua necessitudine conjunctum cum corpore locum arbitror. Ita Julius Cæsar Scaliger post homines natos præstantissimus, & pari cum Aristotele gradu incedens Philosophus non minus subtiliter, quam utiliter & verè scribit. *Exercit. ad Cardan. 5. sect. 6.* Proinde Satanas corpori Physico locum adimere non potest. Adimeret autem, si Sagas per minutissima illa caminorum foramina, per quæ vix passerulo alicui transvolandi facultas daretur, abduceret. Locus enim nullus & locus inæqualis in Physicis æquiparantur, & natura penetrationem dimensionum in solidis corporibus non concedit. Et animadversione dignum est, quod Augustinus in *Epistola ad Dardanum*: Tolle, inquit, *spacia corporum, nusquam erunt, & quia nusquam erunt, nec erunt.* Quod idem obtinet, si Satana non deducente Sagas, subvolare eas dicere aliquis audeat. In adipe enim tanta vis esse nequit, ut corpus grave, quod secundum naturæ ordinem deorsum fertur, sursum in aërem

D evehat.

50 RESOLUTIO QUESTIONUM

evehat. Neq; Satanas ista fotamina ampliare putandus est. Audiretur, n. sonus aliq; ex collisione corporū necessariō resultans, id q; factum esse nuspiā legitur, & fando nunquam est auditum Et tamen salva omnia in cōtignationibus tectorum reperiūtur. Idcirco cū hac sententia & in Philosophia & in Theologia sit absurda, in eorum sententiā pedibus eo, qui existimant, ex corrupta à Diabolo phantasia obfirmatam hāc de choreis & tripudiis cum Cacodæmone & fociis opinionem Sagas in animis suis fovere. Ista .n. opinio nihil absurditatis habet. Quin imō & Physici & Medici mirabiles imaginatricis virtutis operationes esse constanter affirmant. Cuilibet autē perito in sua arte credendum esse disertē pronunciat Ulpian. in l. 1. in princ. ff. de ventr. inspici text. in l. bonorum ff. de bonor. possess. l. intestato ff. de suis & legitim. §. Quod autē a nobis in Auth. de non alien. l. Semel C. de re militar. lib. 12. l. 7. ff. de stat. homin. c. Significavit de homicida. ppositi de phat. fraternitatis de frigid. & malefic. Spec. in tit. de homicid. §. 1. col. 1. vers. Pone A vulnē axit, et iterū vers. an mortuus Bertaz. cons. 1. n. 21. & cons. 116. n. 15. et 208. nu. 22. in crim. Quam plurimos Doctores citat Masc. de prob. vol. 3. conclus. 1169. Et p̄sertim ægritudo alicujus, ut est phantasia male affecta, medicorum testimonio p̄batur Bart. in l. contumaciam §. p̄nam ff. de re judic. Eleganter

terid probat Gordiani Imperatoris rescriptū in l. *semel C. de re milit. lib. 12.* ubi rescripsit, militem ē militia ægritudinis ergo non debere, mitti, nisi Medicis hoc denunciantebus *Bartol. in d. l. 1. ff. de ventr. inspici.* Et, ut *συνάβδην* dicā, quid veritatē sententiæ nostræ pluribus asserere attinet, cū, ipsa evidentiā facti cōfirmetur, quā certior probatio nulla est, ideōq; omni p̄bationi præferri dicitur *Azo in summ. tit. C. ad l. Aquil. in rubr. sicut refert, cōmendat. & sequitur Bald. in rubr. de prob. col. 1. in fin. & in l. 1. C. si adversus libert. & in l. pen. C. de pericu. tutor. & Bal. ia l. 1. C. Sentēt. rescind. non poss. & Abb. in c. 1. de purgat. Canon.* qui omnes uno ore docuerunt, hāc per evidentiā facti probationē lōgē omnes alias superare. Latē & eleg. *Joseph. Masc. q. 8. in prolegom. vol. 1. de probat.* Veritas autē sententiæ nostræ per evidentiā facti ita cōperta est. Fœmina quædā, quæ Megapolitano cuidā nobili fidelē diu operam pręstiterat, a q̄busdam incantatricibus postea incēdio extinctis criminis locia nominata fuit, quæ illā scientiæ suæ rationem attulerāt, q̄ aliquoties ipsa in monte illo, ubi convētus agitare suos annuos consuevissent, versata secum fuisset. Id herus, qui mulierem propter singularem in re familiari administranda dexteritatem mirificē diligebat, primū perquā molestē tulit. Postea ut crederet, vix adduci poterat.

52 RESOLUTIO QUÆSTIONUM

Cúm vero tandem ea de re ancillæ loqueretur, fatua illa respondebat, confessionem istam de peregrinatione ad montem illum veram esse, sibi que eum aliis sequente nocte eó proficiscendi necessitatem imponi. Quid veró fit? Nobilis, Pastore aliisque familiaribus noctu domum suam accersitis ad seq; receptis mulierem in conclavi quâ diligentissimè asservat, re ipsa experturus, futurumne sit, ut peregre abeat. Sed ecce tibi cúm illa sese perunxisset, ita arctus eam somnus complectebatur, ut neque nocte illa neque postero die expergisceretur. Insequenti autem luce interrogata respondebat, se unâ cum aliis Veneficis in monte solito conventui consueto interfuisse, nec aliud quicquam sibi ipsa persuaderi patiebatur. Meminit hujus historiæ D. Georg. Godelman. *in suo tractat. de Mag. Venef. & Lam. num. 23.* Et plures ibidem tam Physicos & Medicos, quàm Jureconsultos idem sentientes adducit. Præterea cúm Diaboli, scriptura teste, nocte diéque eam in curam atque cogitationem incumbant, quemadmodum homines tùm in hujus, tùm æternæ salutis periculum cōjiciant, annón credibile est, eos honestarum quarundam piarumque mulierum, quas propter eximiâ pietatem capitaliter oderunt, funditusque everfas propterea extirpatasque esse cupiunt,

piunt, species ac formas in istis choreis re-
 præsentare posse, ut deinde alii forte ad-
 ventantes mulierum istarum formas in syl-
 vis videant; conspicatique fœminas istas,
 quas revera se vidisse existimant, ad Magi-
 stratum deferant, qua delatione ipsæ non
 solum grave existimationis suæ, sed etiam
 vitæ discrimen non parum quidem sæpe
 incurrunt, si non omnino lucē hae privan-
 tur. Atque Satanam non semel in nefariis
 quibusdam criminibus id tentasse, ex histo-
 riarum monumentis didicimus. *Audivi*, scri-
 bit Ludovicus Lavaterus de Spectris lib. iii.
 part. i. cap. 19. pag. 111. ex viro gravi & prudente
 ditionis Tigurina præfecto, qui asseverabat, se astate
 summo mane cum servo suo iter facientē per pascua,
 vidisse quendam sibi optimē notum, qui eque se ne-
 fariē commisceret, se obstupescitū reflexisse iter,
 pulsavisse ades illius, quem putabant se vidisse, acque
 certo comperisse, quod ille cubiculo suo nunquam e-
 gressus esset. Et nisi omnia diligenter explorasset, bo-
 nus & honestus vir in carcerem detrusus, & tormen-
 tis subjectus fuisset. Hanc historiam, inquit, ideō re-
 cito, ut iudices in huiusmodi casibus cauti sint. Dia-
 bolus enim hac via sæpe innocentibus insidiatur. U-
 xor Henrici secundi Imperatoris, Chunegunda, suspe-
 cta fuit de adulterio, rumorēque sparsi, quod nobili
 quodam Juvēne in aula nimis familiariter uteretur.
 Diabolica enim illius juvenis species ē cubiculo Au-
 gustæ egrediens sæpe conspecta fuit. illa postea calcan-
 do igni-

94 RESOLUTIO QUÆSTIONUM

de ignitos vomeres (ut illis temporalibus fieri consuevit) absque ullo pedum detrimento suam innocentiam declaravit. Albert ; Crantz, lib. 4. cap. 5. Metropol.

Et quid opus est sententiæ nostræ fundamenta ex Philosophis, Medicis, & Historicis pauló altius repetere, cum contrariæ opinionioni fidem omnem abrogandam esse Pontificio jure disertè doceatur *c. Episcopi. 26. q. 5.* allata hac ratione, quód Diabolus per somnia variè hominibus imponere, eorúmque phanthasiam mirum in modum afficere possit, quamvis ipsius juris autoritas absque ratione per sese sufficiat. *Petr. Dominic. Magdal. de num. test. in testam. requis. cap. 22. numero 52. p. 1.*

Unde constat, contrariam sententiam nullum vel in Philosophia vel in Jurisprudentia vel in Theologia habere fundamentum. Ac sufficiat nobis, qui professione Jureconsulti sumus, Adversariorum opinionem in jure esse reprobatam. Itaque in refutandis ipsorum frivolis argumentis operam inanem haud sumam, quod & á Godelmanno *in d. cap. 4.* abundè illis satis sit factum. Adde Joannem VVierum de præstigiis Dæmonum *lib. 3. cap. 9. & 10.*

Cum igitur & naturâ, & factó, & jure & pugnantia denique atque perplexitate
sit

sit advalor (ita enim rō advalor live impos-
 sibile distinguunt DD. in l. Impossibile. ff.
 de Reg. Jur. & l. Non solum. 31. ff. de obligat.) ut
 venefici de nocte scopis insidentes atq; per
 caminum subvolantes ad choreas deferan-
 tur, testimonium maleficorum istorum;
 ut maximē in tormentis subiecti adversus
 consulentem matronam nostram depo-
 fuerint, se vidisse ipsam in solennibus suis
 feriis ac congressibus, omni fide destitui-
 tur. Testi. n. non verisimilia deponenti cre-
 dendum non est. text. est in l. ob carmen. §. 1.
 ff. de testib. cap. Quia verisimile. Et ibi Abbas &
 Felin. ext. de presumpt. Jas. in l. Si extraneus. in
 4. notab. ff. de condict. ob caus. Alexand. consi. 2. num.
 11. Volum. 2. Cravet. consi. 134. numer. 30. consi. 28,
 in princ. consi. 115. num. 11. Quod enim non est
 verisimile, non est credibile, nec cōsidera-
 bile. l. Qui habebat. ff. de Legat & fideic. 3. Ruin.
 consi. 1. num. 11. vol. 5. Verisimilitudo enim est
 cognata naturæ, et ē contratio non verisi-
 mile naturæ adversatur. l. 1. ff. de his qui sunt sui
 vel alien. iur. Riminal. sen. cons. 442. num. 14. vol. 4.
 Nat. cons. 665. nu. 9. Decian. respons. 91. nu. 44. vol.
 3. Id. n. quod distat á verisimili, imaginē ha-
 bet falsitatis. Bald. in l. 1. col. 3. C. de serv. fugitiv.
 et in l. Acto. q. asseverat C. de Prob. Pacirol. cons. 58.
 nu. 38. vol. 1. Rol. á Vall. cons. 49 nu. 36. et seq. vol. 4.
 Marsil. cons. 20. colum. ult. cum aliis adductis per Ti-
 raquell. in prefat. l. Si unquam. num. 44. C. de revo-

56 RESOLUTIO QUESTIONUM

cand. donat. vide Joseph. Marfcard. de prob. volum. 3. conclus. 1358. per tot. Et quod in delictis exceptis, veluti in crimine lesæ Majestatis, & maleficii conclusio ista nō procedat, quod nimirum socius contra socium non probet per jura supra propos. sed in his delictis socii criminis confessio adversus alterum in tortura facta, ad inquisitionem indicium faciat juribus antē allegatis, id singulariter limitatur, si socius criminis alium nominando deponeret non verisimilia. Hoc enim casu nullam ipsi fidem adhibendam esse scripserunt Aret. in c. cum P. colum. 7. de accusat. Marf. conf. 24. num. 12. Alex. conf. 89. num. 9. volum. 3. Rolan. à Vall. conf. 73. num. 25. volum. 1. Marfcard. de probat. d. vol. 3. d. conclus. 1311. num. 45. & numer. 46. cum aliis quam-plurimis ibidem citatis.

Ex his omnibus ita traditis non difficile est intelligere, confessionem maleficorum adversus nostram consulentē nihil omnino & ne inquisitionem quidem de jure operari, quoniam omnes conditiones illæ, quæ ad hujusmodi cōfessionem requiruntur, defunt. Quod si autem aliàs circumstantiæ omnes eaque requisita, quæ partim supra à nobis tradita sunt, partim ab aliis ex professo tractantur, cum confessione maleficorum concurrant, sufficiens ad inquisitionem indicium in hoc maleficii genere

nere ista facit confessio, usq; adeo ut in carcerem nominati socii conjici possint. Quas circumstantias si proceres prædicti oppidi cum confessione conjunctas deprehendentes maleficii insimulatum in vincula detrudant, ad juris & constitutionis Carolinæ præscriptum ab ipsis proceditur.

RESOLUTIO QUÆSTIO NIS QUARTÆ.

Quid de purgatione Sagarum per aquam frigidam sit sentiendum.

CÆTERUM idem oppidi istius Senatus, posteaquam per confessionem maleficorum diffamatos in carcerem conjecit, omnia minima maxima facit, ut voluntariam ab iis confessionem eliciat. Hoc si fieri non possit, & tamen, utrum nocentes sint isti homines, an verò innocentes quorum illud ad condemnationem, hoc ad absolutionem requiritur, plenè nondum constet, ad purgationem Sagarum per frigidam necessario decurrendum sibi esse existimat. Itaque hanc rationē Patres-conscripti Reipub. illius ineunt: Sagas é vinculis exemptas, curruque impositas, per carnificem extra portam ad profluentem aquam devehijubent. Ibi decussatim eæ sinistra manu

D 5 dexteri

58 RESOLUTIO QUÆSTIONUM

dexteri pedis pollici, & rursus dextera manu sinistri pedis pollici alligatis in aquas conjicitur. Quod si tum submergantur, ut innocentes absolvuntur, si verò non subsidant sed aquis supernatent, eodem die gravi quæstioni subjiciuntur. Quid verò de hac purgatione per frigidam lentendum sit, jam indicabimus.

Quando Magistratus de delicto in aliquem inquirat, & ex inquisitione facta neque nocentem prorsus, neque innocentem cum, in quem inquiritur, deprehendit, ut propterea nec ad condemnationem nec ad absolutionem devenire possit, purgationem inter condemnationem ac absolutionem intermediam ad manus sumere cogitur, sicut Joannes Oldendorpius Jureconsultus incomparabilis *Class. 7. pag. (mibi) 1028.* hisce verbis testatur. *Predictis autem duobus remediis ad detegenda crimina, videlicet nunciationi & inquisitioni, ut exitum inveniant, subveniunt purgationes. Ecce enim si quis fuerit de crimine delatus, nec sint probationes, quæ ad condemnationem sufficiant, quanquam nunciationi sint satis: certè iudex huc lupum tenet auribus. Condemnare enim non potest, quoniam ius vetat, rursus absolvere statim tam suspectum hominem res fuerit mali Exempli, & quæ illum ipsum quoque ad delinquendum faciat*

ciet audaciorem. Quid igitur erit? Medium quoddam est purgatio, cuius forma hodie mutata est. Haftenus Oldendorpius.

Purgatio duplex est: Jurata una; violenta altera. Illa & per Sacramentum purgatio & Canonica dicitur *tot. titul. ext. de purgat. Canon.* & Imperatorum quoque Constitutionibus est confirmata *l. 6. C. de Procurat.* ubi Imperator Alexander ita scribit: *Reum criminis constitutum defensionem causæ suscipere non posse, antequam purget innocentiam suam, incognitum non est l. 3. C. de reb. cred.* ubi in bonæ fidei contractibus, nec non etiam in ceteris causis inopia probationum per Judicem jurejurando, causa cognita, rem decidi oportere rescribunt Imperator. Dioclet. & Maximinian. *l. Ees qui. 26. in fin. verb. Sacramenti etiam illationem. C. de usur. l. fin. §. Si quis autem, C. de jur. deliber.*

Est autem purgatio per Sacramentum talis formula purgandi, quâ delatus apud Magistratum, adhibitis septem vel pro qualitate rei paucioribus, qui & fide digni sint, & propter vicinitatem compertam habere queant veritatem, se non admisisse tale crimē jurat, quod objicitur, cōpurgatores autem se credere jurat quod
prin-

60 RESOLUTIO QUÆSTIONUM

principalis jurans dicat veritatem, *c. de testib.*
 & *c. ult. de purgat. Canon.* sicut ad verbum ferè
 definit. Oldendorp. d. l. *Consulantur. Hostiens. in*
sum. de purgat. Canon. num. 3. Jul. Clarus. in Pract.
crimin. §. fin. quæst. 63. num. 4. DD. in d. l. Bonæ fidei.
C. de reb. cred. Alexand. cons. 66. num. 1. volum. 1. in-
cip. viso processu. Eaque defensio siue purgatio
 per Sacramentum adhuc hodie in usu est.
 Sic quādo quis ex legitimis incidiis & præ-
 sumptionibus de crimine fractæ pacis su-
 spectus est, quod nimirum pacis publicæ
 turbatori vel opem præstiterit, vel in men-
 sam cum suam, domum aut hospitium re-
 ceperit, & offensus exhibitis articulis Ju-
 dicii Cameræ imperialis causas istas suspi-
 cionis proposuerit, processusque sibi de-
 cerni petierit, contra suspectam Citatio ad
 purgandum in Camera decernitur, ut intra
 terminum in Citationem præfixum veniat se
 juramento purgaturus, entschuldigung mit
 dem Eyde zuthun / idque sub publicæ secu-
 ritatis tessera, vel salvo, ut loquuntur, con-
 ductu, bey einem vngesährlichen Geleite / vor
 ihnen vnd alle die jenigen / so er mit ihme zu
 solchem Tage bringen wirdt. Quemadmodū
 prolixius videre est, in constitutione pacis
 publicæ. *Imperatorum, Maximiliani I. Caroli*
V. de Anno 48. tit. 15. & ordinat. Camera part. 2.
tit. 10. §. 1. Gayl. de pac. pub. lib. 2. cap. 7. num. 1. Quæ
 etiam Citatio parte non petente ex officio
 à iudice

á iudice decerni potest, *d. tit. 10. §.* Es sollen vnd mügen / *Gayl. d. c. 2. num. 2.* Et si quidem reus gravi suspitione laboret, etiam cum eo conjuratores sive compurgatores, aut Sacramentales [vulgariter *Mispurgatorn*] probatæ vitæ jurare debent, quod videlicet credant, eum verum jurasse, secundum formam *Ordinat. part. 2. tit. 10. in fin. Gayl. lib. 2. de pac. pub. d. cap. 7. num. 11.* Et numerus horum compurgatorum sive Sacramentalium in hoc fractæ pacis crimine est arbitrarius, *Steht bey bescheidenheit des Richters. Ordin. Camer. part. 2. tit. 10. §. 1. in fin. Gayl. d. c. 7. num. 14.* Adde *Mynsing. Cent. 2. Observat. 87. & Observat. 88.* Vide & latius de hac purgatione. *Oldendorp. d. loc. prolixè Godelman. lib. 3. de Mag. Venef. & Lam. cap. 4.*

Defensio sive purgatio per juramentum duodecim Sacramentalibus consuetudinibus quoque feudalibus recepta est, & si controversia inter dominum & vasallum de feudi investitura existat, quandoque domino, quandoque vero vasallo datur. *c. vii. ibi dabitur defensio cum duodecim Sacramentalibus, si de investitur. feu. controvers. fuer. cap. vii. ibi habet potestatem se defendendi per Sacramentum, quid sit investitur. c. unic. ibi possidenti dabitur Sacramentum cum duodecim Sacramentalib. de consued. rect. feud. Borchold. de feud. c. 7. n. 48. & communite. Feudista in dd. loc.*

Pur-

62 RESOLUTIO QUESTIONUM

Purgatio violenta erat, quæ fiebat per duellum, & per aquam frigidam vel ferventem, aut per ferrum candens. de Duello. text. est in cap. unic. §. Si quis hominem de pac. tenend. & ejus violator. cap. unic. §. fin. de alien. patern. feud. cap. 1. & 2. de purgat. vulgar. Cagnol. in l. Favorabiliores. de Reg. Jur. Alciat. in lib. de singular. certam. Quum autem admodum tyrannica sit hæc purgatio, sublatum est duellum illud. cap. Monomachiam. 2. questio. 4. cap. 1. & 2. extr. de purgat. vulgar. Jas. consi. 144. in 2. dub. lib. 2. Dec. consi. 487. Oldendorp. d. loc. numero 50.

Defensio per aquam frigidam vel ferventem aut per ferrum candens itidem abolita & sublata est, cap. dilecti ext. de purgat. vulgar. cap. consuluisti. 2. quest. 4. cap. ex tuarum de purgat. Canon. Borch. d. cap. 7. numero. 52. Oldendorp. d. loc. Gayl. lib. 2. de pac. publ. cap. 7. numero 24. Et purgationem per frigidam aquam nominatim quoque sustulit Lotharius Imperator in Jur. Longobard. lib. 2. tit. 54. Godelmā. in suo Tract. de Mag. Versic. & Lam. lib. 3. cap. 5. numero 22. Neque in constitutione criminali Caroli V. Imperatoris ulla illius fit mentio. Itaque cum expressè prohibita sit, malè facit, quicumque judex illam ad usum revocat, adeoque hujusmodi probatio, ut quæ contra jus interponatur, nullum effectum producit. Actus enim, qui fit lege pro-

prohibente, est ipso jure nullus. *l. Non dubium. ibique communiter DD. C. de Legib. Id.* circó oleum ac operam ii perdūt, laterémque, quod est in proverbio, lavant, qui in indagandis purgationis hujus per frigidam causis, sive naturalibus sive præternaturalibus, sollicité laborant. Atque hoc per aquam frigidam Examē omnium per Germaniam Academiarum Jureconsultorum collegia, veluti injustum, superstitiosum, ac iniquum, summæque cum impietate conjunctum repudiant, ita quidem ut verissimé nobis affirmare liceat, sententiam hâc nostram ab omnibus communiter receptam esse, ideoque judicem citra tyrannidis notam ab ea recedere non posse, per supra adducta fundamenta.

Neque veró argumenta illa, in quibus *Gulielmus Scribonius* (quem ut Philosophum præstantissimum & acutissimum magni ceteroquin facio) prorâ opinionis suæ puppinque collocat sunt ἀμετάβλητα καὶ ἀδιάλυτα. Si namq; ad rectæ rationis libellam pauló accuratius examinētur, ruinosa, sophismatisq; usquequaq; referta deprehendentur.

Satanam scribit *Scribonius* in Sagarum corporibus levitatem operari. At cedo, *Scriboni*, quæso te per Deum immortalem, an non quicquid est leve, idem est materiaturum? an non omne leve est corpus?

Si

64 RESOLUTIO QUÆSTIONUM

Si Philosophus es & medicus, quem ego te esse ingenuè profiteor, non inficiabere. At spiritus non est materiatum aliquid, nō est corpus, sicut vniversa & Philosophorū & saniorum Theologorum caterva vnanimiter docet. Ergo non est levis. Si levis non est, corrui pronuntiati tui ratio. Ergo & ipsum pronunciatum. Destructa namque in Philosophia dicti alicujus ratione; & ipsum dictum destruitur.

Neque patrocinator tibi *Julius Caesar Scaliger Exercit. 369. sect. 2.* cum intelligentias ex aliquo tanquam potentia, & ex aliquo tanquam actu, compositas esse scribit. Potentiam autem illarū dicit esse ipsarum τὸ εἶναι sive esse, actum verò ipsarum essentiam. Nā *Scaliger in d. sect.* se ipse explicat, quia non ἀπλῶς sive simpliciter, sed κατὰ σύγκρισιν sive comparative in comparatione nimirum cum Deo Opt. Max. id affirmat. Cum enim quæsiuisset, an intelligentia sit purus actus? Respondet his verbis negativè. Non. Solus Deus caussa est sine caussa & ens absque ente. Mera namque essentia. Intelligentia verò tamen si non est composita ex materia & forma, tamen constat ex aliquo tanquam potentia, & ex aliquo tanquam actu. Et paulo post illam τὴν οὐσίαν sive essentiam, sicut & τὸ εἶναι sive esse hīsce verbis interpretatur. Est autem essentia, quā est id quod est.

est. Esse veró ejus est receptivitas essentia (ita inquit Scaliger veniam in fine sectionis à Ciceronianis manibus majorē in modum precatus) quæ non est in prædicamēto materiali, sed neque in prædicamēto intelligibili qualitatis, sed in prædicamento substantiæ supranaturali. Ex materia & forma metaphysica dicit Scaliger compositas esse intelligentias. Qualis autem est essentia intelligentiarum, tales quoq; sunt qualitates. At essentia est metaphysica, ergo & qualitates. Levitas autem est qualitas nō metaphysica sed physica. Ergo in metaphysica essentia inesse nequit. Porro quicquid est leve, idem quoque est corruptibile, quia levitas est qualitas ab elementis proveniēs. Quicquid enim ab elementis originem suam trahit, id, sicut & elementa ipsa, corruptioni est obnoxium. At Spiritus non sunt corruptibiles; sed αἰώνιοι sive ut Philosophi loquuntur, æviterni. Ergo non sunt leves.

Diabolus autem est Spiritus, proindēq; levis non est. Si igitur Diabolus non est levis actū primo, ut hætenus quidem demonstratum est, neque erit levis ενεργητικῶς & quo ad actū secundum, quia actus secundus à primo dependet. Satanas igitur in Sagarū corporibus levitatē operari haud poterit. Et λίαν μέγα αἶτημα αἰτῶ, hoc est, ni-

E

imis,

66 RESOLUTIO QUÆSTIONUM

mis magnum postulat postulat, Scribonius, quod a Mathematicis desumptum est diverbiū; quando pro confesso & concesso sumit, Diabolum *ἐσιιδῶς* sive essentialiter in Sagarum corporibus inhabitare. Neque ut maxime tibi hoc daremus Scriboni, quod per veritatem tamen non possumus, ex eo evinceretur, Diabolum in Sagarum corporibus levitatem operari. Refutat te namque sacra scriptura testis omni exceptione major, cum porci a Satana obsessi non in superficie aquæ retinentur, sed deorsum in profundum submerguntur. *Matth. 8. cap. versicu. 32.* Scribis in Epistola tua, Scriboni, ad Lemgovientes Senatores, per pactum illud, quod Sagæ cum Diabolo ineunt, formam ipsarum atque statum, Satanam nimirum in corpora illarum statim ingrediente, omnino mutari. Si autem forma mutatur, mutatur aut forma totius compositi, hominis nimirum, quatenus homo est, quæ forma est anima rationalis, aut forma illa quæ in mixto est, quam Philosophi barbaro vocabulo formam corporeitatis appellant, & si alterutra mutatur, aut *κατὰ οὐσίαν* sive secundum essentiam, aut *κατὰ ποιότητα* sive secundum qualitates mutatur. Forma corporeitatis non mutatur, quia manente causa manet effectum. Mixtio elementorum est causa formæ corporeitatis, hæc namque ex illa

illa veluti surculus quidā efflorescit, mixtio autem manet, ergo & actus inde resultans. Mutabitur ergo forma hominis, quatenus homo est homo. Hæc ratione essentiæ non mutatur, quia tunc præcedente corruptione Sagarum, nova quædam ipsarū existeret generatio, mutatio enim seu abolitio pristinæ essentiæ generationem inducit, atq; ita Sagæ primū morerentur, per novamque generationē novam statim formam susciperent. Id quod & valde absurdum est, & manifestē falsum. Videmus enim, Sagas esse & manere homines. Mutabitur igitur quo ad qualitates metaphysicas suæ naturæ conveniētes, sic quidem, ut quæ antea pulcherrima Dei creatoris imagine luceret, monstruosissimam Cacodæmonis larvam nūc induerit, & quæ variis antehac virtutibus erat exornata, nunc turpissimis nullorū non scelerum lordibus sit inquinata. Ut autem *Scribonium* talem mutationem intelligere, Sole meridiano clarius demonstramus, agite audiamus *Scriboniū ipsum*, qui in *Physiologia de Sagarum natura contra Joannem Evvichiū & Hermannum Neuvvaldum* hisce verbis ita differit: *Si igitur maximē, inquit, post longam disputationem demonstraveris, me expressē vocabulū formæ absq; addita dictione status, usurpasse, ne sic tamen horū verborū inconcinna interpretatio mea antecedentiū expositioni ullo modo refraga-*

68 RESOLUTIO QUÆSTIONUM

bitur, neque adhuc dum tuum contra me argumentum solide, id, quod voluisti, confirmabit.

Qui sic ergo quæres? Additum scilicet verbum immutationis rectè explicetur, & res tota absque omni controversia facillimè intelligetur.

Statum dixi formæ, vel etiam, si omnino velis, μεταρρηξίς ipsam formam immutari? Quid autem, quis, qualisque motus est rei alicujus immutatio? An omnimoda ejus destructio? an totalis corruptio, aut in nihilum redactio? Minimè quidem gentium omnium. Quis enim unquam in scholis præsertim Aristoteleorum, in quorum te quoque numero habere cupis vocabulum illud sensu ejusmodi accepit? Distinguitur enim plurimùm inter corruptionem, quæ etiam destructio & interitus dicitur, et inter immutationem, quæ aliàs alteratio quoque vocatur. Corruptio cujuslibet formæ corruptibilis est talis interitus, ut non sit illa nec maneat amplius in suo formato; immutatio sive alteratio est motus rei mobilis aut mutabilis, quæ mutatur ipsa non in essentia, verùm in essentiæ qualitatibus, ut tales deinceps non sint aut maneant, quales antea fuerunt observatæ. Vel ut brevius dicatur: Corruptio seu totalis destructio vel abolitio est substantiæ: Alteratio autem seu immutatio est qualitatium illius qualiumcunque. Quod si igitur adhuc repeterem, formam Sagarum immutari, quomodo hæc verba rectè interpretari velles? Putabisne sensum horum verborum esse, formam earum plenè aboleri, omnibus partibus destrui atque corrumpi? Imperitus quidem et

insulsus omnique ratione plumbeus Physicus hoc facturus sit : Sequeretur enim præterea , quæ diximus, Sagas in ista destructione quam-plurimum mori, & hanc vitam relinquere . Sed qui tantam , ut ex ætatem in Physicorum Medicorumque scholis & lectionibus contriverit , eum quam proposuimus veram & cognitu satis facilem specierum motionis differentiam aut ignorare, aut nō admittere velle, proximus ridiculum est. Hac enim si non ex Physicorum libris, ex prædicamentis tamen tuis Aristotelicis cognosci poterat. Sciendum igitur, aliud esse Substantiam sive formam corrumpi , aliud eam in qualitatibus adjunctis immutari. Sed quid opus est pluribus? Finem horum facio. Ex antecedentibus proinde facillime videre est , quò sensu in consequentibus deinceps dictum sit , Sagas non amplius esse tales homines, quales fuerint ante initum cum Satana fœdus. Omnis homo quatenus est homo, conditus est rationalis ad imaginem æterni sui creatoris. Ista autem DEI J E H O V Æ in homine imago, quis est , qui ignoret, in quibus consistat? Non certè in principatu, ut imperium tantummodo (liceat verbis uti Poëta) haberet in beluas , aut prædominaretur cæteris, sicuti Augustinus interpretatus est, sed in omni genere virtutum, quibus semper debet elucere , Divo Apostolo Paulo demonstratè in veritate, sapientia, & aliis hujusmodi consistit. Conditus est homo, ut DEO OPT. MAX. in omnibus esset similis. Quemadmodum & Plato eruditè, pièque DEO nos similes esse iubet. Quamvis enim similitudo ista & imago multis, proh dolor, modis

70 RESOLUTIO QUÆSTIONUM

modis per lapsum primorum parentum obfuscata & conspurcata sit: attamen CHRISTUS Salvator humani generis misertus fecit, ut DEUS nos, qui per Adamum omnes lapsi sub peccato conclusi essemus, iterum erigeret, in gratiam reciperet & per Filium pro nobis deprecantem, si saltem fidem ipsi haberemus, salvos & beatos esse vellet. Quocirca qui hac norunt (de Christianis loquor per baptismum regeneratis et in sacro verbo institutis) et agnitā veritatē nihilominus à DEO trino deficientes denuo abnegāt, cur non dicerem, eos tales amplius non esse, quales antē fuerunt, & qualis universi esse omnino debent; eos inquam, qui partem maximam luminis, splendoris, dignitatis et virtutum, quibus anima, aut, si velis, forma ipsarum collustrabatur, ex pacto & certo deliberatōq; consilio lubentes volentes liberrimē amiserunt, qui in profundissimū abyssi aut inferorū lacum se ipsos sponte precipitāunt, ut cū maxima difficultate superas iterum auras possint contingere. An verō putas eandem quoq; rationem esse aliorum peccatorum, quos & ipsos multiplici delictorum genere coinquinatos esse novimus? Sed inquā haud rectē putas. Ineffabile propemodum discrimen est Sagarū & aliorum peccatorum. Et si forsan defensionis mea testibus aliis eorūve testimoniis vix fidem sufficientem habiturus sis, ad summum sacrosanctæ Trinitatis Tribunal, ad ipsum iustissimum Iudicem appella CHRISTUM DEI Filium, qui peccata, quæ in Spiritum sanctum committuntur, non remitti posse asserit. Qualia igitur, dixeris, Sagarū peccata sunt?

in quantum Sage, aliis peccatoribus differunt? Certe si universas Decalogi Leges nullis ontissis examineris, omnes peccatores cum Sagis non sunt conferendi. Quis enim non omnibus modis deteriorem iudicabit eum, qui lubens ac sponte sua à DEO deficit, & multoties peccat, quàm alium què vis delinquentem hominem. Alii. n. ex stupiditate cordis se DEUM minus offendere putant. Sage autem DEUM aspiciunt, contemnunt, abiurāt &c. De quo tamen suo loco plenius. De tot igitur adjunctis formæ virtutibus & ornamentis ceu clarissimis septentrionibus obfascatis, ne quo alio nunc verbo utar, non de essentia dixeram. Tales non amplius esse eas asserui, quales ante fuissent, non intelligens earum substantiam animo & corpore constantem, vel etiam exteriorem constitutionem & faciem. Tale vel non tale esse quippiā arguitur & ostenditur argumento comparationis in qualitate. Hoc autem vel illud esse argumento materie & potissimū formæ declaratur. Vel quid res sit, arguit definitio, q̄ ex prædictis causis ex materia & forma sumitur. Qualis res sit vel non sit, similitudo arguit. Hæc saltem Logica fundamenta si D. D. Evvichius novisset, haud dubiè quoq; potuisset intelligere, quo sensu dixisse, Sagas ob tot animæ suæ dotes amissas nō ampli⁹ esse tales homines, quales ante fuerint.

Hactenus Scribonius prolixè disseruit, quando in Epistola sua ad Lēgovienſes scripsit, simulatque Sagæ pacto sese Satana, obstringant, formam ipsarum immutari, per immutationem non intelligere sese

72 RESOLUTIO QUÆSTIONUM

generationem & corruptionem, qui propriè motus ab Aristoteleis dicantur, sed alterationem.

Verbum enim immutationis alterationi omnium rectissimè, sicut & aliis mutationibus, augmentationi ac diminutioni competere. At verò si Scribonius Aristotelicà acroasin, ejusque interpretes paulò diligentius evolvisset, crediderim equidem eò absurditatis nunquam ipsum fuisse deventurum, ut affirmasset, per mutationem propriè in Philosophia Aristotelica denotari alterationem, cæterasque motus species, quæ sunt in aliquo accidentis prædicamento (ratione enim termini ad quem motus in prædicamento esse dicitur) & per motum *ἰδιαίτως* significari generationem & corruptionem, cùm contrariū Peripateticus Philosophus ejusque assæclæ doceant. Alteratio enim, augmentatio & diminutio motus sunt, generatio & corruptio mutationes. Græci motus *κινήσεις*, mutationes *μεταβολαί* appellant. Generatio enim & corruptio motus esse nō possunt, quòd omnis motus fiat successivè & in tempore, generatio autem & corruptio *ἐν τῷ νῦν* sive in instanti ac veluti *ἐν τῇ στιγμή*, *τῷ χρόνῳ* propter formam substantialem quæ est *ἀμέριστος* sive indivisibilis *καὶ ἐν ἀτόμῳ*, ut Philosophorum verbis utar, posita, & omnis

mnis motus procedat á contrario ad contrarium, á contraria qualitate ad contrariam qualitatem, á frigiditate ad caliditatem, á parva quantitate ad magnam, substantiæ autem non dicantur contrariæ sed disparatæ. Audísne Doctor Scriboni, quám turpiter híc inscitiam tuam in Physica Aristotelis acroasi prodideris? Et quám parum in Logica triumphes, eo declarasti, quód cüm causam levitatis in corporis Sagarum, in mutationem formæ ipsarum contulisses, eam deinde mutationem interpretaris de alteratione animæ metaphysica, quando nimirum anima Sagæ, quæ fœdus cum Diabolo sanxit, imâgine DEI exuta, facta est larva Satanæ, quando depositis præstantissimis virtutibus omnibus turpitudinis notis fuit deformata, quando denique luce divinæ gloriæ abjecta squalidis Diabolicæ *ἀποστροφῆς* tenebris est obscurata. Dic mihi per DEUM, Scriboni, quæ potest intercedere affectio inter alterationem animæ metaphysicam, & inter alterationem corporis physicam? Quomodo ex alteratione animæ secūdum virtutes & vitia potest hæc nova corpori accedere qualitas, ut quód antea erat grave, & sua natura deorsum ferebatur, id factum sit leve & sursum tēdat? Quæ potest esse hæc consequentia? Cüm Sagæ pactū cum Diabolo ineunt, animæ il-

74 RESOLUTIO QUÆSTIONUM

larum ex justis fiunt injustæ, ex piis impiæ, ex virtute præditis vitiosæ. Ergo & ex corporibus illarum gravibus, quæ deorsum ferebantur, fiunt levia, quæ sursum tendunt? Quæ potest animæ & corporis, rerum valde disparatarum, in qualitatibus magnoperè disparatis esse cognatio, quæ concomitantia (Philosophorum vocabulo mihi uti liceat) sive ἐπομένως qualitatum mutationis ratio? Perinde quasi sic aliquis argumentari velit: Anima Socratis, quæ variis erat imbuta scientiis, nunc ignorantia tenebris est immersa. Ergo & corpus illius, quod erat agile, factum est crassum. Rideatur. certè ita argumentans, ac sibilis exploderetur. Ridebitur igitur & sic ratiocinans: per pactum cum Diabolo animi Sagarum, pulcherrima Dei imagine & virtutum dotibus abjectis, assumunt larvam Satanæ ac vitiorum sordes. Ergo & corpora Sagarum abjecta gravitate, assumunt levitatem. Si gravitas & levitas, Scriboni, essent adjuncta animi, sicut Ethici alioqui gravitatem ac levitatem accipere solent, procederet tuum argumentum. Jam verò gravitas & levitas non sunt adjuncta animi sed corporis. Magna igitur, Scriboni, in tuo Argumento est ἀσυνεγισία. Argumentum est, inquit, Logici, quod ad arguendum aliquid affectum est, sive quod per suam naturam

turam ita est aptum atque comparatum, ut possit rem explicare, vel probare, ad quam arguendam adhibetur. Aliàs enim vel canticum cuculi auditur, vel error τῆ ἐπομένῃ committitur. Jam verò mutatio qualitatum animæ rationalis Sagarum non potest inferre aliquam mutationem qualitatum corporis, sive inter alterationem animi qualitatum metaphysicam & alterationem corporis qualitatum physicam nulla intercedit affectio. Ergo ut argumentum ad arguendam alterationem corporum Sagarum, ut ex gravibus fieret levia, alterationis animi metaphysica abs te, Scriboni, adhibita est, non sine singulari excellentis illius opinionis, quam literatissimi quique cum ob universam Philosophiam aliam, tum propter Logicam de te habent, diminutione, ut prorsus mihi persuadeam, cum illam tuam de Sagarum natura physiologiam conscripsisti, a Saga te aliqua fuisse fascinatam. Et iterum quam-plumbeus sis physiologus, Scriboni, hoc quoque tuo argumento prodis, quod ἀντιπαθέειν inter aquam & Sagas in causa esse asleverare non dubitas, quamobrem ipsæ in aquas coniectæ non submergantur. Scribis enim in *physiologia de Sagar. nat. pa. 121.* aquas ideo sagas intra suum alveum recipere nolle, quod aqua sacri baptismatis turpiter sint abusæ. At ἀντιπαθέειν, Scriboni, quæ ἰδιονεργία quædam est à specifica corporis compositi

virtute

76 RESOLUTIO QUÆSTIONUM

virtute profluens, formæ rei naturalis est
ὁμόζωνος. Sic Magnetis formæ statim cōjun-
 cta est proprietas attrahendi ferrū. At ho-
 minis verò formæ hæc *ἰδιοκρασία* non est *ὁ-
 μόζωνος* sive congenita. Ergo non potest ef-
 fe aliqua *ἀντιπάθεια* inter Sagas & aquas.
 Quid? quod hæc *ἀντιπάθεια*, Scriboni,
 quam tu inter Sagas & aquas comminisce-
 ris, animum Sagarum respicit non corpus.
 Per pactum enim illud cum Diabolo nova
 qualitate imbuta fuit anima, corporis au-
 tem substantia & qualitates sarte recte per-
 manserunt. Deinde si *ἀντιπάθεια* hæc inter
 aquam & Sagas intercederet, Sagæ in a-
 quas projectæ semper supernatarent, quo-
 niam naturalis causla vno eodémque mo-
 do semper agit, *ἀντιπάθεια* enim cū ab aliis
 naturæ speculatoribus, tūm verò à te ipso,
 Scriboni, in tua Physica ad naturales qua-
 litates occultas refertur. Jam autem con-
 trario exemplo doceri potest, Sagam ali-
 quando quampiam jam tum propria con-
 fessione maleficii condemnatam, in pro-
 fluentemque projectam non fuisse sub-
 merfam. Scribit Doctor Godelmannus
in suo Tractatu de Magis, Venes. & Lam. libr. 3. cap.
5. numer. 35. se in peregrinatione sua in Li-
 voniam à quodam nobili vocatum, cū
 postero die ignis supplicio deletum iri ma-
 leficam quandam, quam plurimorum eo-
 rumque

rúmque enormium maleficorum convi-
ctam, intellexisset, interrogasse nobilem,
num per frigidam ipsam examinandam cu-
râset. Quod cum factum esse nobilis ne-
gasset, petiisse se ab illo, periculum ut prius
faceret, quam ad locum supplicii educere-
tur, ipsam occasuram esset an veró superna-
tura. Quamobrem in aquas ipsam nobi-
lis vinctam consueto more projiciendam
curavit. At Saga ista tantum aberat ut su-
pernataret, ut & ad fûdum asq; subsideret.

Denique ridiculum, scribit Nicolaus
Hemmingius Theologus præstantissimus,
in admonitione sua de superstitionibus magicis vi-
tandis, & superstitiosum judico novum il-
lud inventum, quo fœmina suspecta pro-
pter magiam imponitur in aquam, nescio
quomodo ligatis manibus & pedibus. Hic
si non submergitur, quæ erat suspecta, sco-
lus non elemento aquæ, sed ignis expian-
dum colligunt. At si submergitur, ut inno-
cens dimittitur. Hoc inventum ut super-
stitiosum & ludibrium Satanæ prorsus da-
mano, propter causas in Decretis expositas
in c. Præsertim, consulisti 2. q. 4. cujus verba
hæc sunt: Nam ferri candentis vel aquæ ferventis
examinatione, confessionem extorqueri á quolibet
sacri non censent Canones. Et quod Sanctorum pa-
trum documento sancitum non est, superstitiosa ad-
inventione præsumendum non est, Spontanea enim
confessio-

78 RESOLUTIO QUÆSTIONUM

confessione, vel testium approbatione, publicata delicta punienda sunt: occulta verò & incognita illi sint relinquenda, qui solus novit corda filiorum hominum. Hactenus Hemmingii & Canonis verba. Et Egesippus inter Ecclesiasticos scriptores haud postremus de excidio Hierosolymitano *lib. 4. cap. 18.* cum Asphaltitis lacus qualitates describit, in facto haud prorsus absimili inter fabulosa recenset, & nonnulli ferunt, Vespasianū præcepisse, natadi ignaros revinctis manib. in profundū istius lacus dejici, eosq; omnes ilico supernatasse, quasi Spiritu quodā venti levatos, & ad superiora vi magna repulso resiliisse.

Non obstat porro, quod homicidium præsumatur, quo ad reum torquendum, commissum fuisse ab illo, quo præsentē, ad cadaver, profluit sanguis interfecti hominis, quemadmodum volunt Boët: *q. 166. numer. 1. cum seq. Jacob Nov. in regul. 184. Menoch. de præsumpt. lib. 1. quæst. 89.* Inclinat in hanc sententiam Mascard. *de Probat. volum. 2. Conclus. 867. num. 24.* Ita enim illa quoque Sagarum per frigidam purgatio, non solum ad carcerem sed etiam ad torturam sufficiens parere indicium videatur. Nam separata hæc primum sunt, ex quibus nihil recte inferri notū est *p l. fin. ibiq; cōmuniter DD. ff. de calumniator.* Deinde ppter incertū sanguinis, in hujusmodi casib⁹ profluxionis rationē incertū quoque

quoque indicium illud esse apparet, ut propterea ad Exemplum trahi nequaquam debeat, quod in criminalibus luce meridiana clariores esse probationes oporteat per text. in l. fi. C. de prob. Tum indicium illud in jure incognitum prorsus est, & multo minus aliqua illius ex jure concludens ratio in medium afferri potest. Ac, quod caput rei est, in Carolina Constitutione nulla illius mentio vel verbo injicitur. Quibus rationibus inductus, celeberrimus ille Jureconsultus Antonius Gomesius variarum resolutionum Tom. 3. cap. 13. num. 15. hoc indicium minimè usurpandum esse scribit, quem sequitur præstantissimus Hippolytus Marfilus in Practica crimin. §. Diligenter. num. 181. Accedit Godelm. in Tract. de Mag. Venef. & Lam. lib. 3. cap. 5. num. 33. Ex Theologis supra laudatus Nicolaus Hemmingius in dicta admonitione de superstitionibus magicis vitandis indicium illud tanquam superstitiosum ac contra ordinem divinum introductum hunc ad modum repudiat: Queritur præterea, inquit, de usitata exploratione, cum perpetrati homicidii autor ignoratur, qua jubetur, qui suspectus est, manum cadaveri mortui imponere. Hic si vel ex vulnere accepto, vel ex ore, aut naribus cadaveris cruor manat, reus condemnatur, qui manum apposuit. At si non effluit sanguis ad contractum, tanquam innocens dimittitur. Ego sane optare hanc explorationem vel omnino non fieri. Nam est et superstitiosa.

perstitiosa & contra ordinem divinum: Vel fieri non serio, hoc est, non ut certum inde petatur, de facto argumentum, sed ut isto pacto eliciatur spontanea confessio. Sed quid dico? Res serias in timore DEI juxta ordinem divinum agi præstaret.

Hic fortè aliquis mihi objiciet sanguinem Abelis, clamantem vindictam de terra. Respondeo; Iste clamor nihil aliud fuit quàm terribilis morsus conscientia in Caino propter fratricidium perpetratum. Talem clamorem audiunt in conscientia sua omnes homicidæ: Vel saltem in agone mortis audituri sunt. Huc usque Hemmingius. Vide VVierum lib.6.cap.8. Ad extremum non obstat, quod contrariis consuetudinibus jus abrogetur. l. De quibus. ibique DD. ff. de legib. & §. pen. instit. de Jur. natur. gent. & civil. & inveterato multarum civitatum ac gentium usu hoc examen Sagarum per frigidam sit receptum. Sicut nec adversatur, quod Carolus V. Imperat. in constit. crimin. Procem. in fin. hac sua ordinatione de Electorum, Principū & Statuū Imperii cōsuetudinibus nihil detractū diminutūve se velle expressa protestationis clausula testatū reliquerit. Nā consuetudines per quas jura abrogantur debent esse rationabiles. Quod enim nō ratione introductū, sed errore primū, deinde consuetudine obtentū est, in aliis similibus non obtinet l. 39. ff. de legib. & consuetudo, quæ ratione caret, frustra allegatur, imò tanquam beluina

beluina ferocia detestanda & fugienda est. & veritate distinct. 8. Lag. Meth. Jur. part. 1. cap. 5. n. 4. cap. fin. §. fin. de consuetudin. Gayl. lib. 2. observ. 31 numer. 11. Mynsig. Centur. 6. Observ. 41. num. 3. Et Carol. V. Imper. in d. Proem. intelligit bonas rationes, introductas & æquitati consentaneas consuetudines *Wolhergeprachte rechtmaßige vñnd billiche Gebreuche*. Hæc autem examinis per frigidam consuetudo planè est irrationabilis, quippe quæ tum juri divino tum humano eiq; tam Canonico quàm Civili ex diametro adversetur. Juri divino quidè, quod & superstitiosa sit & cum impla divini numinis tentatione conjuncta. Adversus jus divinum autem nulla consuetudo valet, quod eleganter explicat & declarat Panorm. in d. c. fin. numero 2. & 3. de consuet. Bald. in l. 2. C. de usur. VVesenbec. in Parat. ff. de legib. num. 9. Cum igitur peccatum inducat, juri Canonico repugnat, & quia probationes clarissimæ in criminalibus requiruntur, sicut antea ostendi, patium inde fit, Juri quoque civili istam contrariam esse consuetudinem.

Ex quibus omnibus manifestum evadit, magno illos in errore versari, qui examen per frigidam usurpant, mordicusque tenent, & pro eo non aliter ac pro aris & focis propugnant. In cujus refutatione longior haud ero, quod & Evvichius & Neu-

82 RESOLUTIO QUÆSTIONUM

vvaldus, & Ignotus patronus veritatis & Godelmannus d. cap. 5. lib. 3. de Mag. Venif. & Lam. viri omni eruditionis laude superiores, & Rodolphus Goclenius Philosophus incomparabilis, Mathematicum & Logicæ in Academia Marpurgensi Professor longé celeberrimus, præceptorque mihi carissimus, examen illud jampridem doctissimè refutârint.

RESOLUTIO QUÆSTIONIS QUINTÆ.

Num diffamatio & confessio maleficorum, quâ socios alios produnt, si iustis requisitis destituantur, & subsequuta inde per frigidam purgatio, sufficiens ad torturam indicium pariant, & quid de confessionibus hinc in eculco extortis sit sentiendum.

HInc iterum promptum fuerit judicare, diffamationem sicut & confessionem maleficorû, quâ socios alios nominant, iustis requisitis destitutam, & subsequutâ purificationem per frigidam, nullum ad torturâ de jure sufficiens indicium parere, proindeq; si eculco subjecti ii, qui maleficii fuerûnt infirmulati, nullis aliis ad gravè quæstionē indiciis præcedentibus, confiteantur, confessiones ibi factas nihil probare, & esse nullas, nec confessum ex iis posse condénari, q̃ confessio facta per torturâ nullis præcedentibus indiciis nihil probet & sit nulla, nec ea ex cōfessione aliq̃ possit cōdénari.

ri. Hippol. de Marsil. conf. 29. n. 2. n. 28. Alex. conf. 5. n. 1. vol. 2. Matth. ab Afflict. in Cōstit. Neapol. incip. Si dāna clādestina n. 43. Quod etiā verū est, ut maximē cōfessi^o in tortura in cōfessiōe ista pseveret. Guid. a Suz. in Trac. de indi. et tort. n. 70. mot^o auctoritate Imperat. Alex. in l. 2. & 3. & Gordiā. in l. 4. C. si ex fals. instrū. Ratio est, quia a tormētis non est incipiendū, quēadmodum respondet Ulpian^o in l. 1. ff. de qst. & cōstituit Imperator Antonin. in l. Cum cognitionaliter & Imppp. Dioclet. & Maximinian. in l. Milites. C. de quaest.

Et si secus fiet, quicquid ex inde sequitur, ipso jure non valet l. Non dubium. C. de Legib. l. 1. C. de fid. Instrum. & jur. haēt. fiscal. lib. 10. & l. Divus. ff. de integr. restitut. l. Nominationes. C. de Appellat. Ludovic. Bologn. in addit. ad Guid. in Tract. de iudic. & tortur. n. 70. Aret. in tract. malefic. in 8. col. verb. fama publica precedente in verbo Advertens tamen. Joseph Masc. tum quam plurimis aliis adductis de prob. vol. 1. conclus. 353. n. 1. 2. & 4. Carol. V. Imperat. in constit. crimin. t. 20. Daß ohne redliche Anzeige niemand soll Peinlich gefragt werde. (latine sic. Quod sine legitimis causis gravis qstio nemini adhiberi debeat.) Sicut nec cōfessio illa probat, quādo Judex alicui torturā interminatus est. Nā tūc licet re ipsa tortus nō sit, si tamē ex tali metu cōfessus fuerit, hujusmodi cōfessio, nō pcedentibus legitimis indiciis, nihil probat ac opatur, nō secus ac si in tormētis revera facta fuisset confessio. Hippol. de

84 RESOLUTIO QUÆSTIONUM

Marsil. d. consi. 29. numer. 29. Nam æquiparantur confessio metu tormentorum & confessio per torturam. *Bald. in l. Interpositas. C. de transact. & Alexand. in d. l. 1. §. Divus. ff. de quest. per text. in l. 1. §. Divus severus. ff. de quest. & l. Metum. C. Quod met. caus. Mascard. d. conclus. 353. n. 14.* Et quamvis millies in iudicio reus hanc confessionem ratam habuerit, cōfessio tamen ista ei nō nocet, nec ex ea potest cōdemnari. *gloss. singular. in l. penult. & ibi Bart. ff. de question. Angel. in l. 1. C. de confess.* Quam communem esse opinionem refert *Alex. in l. Qui in aliena. §. in ult. in fin. de acquir. hered. & idem Alex. consi. 5. lib. 1. consi. 179. lib. 2. consi. 1. lib. 3. & consi. 93. lib. 1. aliūque quos adducit Mynsing. Centur. 5. observ. 23. num. 2.* ubi Mynsingerus diligenter nostro hæc tempore observanda esse scribit adversus Magistratus illos imperitos ac ineptos, qui sine præcedentibus iustis indiciis contra captivos quandōq; statim ad torturam properant, & si reus extra torturam ratificet id, quod metu tormentorum confessus antea fuit, mox eum condemnant, imō per supra dicta tales Iudices puniendi sunt, cum innocentes damnare censeantur. Non obstat, quod *Carrer. in sua Pract. crimin. num. 47. cum ibidē allegatis DD.* Iudicem publicos latrones aliōsque maleficos sine præcedentibus indiciis torquere posse, & confessionem per torturam extor-

tam

tam probare, iisque nocere, scribere veritas non fuit. Nam ea Carrer: sententia nullo nititur fundamento, & per constitutionem criminalem Caroli V. Imperat. manifeste reprobat. fol. 6. 7. Et quæ speciatim indicia requirantur, ut torqueri possint malefici in cap. 44. Von Zauberer genugsam anzeigung (de Magia sufficientibus indiciis, latine loquendo) peculiari hisce verbis provisione facta constituit. Wann jemandt sich erbeut/ andere Menschen Zauberer zulernen/ oder jemandt zu bezaubern bedrauet/ vnnnd dem bedraueten dergleichen geschicht/ auch sonderliche gemeinschaft mit Zauberern vnd Zauberinnen hat/ oder mit solchen verdächtlichen Dingen/ Gebärdten/ Worten vnnnd Wesen vmbgehet/ die Zauberer auff sich tragen/ vnd dieselbige Person desselbigen sonst auch berüchtiget/ daß gibt eine redliche anzeihung der Zauberer vnd genugsam Ursach zu peinlicher Frage. Latine sic. Cum aliquis maleficium docere alterum conatur, vel veneficio ipsum ledere interminatur, æque illi, cui interminatus est, tale quid accidit, & familiariter admodum cum maleficis versatur, & tum superstitiosis gestibus & verbis, tum aliis rebus, quæ superstitionem maleficii concitare solet, addictus est, eoque insuper de re diffamatus, id sufficiens maleficii indicium parit, & iustam torture materiam suppedat. Cum autem neq; generale aliquod ad torturam indicium, neq; speciale, quod

83 RESOLUTIO QUÆSTIONUM

hujus delicti proprium est, in consulente nostra matrona appareat, quippe quæ non modò veneficia ipsa, sed & veneficos capitali semper odio prosecuta sit, nullamque cum iis amicitiam familiaritatemve coluerit, nisi fortè ex ignorantia id factum sit, neque eo de delicto unquam fuerit diffamata (provocamus ad Testimonia omnium bonorum integræque existimationis civium illius oppidi, in quo adversus Sagas jam acriter proceditur) & supra insuper nos demonstraverimus, ea, quæ allata sunt adversus ipsam indicia, ne ad inquisitionem quidam adversus illam instituendam aliquid virium habere, quis non intelligit, multo minus aliquid contra eam, quoad graveram quæstionem, de jure attentari posse.

RESOLUTIO QUÆSTIONIS SEPTIMÆ.

Quando fuga faciat indicium ad inquisitionem & ad torturam.

Sed videamus nunc, an fuga ipsi noceat. Et primò quidem ipsam sibi fugam magnam sceleris suspicionem attraxisse, suisque veluti jumentis malum accersivisse affirmandum videtur, quod fuga ferè semper contra fugientem sit indicium, patrati criminis, illumque in suspicionem sceleris adducat. &

Leitur

igitur ne latente eo. Authent. de exhib. & introduc. reis. l. Raptores. vers. Sin autem. C. de Episc. & cleric. l. in eos. ff. de custod. reor. l. Impuberibus. §. Præterea. ff. de suspic. tutor. Idq; autoritate sua omnes posteriores legū interpretes, nemine excepto, affirmasse scribit Joseph. Masc. de prob. vol. 2. conclus. 819. numero 1. Bart. in l. Quis sit fugitivus. §. sicuti. ff. de edil. edict. Bart. tum in profitendo tum in consulendo ita sensit in l. Voluntatis. C. de fideicommiss. & in consi. 250. in questione D. Milani n. 3. vol. 1. & quis enumeret omnes? quos magno numero adducit Masc. d. loco. Fuga namque accusat fugientem, §. Si verò. in Authent. de exhibi. re. §. Si quis autem ad ordinationem Authent. de sanctiss. Episc. Blanc. in Tract. de indic. in verbo fuga. numer. 291. versic. Quia fuga. Francisc. Cass. in Tract. malefic. cap. 4. tit. de fuga. in verb. Proptam solam num. 1. versic. alii autem ea senserunt. Et quod magis est, fuga non solum facit simplex indicium contra fugientem, verum etiam efficax est ad subjiciendum reum tormentis, per supr. alle. iur. Bald. in l. Cum probatio. ff. de probat. & in l. voluntatis. num. 11. C. de fideicommiss. Jacob de Beluis. in rubr. de question. post num. 1. vers. & quia fuga talis Mascard. d. conclus. 819. num. 4.

Verum his minime obstantibus, dicendum est, traditam conclusionem ita limitari, quod non habeat locum, quando quis au-
fugit ex aliqua probabili, vel rationi consen-

88 RESOLUTIO QUÆSTIONUM

tanea causa. Tunc enim fuga ne aliquod quidem indicium contra fugientem facit, *Bald. in l. Bonæ fidei. numer. 7. vers. Modo sequitur C. de reb. cred. & iurejur. ubi notabile affert Exemplum de his, qui aufugiunt propter factiones, in quos si homicidii culpa conferatur, non præsumatur contra eos, cum non sit totus iis ad urbem accessus. Clem. pastor. de re judic. c. statutum. §. 1. de rescript. lib. 6. Prolixè Mascard. d. conclus. 819. numer. 11. Et quamvis distinguatur, quod fuga tantum faciat indicium ad torturam, quæ fit ante inquisitionem, vel accusationem delinquentis, ea enim verè conscientiam delicti perpetrati arguit, non autem ea fuga, cui aliquis sese jam tum inquisitus vel accusatus mandavit, quia ea potius ex metu vexationis, quàm ex conscientia delicti facta esse præsumitur. Bart. in l. 1. ff. de bon. eor. qui mort. sibi cōsciv. Bart. & Angel. in l. fin. ff. de quæst. Roman. in l. Correlia. ff. ad S. C. Sillan. Matth. consil. 146. Dec. consil. 214. in effectu col. 1. Hippol. in rubr. C. de probat. col. 47. vers. aliq modo, Mascard. d. conclus. 819. numer. 15. & num. 13. Mynsing. cent. 6. observat. 98. numer. 2. Sola tamen fuga non facit indicium etiam eo casu, cum accusatio vel inquisitio nondum est instituta, dum modò justus subsit timor, vel suspicio vehemens futuræ accusationis vel inquisitionis. Nemo enim periculo sese exponere, suamque ex carce-*

re innocentiam probare tenetur. Roman. in d.l. Lege Cornelia. Boër. decis. 215. num. 29. DD. communiter in l. Admonendi. ff. de jurejur. Hippol. ad rub. C. de prob. num. 279. Mascard. d. conclus. 819. num. 16. Gayl. lib. 2. Pract. observat. 109. numer. 8. & seq. Cùm autem ex metu carceris, qui justissimus est. l. Qui in carcerem. 22. ff. quod met. caus. futuraeque asperae inquisitionis, qui metus itidem justa fugae causa reputatur per modò allegata jura, & ne liberis suis dolorem aliquem inureret, quod parentes de cruciatu liberorum magis, quam de suo sint solliciti. l. Isti quidem. §. fin. ff. quod met. caus. consulens nostra matrona fugam arripuerit, neque ad inquisitionem neque ad torturam ullum ea fuga indicium facit.

RESOLUTIO QUÆSTIONIS SEPTIMÆ.

Quæ pœna Sagæ sint afficiendæ, & an propter solum pactum, quod cum Diabolo iniierunt, ignis supplicio tolli, ex rerumq. universitate infra mortuos omnes amandari debeant.

AD extremum in disquisitionem cadit, an Sagæ propter solum pactum cum Diabolo initum, sint ordinaria maleficii pœna afficiendæ. Cujus quæstionis decisio petenda est ex constitutione criminali Carolina, cap. 109. ubi ita distinguit Imperator. So jemandt den Leuten durch Zauberey / Schaden oder

90 RESOLUTIO QUÆSTIONUM

Nachtheil zufüget / Soll mā in straffen vom Leben zum Tode / Vnd man sol solche straffe mit dem Feuer thun. Wo aber jemandt Zauberey gebraucht / vnd darmit niemandt Schaden gethan hettte / soll sonst gestrafft werden nach gelegenheit der Sachen / darinnen die Brtheyler Nahts gebrauchen sollen / wie vom Naht suchen hernach geschrieben stehet. (*latine sic: Quod si aliquis hominibus per incantationes damnum intulerit, incendii supplicio ē medio tollendus est. Si verō aliquis magia sit usus, sed tamen nemini damnum dederit, is pro renata & de consilio Jurisperitorum, quos Iudices consulent punietur.*)

Hinc castantūm Sagas, quæ damnum intulerunt, ignis supplicio delendas esse constat. Et ad damnum quidem quod attinget, aliæque quæ confitentur Sagæ, non est simpliciter confessioni illarum innitendum.

Aut enim confitentur ea, quæ sunt possible, per Magiāque perfici possunt. aut confitentur ea, quæ sunt tum natura tum facto *adūvata* live impossibilia, veluti cum cōfitentur, se scopis insidentes, & per Caminum subvolantes interfuisse congressibus solennibus, sicut supra ā nobis ostēsū est, cum item in feles, canes & lupos Venefici

fici se mutatos esse confitentur, hanc enim mutationem ne ipse quidem Satanas perficere valet, ut maximé eam ad rem omne suum studium, operam ac facultatem conferat. Aeternum namque ac immotum axioma est, quód Diabolus formas rerum essentialiales mutare neutiquam possit. Quód autem Joannes Bodinus celeberrimus ille Gallia & Jureconsultus & Historicus *lib. 2. de Demonomania cap. 6.* aliq; magnæ alioquin ob eruditionem plané incredibilem auctoritatis viri *περὶ τῶν λυκανθρώπων* sive de lycanthropis sermocinantur, id omne magorū vel aliorum etiam hominū phantasiæ malæ affectæ acceptum referendum est, cū in lupos sese transformatos esse imaginantes per Sylvas vagantur, & ab hominibus alienam, sectantur vitam. Vide Joannem VVierum de praestigiis Demonum. *lib. 3. cap. 8. & lib. 4. c. 14. & lib. 6. cap. 16.* Facit huc, quod Jus canonicum in *c. Episcopi 26. quest. 6.* Ethnicis fide longé inferiores esse eos statuit, qui creaturam aliquam in aliam substantiam ab ullo alio nisi à solo DEO Creatore mutari posse existimant. Imó quicumque diversis aliisque mutationibus fidem adhibet, eum à vera fide destitutum ac desertum & Satanæ mancipium esse factum Canon diserté pronūciat. Vide prolixé Godelmann. *lib. 2. de Mag. Venef. & Lam. cap. 3.*

Ad

92 RESOLUTIO QUÆSTIONUM

Ad τὰ ἀδύνατα quoque sive impossibilia & illud referendum est, cū venefici sage- q; confitentur, Diabulos stupri secum ha- buisse consuetudinē, eorūq; alios esse incu- bos alios succubos, atq; ex illo coitu liberos quandōq; profeminari. At verō cū Diaboli sint spiritus, ecquānam ratione corporali carnis copula cum magis iisque vel mascu- lis vel fœminis miscebuntur? Et ne tale quippiam iis, quæ assumunt, corporibus assignes, coeundi illa & generandi faculta- te destitui certum est. Quicquid enim ge- nerat, illud etiam nutritur; vegetativæ namque facultatis species quædam est ἡ γεν- νήσασθαι δύναμις sive generandi facultas. Atqui non nutriuntur corpora illa assumpta: Nu- tritio enim, teste Aristotele lib. 2. de anima, est conversio nutrimenti in substantiam corporis animati, quæ fit beneficio nativi caloris. At talis Spiritus calorve vitalis non potest esse in corporibus illis ascititiis. De- ficiente igitur nutritione deficit & gene- ratio. Et generatio fit per semen, quod est utile nutrimenti σπέρμα; non nutriun- tur ista corpora. Deest igitur & nutrimenti σπέρμα semen. Et Spiritus vitalis oportet ut sit in semine, ex quo profeminatur cor- pus aliquod: in corporibus autē illis advē- titiis sive aliunde assumptis non est talis a- liquis Spiritus. Non igitur facultatem ali- quam

quam generandi habebunt. Ac ne ullus dubitationi locus relinquatur, semē illud, quod aliunde excipere Diabolos objicias, emortuum est & spiritu vitali destitutum. Idcirco ad generationem non est idoneum. Neque est, quod Sagas confiteri objicias, liberos ex tali coitu profeminatos esse. An non enim Satanas ita fascinare potest, & cogitationem & phantasiam Sagarū, quas sibi quam addictissimas habet, ut existiment adesse sibi virum, ut credant se uterum ferre, ut omnes gravidæ cujusdam mulieris affectiones percipiant, & cū tempus partus instat, dolores puerperii sentiant, persuasūque sibi penitus habeant, se fœtum ex corpore suo profeminatum in lucem edere, cū tamen Satanas alienum iis partum fraudulenter mira celebritate mirisque præstigiis supponat? Ante enim quā sacra baptismatis aqua infantes lavantur, sunt qui in potestate Diaboli eos esse affirmant, propterea quod sordes eorum sanguine CHRISTI sacrosancti lavacri interventu nondum sint ablutæ, ideoque statuant, Satanam parentibus eos suis ademptos Sagis ministris sibi devotissimis supponere posse. Itaque quicquid de Diabolorum cum Sagis congressu alii acriter defendunt, id fascinationibus Diabolicis imputandum esse arbitror. *Qua*
de

94 RESOLUTIO QUÆSTIONUM

de re & Petrum Martyrem & Andream Hyperium post hominum memoriã Theologos & Philosophos præstantissimos hisce verbis hunc ad modum differetes audiamus.

Petrus Martyr in commentariis in 1. lib. Samuel. c. 28. pag. 168. Sage mulieres & viri malefici, inquit, solebant se perungere unguento aliquo soporifero, deinde conicere in lectum, ubi ita profundè dormiebant, ut re aciculis nec ignibus possent expergefieri. Interim Diaboli illis ita dormientibus multa proponebant ludicra, convivias, choreas, ET OMNE GENUS VOLUPTATUM.

Hyper. Method. Theolog. lib. 2. pag. 304. & 305. hisce propositionibus suam sententiã nobis explicat. cum primò, inquit, concedi illud potest, quòd Diabolus, cui datum est sensus nostros ita ludificare, ut putemus nos videre, quæ tamen non subsistunt, & audire, quæ revera non sonant (manifestum id est in falsis miraculis, in fascino &c.) efficere quæ; ut mulier existimet adesse sibi virum, aut viro mulierem: nec minorem tunc percipiat voluntatem, quam si res ita prorsus haberet, cum tamen nihil huiusmodi existat. Studet namque & gaudet Diabolus omnibus sensibus tam dormientium quam vigilantium quacunq; ratione imponere.

Secundò, et si verò corpora assumant Demones sensibus undiq; exposita, ut nimirum cerni, tangi, contrèctariq; queant, at semen illa emittere et generandi habere potestatem, non est vero còsentaneum, maxi-

me cū facultas gignendi non tantū à spiritu vitali in corde potissimum proveniat, qui spiritus nequaquam ejusmodi corporibus ad tempus assumptis inest. Quade re plenius Physici & Medici.

Tertiò, omnium verò minimè constituetur, quòd ex Spiritu creato, cujusmodi est Diabolus, & homine generatio perfectā queat consequi: Siquidē longē diversissima in illis spiritibus & in hominibus spectatur natura, quod collatione diligēti facta unusquisq; deprehendet. Solus Christus ex Spiritu & muliere (Spiritu autē non creato sed increato, id est, Spiritu S. qui distincta est in divinitate psona) agnoscitur genitus.

Quartò, restat ergo, ut si quando puerum opera Damonis incubi (quemadmodum loquuntur) nasci ex muliere contigerit (nam ex succubo nasci Aegyptiis & pleriq; omnes negant) judicemus, mulieris sensus omnes sic astu Diaboli perstringi, ut tēporis intervallo omnia gravidarū signa, hoc est dolores, tum. or uteri, et id genus alia in ipsa appareant. Ubi verò partus hora institerit, iterū falli sensus, ut fœtus aliquis p̄dire existimetur, ubi tamen nullus est, aut si modò verus conspiciatur, aliunde esse sublatū, atq; opera Diaboli supponi. Nam quòd aliqui suspicantur, Diabolum semē alibi vel succubū prius à viro quopiā excipere, vel, q̄ quod aliquis sponte ejecerit, suffurari (quemadmodū notat Epiphanius scribens contra 63. heresin, quæ est Origenistarū) non potest propter ea, quæ propositione secunda dicta sunt, consistere. Illud autem de alieno partu fraudulenter supposito, ex eo volunt esse probabile, quòd extra controversiā est, recēs natos parvulos
antequam

96 RESOLUTIO QUESTIONUM

antequam ex aqua & Spiritu renascantur, in potestate Diaboli existere, quemadmodum Apostolus ad Ephes. 2. subindicat, dicens, nos natura esse filios iræ, & principi tenebrarum devotos, eamque ob causam esse in Ecclesias introductam consuetudinem (testibus Augustino de Symbolo, lib. 1. & Gregorio Homilia 29. quorum verba adscripta legimus de consecratione. distin. 4. can. Sicut noctis & can. Sacerdotes) quâ pueri, antequam sacra tinguntur aqua, exorcizantur, malusque spiritus ab illis depellitur. Itaque Diaboli talibus pueris, in quos jus aliquod habent, quo ad Dominus permittit, ad flagitia peragenda decipiendosque homines creduntur abuti. Hæc ut probabilia dicta sunt, quandoquidem scripturarum præsidio hac in causa destituimur. Atque ista quidem Hyperius. Vide eleganter VVierum lib. 3. cap. 12. 13. 14. 15. 16. & 17. Ad hanc impossibilitatem classem ea quoque referenda est opinio, quâ vulgò persuasum est, Sagas posse tempestates veluti grandines, pluvias & tonitrua ciere. Verissima hæc est sacrarumque literarum autoritate comprobata sententia, quod solus Deus omnium tempestatum sit causa efficiens procreans: vapores enim & exhalationes, quæ ex terræ visceribus sursum in mediam æris regionem ascendunt, principii passivi sive materiæ rationem obtinent. Et hæc tempestates nobis à Deo OPT. MAX. immittuntur tum ad punienda quotidiana eaque varia peccata

cæta nostra, tum ad probandam nostram in
 calamitatibus perseverantiam. Sic Exodi cap.
 9. versi. 22. dixit Dominus ad Moysen: *Exten-*
de manum tuam ad cælum, & erit grando in omni
terra Ægypti. Et extendit Moses virgam suam ad cæ-
lum, & Dominus dedit tonitruum & grandinem, et
ambulavit ignis super terram Ægypti. versi. 23. quæ
 Pagnini versio est. Sic Hagg. 2. cap. versi. 18.
 ait Dominus. *Percussi vos ariditate, & rubigine,*
& grandine, omne opus manuum vestrarum, non
fuit, qui converteret vos ad me. Ergone, inquires,
 Sathanas nullas valet excitare tempestates?
 Sane absque permisso Dei cum nihil o-
 mnino perficere possit. 1. Reg. cap. 2. Luc. 22.
 cap. tum verò nec hoc ipsum. Quod si verò
 DEUS justissimo suo judicio id Diabolo
 permittat, potest is aërem, cujus princeps
 dicitur in Scriptura, horrendum in modum
 commovere, ac tempestates excitare, sicut
 videre est ex Job. 1. & 2. cap. Joann. Brent. in
 pulcherrima sua concione germanica, Anno 1565. in
 lucē edita de tonitru, gradine & aliis tem-
 pestatibus, egregiē hanc materiā persequi-
 tur. Idemque facit Jacob: Heerbrandus in
 Concione quadam germanica de fulmine, Tubinga
 Anno 80. excusa, pag. 4. 5. & 6. Quæ autem causæ
 sint, quamobrem divina Majestas Sata-
 næ tantum permittat, præter Augustinum
 de Trinitate lib. 3. cap. 6. de Genesi contra Manicha-
 os lib. 2. cap. 28. de Genesi ad literam lib. 11. cap. 22.

98 RESOLUTIO QUÆSTIONUM

& Chrysoſt. de provid. DEI, doctiſſimè tractat Hyperius lib. 2. Method. Theolog. in quæſt. *Utrum poſſint Diaboli nocere ſua poteſtate, quibus, & quomodo & quando velint.*

Ad Sagas autem noſtras ut redeamus eæ commovere tempeſtates nullis poſſunt incantationibus, ſed Diabolus cū vel ad exequēdum DEI mandatum, cuius veluti carniſex quidam eſt, tempeſtates excitare jubetur, vel ex aſtrorum intuitu & elementari ad tempeſtates benè affecta materia deprehendit, pluvias, grandinem, & tonitrua mox conſecutura, jubet Sagas, quibusdam verborum formulis ſolenniter enunciatis, urinam ſuam, ad certum aliquem diem, in ſcrobem effoſſam infundere, vel alias nonnullas ſuperſtitionis pleniffimas uſurpare ceremonias. Quo facto ſequuntur pluviae, non vi incantationum magicarū, ſed quod aliās ex Phyſica neceſſitate, Deoque ſic volente, tempeſtates eo die ingruerent. *Brenſ. & Heerbrand. dd. loc.*

Nec moror, ſi objicias, de iis, quæ non ſunt aut fieri non poſſunt, fruſtra leges ſanciri, tūm quod non entis nullæ ſint qualitates, tūm quod impoſſibilem nulla ſit obligatio. *l. Generaliter. ff. de verb. oblig.* Leges autē homines vinciant ſive obligent. *l. 9. C. de legib.* Et non niſi delinquentibus pœnas irrogari. *l. Crimen paternum. ff. de pœn. & l. San-*

imus. ibique DD. C. cod. si. De magis autem, qui magicis artibus usi elementa turbent, poenam constitutam esse. Nam feralis ut eos pestis absumat, constituit Imperator Constantinus in l. 6. C. de malefic. & Mathemat. Ad quam sententiam accedit Imperator Constantinus in l. 4. C. cod. tit. Et in Legib. XII. tabularum cautum est, ne quis fructus alienos excantasset.

Quid enim absurditatis committemus, si dicamus, Imperatores illos in eadē fuisse absurditate, in qua hodie multi impliciti tenentur? Et doctissimus Godelmannus lib. 2. de Mag. Venef. & Lam. cap. 6. num. 16. d. l. 4. C. de Malef. & Mathem. ab Imperatore Leone in Novell. 65. sublatam abrogatamque esse scribit.

Neq; illa Nasonis carmina lib. 7. *Metamorph.* de percelebri illa venefica Medea, quæ hūc ad modum se jactitat, sententiæ nostræ possunt officere.

--Cum volui (canit) ripis mirantibus amnes,
In fontes rediere suos, concussa que sisto,
Stantia concurio, cantu freta, nubila pello,
Nubilaque induco: ventos abigōque vocōque,
Vipereas rumpo verbis & carmine fauces,
Vivaque saxa, sua convulsa que robora terræ:
Et sylvas moveo, jubeōque tremiscere montes,
Et mugire solum, manēsque ex ire sepulcris:
Te quoque Luna traho.

100 RESOLUTIO QUÆSTIONUM

Nam Medea Venefica canit hæc ex eadē
persuasione, quā aliæ Sagæ fascinatæ sunt à
Diabolo atque imbutæ. Hæc igitur Poëtæ
carmina intelligēda sunt non καὶ ἀλήθειαν,
sed κατὰ δόξαν Medæ, in cujus animo
persuasio ista altas radices egerat. Ac ego
quidem Medæ thrasonicè gloriānti op-
pono Psalmum Davidis vigesimum nonū,
in quo Psalter divni numinis afflatu per-
cussus à potentia ciedi tempestates D E U M
O P T. M A X. veluti verissimum autorē ma-
gnificè cōmendat, & per me carmine He-
roico has ipsius in laudes erumpens canit:

*Vos ô magnifico Regum de semine nati
Æterno superūm Regi præconi a laudis
Dicite, & illius nomen super astra levate,
Quo decet applausu, ac, curvato poplite, vultus
Ante ejus, prostrati humiles, sacraria cultu
Concelebrate novo, & sacra ferte præcēsque Je-
hova.*

*Hic, hic, est, mediis cuius vox detonat vndis,
Hic est ille D E U S summo qui fulmen ab axe
Dejiciens, imas undarum scindit abyssos.
Illius est vox magnifica, & robusta, potēnsque,
Robore quæ Libani cedros & robora frangit,
Nec secus hæc evulsa facit saltare, juvenci
Exiliunt stabulis ut missi in jugera campi.
Vox hæc ignivomum fulgur iaculatur ab astris,
Vox facit hæc desertum alto reboare fragore,*

Quod

*Quo percussa Arabum tesqua hirta micantque
tremuntque.*

Vox facit hac grvida ut cerva sua pōdera ponāt,

Et facit, ut nudat a comis stet populus alta,

Interea pia turba canit pœana Tonanti.

Magna hinc congeries vastarū exundat aquarū,

Sed circumducto DEUS has in littore frenat :

Altitonantis in æternum stant regna Jehova,

Unde suo populo cunctos benedicit in annos

Divitisque pios & pacis robore firmat.

Tace igitur, Medea, & sile, nec verbum
deinceps fac ullum, de magnifica illa tua, si
Diis placet, potentia. Silete vos magi, &
quicūq; ab illorum partibus statis, ac po-
tentiam iis aliquam per ampullas verborū,
& sesquipedalia verba, ut cūm Poëta lo-
quar, asserere conamini.

Sed pluribus hæc non persequar, quód
Adversarii à Godelmano in lib. 3. de Mag. Ve-
nes. & Lam. cap. 5. satis prolixé & nervosé sint
refutati. Adde VVierum lib. 3. cap. 11.

Cūm igitur ea, quæ hætenus à me dedu-
cta sunt, nulla omnino arte magica, quan-
tacūque etiam illa sit, perfici queant, con-
fessio illorum confitētibz Sagis nihil quic-
quam officere debet. Impossibile enim
confessio nihil operatur per supra allegata
jura & per l. 13. & 14. Verb. In totum autem
confessiones ita rate sunt, sit id, quod in confes-
sionem venit, & ius & natura recipere potest, ff.

de interrog. in jur. faciend. Vid. Godelman. lib. 3. cap. 7. nume. 28. & d. lib. 3. cap. 11. num. 32. Quod si veró Sagæ talia confiteantur damna, qualia hominibus per artes magicas ac incantationes suas infligere potuerunt, ignium exustionibus delendæ sunt, *d. Const. Carol. cap. 109.* Variis enim artibus instruuntur à Diabolo, ut hominibus nocere queant. Sic herbis venenatis, veneno arte confecto, metallicis rebus, quæ omnia naturali quadam nocendi vi prædita sunt, uti consueverunt. Quibus accedunt arte parata, quæ Satanas iis dictitat, veluti quæ ex pilis, sanguine, id genus aliis rebus Sagæ præparant, de quo vide Benedictum Aretium *in Problē: 176. pag. (mibi) 592.*

Porro additur in dicta Cōstitutione Carolina si nullum hominibus damnum Magi importarint, de pœna iis irroganda Jurisperitos consulendos esse. Quod igitur ad solum pactum cum Diabolo initum attingit, cūm pœna illius jure non sit definita, judicis arbitrio relinquitur *arg. l. 1. ff. de jur. delib.* Pœna autē arbitraria ad mortem extendi nequit. *l. 1. in versi. tempor. ff. de fur. balnear. l. 1. §. Expilatores. ff. de effract. text. in c. inquisitionis in prin. cum ibi not. per gloss. & DD. ext. de accusat. Bald. in l. & si post tres in princ. lect. colum. 7. versic. Item facit ad aliam. ff. Si quis cautio. Cardin. in c. de causis de offic. Delegat. Bald. in l. 1. C. Ne sen. iuss. princ.*

princ. & idem Bald. in c. 1. col. 5. in princ. de pac. ten. ubi dicit, quod iudex vigore arbitrii non potest imponere pœnâ publicationis bonorum. Ergo multo minus pœnâ mortis, quæ major est. *Alex. in consi. 5. col. fin. in 1. vol. & Card. in c. ex literis de const. Mar. part. 4. de ordi. judic. distin. c. 1. num 45.* Unde constat nudum illud pactû ignis supplicio aliâve pœna mortis puniri non oportere.

Verûm ego tamen in hoc casu cuiusque loci consuetudinem cum primis attendendam esse existimaverim.

Nec moveor eo, quod in *Exod. c. 22. vers. 18.* scriptum est: Maleficam mulierem non fines vivere. Vocabulum. n. *MECHASCHEPHA* mulierem maleficam denotat, non quod viros huic crimini obnoxios ab omni pœna immunes *Deus* esse velit, sed quod fœmineus sexus propter innatam simplicitatem Diaboli fraudibus ac technis magis sit expositus, eâque ob rem dolis illius facilius irretiri possit. Et septuaginta interpretes masculinum genus his verbis usurpant *τὸς φαρμακὺς ἢ ἐπιβιώσῃτε* maleficos non finite vivere. Nam per *mechasepcha* sive per *τὸς φαρμακὺς* intelliguntur ii, qui per sortilegia & artes magicas beneficia exercēt ad perniciem hominum & pecudum, quos ignis supplicio maētari debere *Carolina* edicit *constitutio. Godehm. d. lib. 3. c. 11. num. 6. & n. 48.*

Ex his quæstionibus ordine discussis atque pertractatis quid non solum de Processu oppidi N. verum etiam de universo ferè Processu reliquo adversus Sagas rectè ad jurisq; præscriptum instituendo tenendum sentiendumque sit, facile intelligitur: adversus consulentem autem fœminā nostram ne minimum quidem ad inquisitionem apparere argumentum, ideoque citra insignem injuriam nihil adversus ipsam attentari posse, de Jure interrogatus, rectius sentientium judicio salvo, respondet atque concludit

Otto Melander, Juris Utriusq;
Doctör.



Doct. Ott-

Doct. Otthoni Melandro, S.

Resolutionem tuam Clariss. D.
D. Melander, amice observā-
de, cum refutatione purgationis
maleficarum per frigidā cū primis
probo. Placent & res & elegantia
ac perspicuitas ^{λέξεως} & logica me-
thodus. Aliquando Illustrissimus
Hassorū Princeps, semp augustæ
memorię, Gulielmus per Cancel-
lariū suū mihi injunxit, ut in phy-
ficas, si quæ essent, causas superna-
tationis Sagarum inquirerē. Inde
occasio mihi data est de hoc argu-
mento orationem componendi
publicēq; recitandi; quā cū intel-
ligerem placere ampliss. virtutē
que ornatissim. viris quibusdam
meis amicis tuo tractatui eru-
dito subiungi, non repugnavi eis.
Id ne molestē feras, quęso. Vale.

4. Julii, Anni 1697.

Rodolp. Goclēn



ORATIO IN SOLENNI
ACTU PROMOTIONIS UNDETRI-
ginta Magistrorum Anno ære Christianæ CIO. 10,
LXXXIII. 19. Novemb. in celeberrima Catto-
rum Academia à CLARISSIMO PHILOSO-
PHO M. RODOLPHO GOELENIO &c.
recitata: in qua eruditè simul & breviter questio de
NATURA SAGARUM in purgatione
& examinatione per FRIGIDAM,
aquis innatantium, ex-
plicatur.



Emo est, Magnifice Domine
Rector, amplissime D. Pro-
cancellarie, spectabilis D.
Decane, clarissimi & orna-
tissimi omnium facultatum
Doctores ac Professores, & tu pulcerrime
juventutis flos ac studiosorum corona le-
ctissima, nemo inquam est qui nesciat, sa-
piētissimos omnibus temporibus Nomo-
thetas ac Rerum publicarum conditores
cives suos præmio laudis & honorū orna-
mentis ad studium virtutis incitare solitos,
quippe qui hoc ipsum sine illis quasi nervis
& tanquam stimulis ac calcaribus langue-
scere in plerisque, adeoque torpescere vi-
derent. Quare & apud divinum illū Pla-
tonem lex extat planè aurea: PROPOSITI-

TIS VIRTUTIS præmiis cives ad virtutem hortator: vitii suppliciis à vitio revocato. Et quidem idem Philosophus graviter præcipit, honorū *διανομὴ* Justitiæ omnino consentaneam esse debere. Hoc Platonis præceptum, illam Platonis legem, istud sapientum gubernatorum factum tamquam exemplum, ad se quoq; pertinere Patres Academici judicant, ut qui probè sciant, Academias esse Rerum publicarū quasi *γυμνασία* & seminaria: Hic sanè nisi impigrè in spatio philosophico decurrētibus sua decora, sua brabea fuerint, ut & ipsi fructum laborum capiant, & alii pulcerrimis exemplis invitentur, quī quælo illæ (Scholas dico & Politias) beatæ atq; florentes esse poterunt. Quando ergo hi undetriginta honestissimi juvenes, q̄ in medio ad ornatissima ista subsellia sistuntur, & maximos in Philosophia honores petunt, præclarū industriæ & navatæ in studiis operę specimen, jam antè seorsim disputando & declamando, & nō ita pridem cū privatim respondendo, tum publicè in omniū vestrū venerando conspectu iterū in palestrā atq; harenā disputatoriam prodeundo, ediderūt: Nihil nunc restat, nisi ut petiti Magistrorum honores, velut diligentię auctoramentū & virtutis eruditionisq; publicum testimonium, optimo ipsorum jure & merito iisdem solenne

nive

ni veterum ritu tribuantur, ideóque nunc ad ipsum legitimum promotionis actum paulatim accedatur. Sed quia majorum nostrorum instituto, antequam Candidatis Academici honores conferantur, Promoventi, cujus nunc partes mihi datæ, omnino aliquid præfandum: visum fuit hoc tempore de Sagis (hoc est mulieribus veneficis, quæ abjurato Deo & pietate, Diabolo manifesta stipulatione se dediderunt, ut ab eo per certa media scire faceré doceantur, quæ naturæ vires excedunt) aliquid differere. Rogo auté majorem in modum omnes & singulos, ut si quid non satis ritè egero, veniam, pro sua humanitate, æquitate, cādore, dare velint, & benevolé interea, quæ dicuntur, attendere, & quæ aguntur alacerrimè spectare. Dabitur enim a nobis opera, ut totus hic actus, quàm fieri potest, & celerrimè & planissimè percelebretur. Quanquam igitur alios aliam animadverti præfandi materiem sumere, & forté ipse jucundiorē etiam ἀκρόασιν meditari potuissem, nunc tamen mihi nonnullis rationibus adducto venit in mētem φυσιολογεῖν de natura Sagarum, quæ aliquot inferioris Germaniæ locis per frigidā purgantur. Cúm enim judices conjecturis ac præsumptionibus, non quidem omnibus, sed satis magnis adversus eas destituuntur,

am-

ambos pedes & manus reæ, hoc est, ad Magistratum delatæ, suspectæve alicujus mulieris colligantes, eam aquæ leniter imponunt, ac, si Saga fuerit, in fundo mergi non posse arbitrantur. Atque ajunt se experientia testimonio edoctos, omnes illas, quæ submersæ nō fuerint, postea spontanea confessione se veneficii crimini obnoxias, verèque reas ac nocentes ostendisse.

Hinc adeo est, quòd etsi in VVestphalia Magistratus Lemgovienſis Justitiæ observantissimus prudentiæque & consilii gravitate spectatissimus, ad damnandum Sagarum media argumentaque, famam, confessionem, rem gestam in primis adhibet: *δοκιμασίαν* tamen per frigidam (cūm argumento *πείρας* quodammodo nitatur) non prorsus negligit. Quam enim fama urget, confessio prodit, rei gestæ veritas convincit, hanc rogo Lemgovienſes adjudicant, ut qui optimè norint præsumptionem solam nō efficere, ut in accusatione gravis delicti ad condemnationem procedatur. At interim, quia confessio nullis tormentis expugnari potest, etiamsi & fama & multa *ἄμειρα* etiam indicia probata sint, hoc remedium adhibent, ut Sagam fama & indicis proditam in aquam frigidam, ut dixi, conjiciant, & inde, si aquæ innatarit, questionibus subjiciant. Ita illicó famam obortam

ortam scēminā per frigidā exploratā suā
 ipsarū confessione stabiliunt, omniā-
 que hactenus ā sese perpetrata scelera in a-
 pricum lucēmq; proferunt. Quæ quidē res
 cūm admodū mirifica videretur cuidā no-
 strati Philosopho doctrina & ingenio prę-
 stanti, edito octernione, quid Lemgovix
 unā cum densissima plurimorum hominū
 turba, quæ spectādi causā cōfluxerat, vidē-
 rit, cōmemorans, superiori, ait, Septembri
 tres veneficas mortī adjudicatas, tres alias
 eū socias & factionis suæ consortes Magi-
 stratui indicasse, ac primum has ā Liētori-
 bus cōprehensas, & carceribus mācipatas,
 tūm ad explorandā rei veritatē ante por-
 tas urbis in aquas projectas, ut videretur,
 num submersum necne ituræ essent. Nem-
 pe pedibus manibūsq; ligatæ & vestibis
 prius exutæ hac ratione vinctæ fuerunt, ut
 dextrī lateris manus sinistrī pedis hallucī,
 & vicissim sinistra manus dextro pedi ar-
 ctissimē colligaretur, ut corpus ne mini-
 mum quidem commovere possent. A car-
 nifice deinceps in flumen, & singulæ qui-
 rem ter, coniectæ instar trunci alicujus li-
 gnei innatarunt, ita ut nulla earum sub-
 mergeretur: postea singulæ crimen con-
 stanter confessæ ignis flamma interemptæ
 fuerunt. Huic ergo spectaculo cūm inter-
 esset Philosophus ille, rei visæ tanquam

Salutaris novitatem ad stuporem usq; admiratus, ejusmodi examinis causas probabiles ex intima Philosophia petitas reddere epistola ad Lemgovieneses scripta eorundemq; typis informata conatus est. Eā mihi ab amplissimo Lemgovienſis Reipub. Cōſule Theodoro Cotmanno, quem honoris cauſſa nominare debeo, repræſentavit JOANNES Antrechtus Juris U. Doct. eximius, qui idē, cūm fortē allatæ rationes ipſi, ut eſt judicio acerrimo & politiffimo, non omnino probarentur, non ita pridē meam ſentiam efflagitavit potiffimum de hoc problemate: Quid cauſſæ ſit, cur in examine ejusmodi venificæ aquæ ſupernatent, innocētes verō ſubmergantur: Quamobrem facere nec potui nec debui, quin, facta cogitationum mearum ſumma, aliquid privatim reſponderem: quod cujuſmodi fuerit, nunc publicē ex hoc loco Scholaſticorum cauſſa recitabo, ſiquidem neque quaſtionem illam neque ejus enodationem à Scholis & commentationibus Phyſicis (in quibus ut diligenter verſer, munus officii efflagitat) alienam puto. Primū itaq; quid mihi hīc videatur vero-germanū, ut maximē poſſum, perſpicuē & ſtrictim exponam: nec enim vela orationi pandere, ornandorum inſolens illa multitudo patitur. Deīnde, opinionem epistolæ illius

902

quo loco & numero habeam, edisseram. Cum enim ejus argumenta parvum alicubi in probando pondus habere mihi videantur, ei qui per omnia subscribere possis, sane non video: etsi alias propter egregiam eruditionem & studiorum quodammodo communionem auctorem colam & observem.

Principio igitur, ut é qualitatibus elementaribus dari possunt, causæ horum eventuum; quód ut nonnulli commemorant, in Palæstina sit lacus ejusmodi, in quē si quis hominem vinctum aut jumentum dejecerit, in summa aqua fluctuet nec in aquam demergatur; quód si quis aquam admodum salisam admixto sale effecerit, in ea summa ova, etiamsi plena sint, nare possint; quód denique navigia pari rerū, quę vehuntur, pondere in fluviis feré demergi soleant, in mari veró recté habeāt ac commodé ad navigationem, ut scribit Aristoteles, causam erudité referens ad molem aquæ salisæ amaræ seu marinæ crassiorē, cum mare tantam vim habeat terrestris naturæ, ut feré luti naturam imitetur: Sic á natura præsertim simplici, causę aliquid emedicari posse videtur, nec ἀναίσιολόγητον est, quód striges potius quám aliæ mulierculæ fundum aquæ non petere deprehenduntur.

Ea re ad præsens ἀπόρημα discutiendum duo axiomata tanquam αἰτήματα assumere fas sit, Physicum unum, Metaphysicum, ut loqui nunc solemus, alterum. Illud quidem ejusmodi est, monumentis Plinianæ historiæ consignatum; Ut levia inhibētur ponderibus, quo minús evolent: Ita gravia, ne ruant, suspenduntur levibus in sublime tendentibus.

Hinc sané est, quód uter in aquam demissus, etsi ponderosum corpus sibi annexum habet, mergi nequit. Hinc adeó est, quód, si à Theologica causa, quæ á nutu & omnipotentia verbi DOMINI recté sumitur, discessero, terra corpus gravissimum stat pendens universi cardine, ut cum Plinio loquar. Alterum axioma est, quod Magnus quoq; illum Basilium auctorem laudat, Diabolum esse perquám tenuem & agilem naturæ nimirum aëriæ seu igneæ spiritum. Ignem enim ab aëre non discerno, cum vel Aristotele teste, οὐδὲν nihil aliud quàm aër rarefactus & incensus. Etsi autem spiritus nullam flammam corpoream spectabilemque induant, tamen quandam igneam illis vim inesse, divinæ etiam literæ dicere videntur; Psalm. 104. Deus creavit angelos suos spiritus, & ministros suos ignem flammantem, ut ita angelus sit in morem ignis, purus, lucidus, splendidus, agilis, subtilis,

tilis, celer, eximia agendi potestate præditus, nihil ponderis, nihil crassitiæ aut impedimenti in sese habens: Ex quo etiam factum apparet, quod nonnunquam specie ignis & cum fulgore quodam hi Dei administri apparuerint.

Ex his ergo fundamentis Sagam ajo in superficie aquæ adhærescere, propter æriam ideóq; levē Diaboli aspirationem, qua corpus Sagæ, quod sua natura grave est & tale manet, quasi librat, suffulcit, cohibet & coërcet, ne decidat.

Ut enim aër qui sursum fertur motu continuo, & primum mobile irrequeto suo circuitu (quem motum raptus dicunt Physici) terram universam cum aquis ita circumdat, fulcit, continet, constringit & quasi ligat, ut in medio universi pendeat immobilis, ne vel sursum vel deorsum vel in ullum latus inclinare aut ruere possit: (quæ de re & Naso sic philosophatur.

*Terra pila similis nullo fulcimine nixa,
Aëre subiecto tam grave pendet onus.
Ipsa volubilitas libratum sustinet orbem)*

Et ut in aquam injectus uter non potest mergi, quamvis magna superingesta gesser pondera: etsi enim pondus ipsum depri-
mit, aër tamen inclusus rursus sublevar
eum & attollit: Ita Sage corpus grave, ideó-
que

que sua natura deorsum nitens, vi spirabili, quam Dæmon occulté afflat, quasi librat & gestatur, ut in aqua extrema sine periculo suffocationis fluitare possit.

Hic afflatus spiritus levissimi & potentissimi longé efficacior est, fortissimis ventis, qui subvehunt & in sublime projiciunt res vel gravissimas.

Nec veró admodum repugnaverim, si quis simpliciter dixerit, fulcrum Sagarum aquis innatantium esse ipsum Diabolum, cum ex iis aliqua visæ sibi fuerint anserem, quo sustinerentur, subjectum sibi habuisse.

Si quis forté pauló aliam quærit causam, is quid divinare aut suspicari probabiliter possit, non occurrit, nisi fieri istam supernationem dicat spiritus seu anhelitus violenta coactaque cohibitione. Cum enim spiritus retentio ex natura diuturna esse non possit, ut quæ non tantum sit voluntaria, sed etiam naturalis; a Diabolo, cujus Lamiæ sunt mancipia, sit validior, fortior & diuturnior, ut ita instar vesicæ in aquæ superficie natantis demergi nequeant. Sed his missis superiorem rationem sic declaro: Certum est, Ecstaticos veluti raptos extra sese ἀναιδήτους, hoc est, motu sensuque privatos jacere exanimis similes, & vel aliquot dieb⁹ exactis, ceu ex profundis-

limo Endymionis somno expergefactus, aut á morte in vitá revocatos ad sese redire. Jam sicut in Ecstasi (diabolica) Dæmon corpora cadaveribus similia, ne fiat suffocatio, fovet molliter afflatis halitibus frigidiusculis, per aliud quoddam ventilabrum, quám pectoris & pulmonis, quæ membrum, si res sensu dijudicetur, prorsus feré ita affectis quiescút: Seu ut cū Peucero loquar, sicut Dæmon in Lycaone, (qui figura lupi homo est) ne suffocetur, cordis calorem vel afflatu aëris sufficientis vel leni, prorsus & obscuro motu ventilat: Sic Diabolus Sagis in aquam demissis aërem necessarium supernatationi afflat, spiritúve sueas, ne pessum eant, sustinet. Est enim ei non exigua aëris concessa ἐξουσία, & ipse, de quo anté meminimus, spiritus quidam tenuis & aërius magni nominis Theologis videtur: Quod & antiquissimorum Philosophorum dogma fuisse, ex Hesiodo suspicari licet, ut qui Dæmonas aërem indutos ἀόρατους περιπατεῖν, hoc est, in terra invisibiles inter homines obambulare scribat.

Quid quæris? Sané qua vi in aërem subvectæ Lamia ibidem aliquantis per sustentantur: eadem quoque virtute in aquæ superficie sustinetur. Sed externa spiritus vi illud fieri omni asseveratione confirmo.

Nam

Nam & sacra narratio habet, quód DOMINI (híc enim bonorum & malorum spirituum quædam inter se κοινότης, & διαφορά, communitas, non differentia spectatur) quód inquam Domini angelus vatem Habacucum vertice prehensum, & capitis coma sublatum, ad cibum ferendum Danieli immanissimis leonibus objecto, Babylonem deportârit, & super specum IMPETUS SUI SPIRITUS deposuerit, ut est in veteri translatione, ubi Reverendi viri Dei Lutheri versio habet, wie ein stärker Wind: nam utramvis secutus fueris, in nostræ assertionis sententiam concesseris. Ut jam dubium non sit, quin ad aquas delatæ veneficæ eas externa vi naturæque spirabili exuperent.

Quoquo igitur nos vertamus, ad naturam ac vim quandam πνευματικὴν nobis híc confugiendum est: Quod & in similibus eventis veteres fecisse videmus. Ut enim ex veteri historia exemplum saltem unum idque ἀξιολογητέον, in primisque commemorabile repetam quam-brevissimè (nec enim orationi habenas laxabo) de singulari cæque ancipiti probatione castitatis virginis per aquam Tiberinam in cribro consistentem immotam, atq; ita μετέωρον, hoc est, in aëre suspensam legimus apud

Valerium Maximum. Titia scilicet Vestalis virgo cū incesti criminis rea esset, castitas ejus admirabiliter nube infamiæ discussa emerfit. Etenim conscia sibi integritatis ac sanctitatis suæ spem salutis ancipiti argumento petere non verita, arrepto cribro, O Vesta, inquit, si sacris tuis semper castas manus admovi, effice, ut hoc cribro hauriam ex Tyberiaquam, eamque in ædem tibi consecratam perferam. Quid sit? votis, inquit Valerius, audacter temerèque jactatis, sacerdoti ipsa rerum natura cessit, hoc est, Aqua, quam natura fecit ita liquidam, ut vel per tenuissimas rimas defluat, in cribro remansit. De quo doctè ac tersè cecinit Poëta, quisquis tandem ille fuit.

*Titia casta fuit, sed non est credita virgo,
 Titia, diva, tuis, Vesta, operata sacris.
 Hoc simul ac sensit, tollens ad sidera palmas
 Dixit; Diva audi, jam tibi casta negor;
 Si rea sum populo me nunc spectante, ministra
 Signa, quibus noscar, si tibi casta fui.
 Dixit: & arrepto Tiberino in littore cribro,
 Ipsa manu puram fluminis hausit aquam:
 Quam simul inmotam nullòve foramine lapsam
 Pertulit ad sanctos virginitate focos,
 Desit incesti vulgo rea criminis esse,
 Et castum visa est asseruisse decus.*

Hic ergo Valerii interpres, quærens, quæ vi aqua in cribro, ut instrumento crebris foraminibus pervio, permanferit; divinane, quæ castitatis amatrix etiam gentili mercedem castæ vitæ rependere voluerit; an diabolica, quæ in avita superstitione diutius homines detentos cupierit, responder: POTUIT VIS ILLA OCCULTA aquam intra cribrum continere, quæ novit semen virile ad generationē transferre.

Explicui meam, quæ tamen non in meo animo nata, sed ex sobria Christianaq; Philosophia, ut spero, petita est, sententiam, Laconica prorsus brevitate.

De opinatione Epistolæ, de examine & purgatione Sagarum per aquam frigidam hoc anno editæ, reliquum est, ut videamus. Quod igitur striges super aquam tanquam solidum corpus feruntur, causam ejus affert spiritualement quandam levitatem corporum illarum, quam in ipsis formam interiorum cum naturalibus qualitatibus immutando effecerit Diabolus, qui substantia-liter earum mentes, corda, totumque corpus obsideat, & per ipsarum essentiam ac partes singulas sit diffusus, quod in Scholis nostris dicitur in esse κατὰ περὶ χώρησιν, ut ignis inest in ferro candente, &, de sententia quorundam, anima tota est in toto

& in qualibet parte tota. Quo quidem fit, ut Sagas definiat nové homines essentiam Diaboli participantes, eo, quo diximus, modo.

Sed quot híc verba, tot propemodum attentius de re cogitanti videri possint, *παράδοξα, ὅπερ ἀποδεκτέον.*

Principió; An dæmones substantialiter humanis sese inferant corporibus animisque illabantur: an veró tantúm malitiæ suæ effectum ibi exerceant, hominem divexando agitandóque ac subinde in peccatum præcipitádo, á multis dubitari video, Ac historia quidem Evangelica comprobabat quandóque dæmonia quibusdam insinuata atque inde per Christum ejecta. Utrúm veró *κατ' ὁρίαν* dicantur ingressa, an propter mali effectum, in disceptationem venit.

Gennadius sentit, minimé credendum Dæmonas per operationem substantialiter illabi animæ: quod illabi menti Deo tantúm fas sit atque possibile. Beda, exponens illud in Actis; Cúr tentavit Satanás cor tuum, notádum, inquit, menté hominis per substantiá nihil implere posse præter creatricem Deitatem. Implet veró Satan cor alicujus, non quidem illud ingressus, sed callida & fraudulenta deceptione, in malitiæ affectum animá trahens per cogitationes

nes vitorumque incentiva, quibus ille dies atque noctes scater.

Itaque Anania cor Satanas impleſſe narratur, quia malitiæ ſuæ virus infudit. In libro de ſpiritu & anima ſic item ſcriptum invenias, ſive auctor ſit Auguſtinus, ſive ex patribus alius quiſpiam.

Non naturæ vel ſubſtantię participatione animam implet Diabolus, aut ejus efficitur habitator, ſed per fraudulentam deceptionem atque malitiam in eo creditur habitare, quem implet.

Solius enim Trinitatis eſt intrare ac naturam implere ſive ſubſtantiā, quā creavit.

Sed ego quod hi patres non facile dederint, non gravatē dabo Epiſtolographo, Diabolum ἐπιωδῶς invadere & inhabitare poſſe hominem. Neq; enim dubito, qn, cū ſit præpotens, ſagaciſſimus, in primis-que levis ſpiritus Diabolus, in corpora vel ſolidiſſima penetrare poſſit. Hoc pacto olim locutus eſt in ſerpente, & ſæpe ſeſe induxit in ſtatuas, ſe ventri vel pectori obſeſſorum incluſit, qui græcis ſunt Enthuliaſtæ Ἐγγαſτρίμβοι, ἐγγαſτρίμαντῆς, fatidicū ſecū circumferentes ſpiritū, qui in illis eſt κατὰ μεταγχιſμὸν, id eſt, propemodum ut vas eſt in vaſe

Et experiētia noſtrorum etiam hominū minimē dubitandum convincit, malum

H 5 ſpiri-

spiritum interdum permissu Dei intró subire corpus hominis atque id variis & inauditis interdum morbis laceßere, de quo eruditè Fernelius commentatur.

Largior & hoc, quód Dæmon non tantum ἐνεργητικῶς, sed & substantialiter mentem sagæ aliquando occupet. Quód veró ejus corpus veré obsideat ut ἐνεργηµένος nemo, puto, sanæ mentis largiendū sibi postulaverit. Nā veré ita σωματικῶς obsessi, á Diabolo, ut experientia testatur, crudeliter agitantur, miserabiliter affliguntur, sternuntur, præcipitantur, interdum velut utres inflati distenduntur, morbis excruciantur, iisque interdum ita gravibus ac acerbis, ut paroxysmorum tempore seu in exacerbationibus mente constare vix atque ne vix quidem videantur. Præterea peregrina loquuntur dialecto, nec arroganti sibi admirabilium rerum peritiam. Pacti aliquis cum Diabolo initi non meminerunt. Nec oblectantur unquā Dæmonis præsentia, quippe quæ longissimè & diutissimè ad eóque in perpetuum á se abesse exoptét. Denique veré obsessi omnes tempore quietis dolent se obsessos, ac deprecantur cū gemitu, si qd dixerint aut fecerint minús rectè. Horum nihil ferè sagis convenit. Eæ non ita á Diabolo torquétur ac divexantur, sed prospera valetudine utuntur: Nullum oblaße

oblæſæ mentis ſignum oftendunt, nec peregrina lingua loquuntur : Jactitant verò edendi miracula ſcientiâ. Interrogatæ fœdus cum Satana conſaſſe ac ſocietatem cojiſſe uno omnes ore fatentur, amafios ſuosadeſſe lætantur, abſentes ad ſe accerſunt, tardiores urgent, adventantes cum plauſu excipiunt, denique obſeſſas ſeſe vix ullæ conſitentur, & tantùm abeſt, ut pœnitentiâ ſe ſclerum duci præ ſe ferant, ut in primis doleant, ſi infeliciter alea jacta videatur, & ſecus cadat quàm voluerint. Si verò aſſeratur, perverſum genium aliquando Sagaræ corpus invadere ejusque humoribus ſe miſcere, ſpiritibus ſe inſinuare, ut nimirum illos exaſperet, hos turbet, quò eas ad cædes multaque funeſta mala impellat, cur diſſentiam habeo nihil.

Itaque ſi ſobriè intelligas, corpus quandoq; etiam obſeſſum ſubſtancialiter, non negaverim. Iſtud verò nullo modo concedere poſſum (multo minùs ſaniores Theologi) quod Epiſtola ejusmodi eſſentiæ diaboliciæ participationem tribuit, Sagis, ut unionem quandam ſtatuat καὶ αὐτὴν περιχώρησιν [per immeationem] Imò talē μέθεξις naturæ, ac qualitatis Satanicię in iis comminiſcitur, q̄ φθορὰν corruptione & interitū formæ effecerit. Hæc. n. δύσφηματα ſunt, & neſcio q̄ Scholâ olent, & ad quos ſcopulos impingunt.

pingunt. Nam ut est *κοινωνία* quædam, qua Deus piis, fide in ipso acquiescentibus, sese communicat accensa æterna luce & novis spiritualibus & ardentibus moribus, ut ita renati sint *κοινωνοὶ τῆς θείας φύσεως*, quomodo non solum scriptura sed & Deus philosophorū Plato loquitur, verè dici possint: Sic non nego, sed fateor esse *κοινωνίαν* aliquam seu communicationem Diaboli qua inhalat impiis virus suum, turbat rationem, mentem furoribus implicat, siue impetum fatidicum immittit. Sed ista communio spiritualis naturæ & hominum non est ita amplificanda, ut potiùs *ταυτότης καὶ σύγχυσις*, hoc est identitas vel confusio fiat, quam *ὁμοιότης*. Ad summam, non est unius ejusdémque essentię, sed accidentalis inter Diabolum & mancipia ejus societas & cōmunio, nec tanta divinitus Diabolò concessa est potestas, ut veram transformationem seu interioris formæ mutationem efficere possit.

Etenim ut in ecstasi Diabolus compagem animæ cum corpore admirabilem dissolvere exemptis animis ac repositis iisdem dissolutam antè conglutinare rursus ac compingere universa sua potentia ac sapientia non potest: Sic nulla ex parte in veneficis formam essentialē destruere potest. Sanè cujus est creare, ejus solius est naturam

turam essentialiter trāsmutare & formaliter corrumpere aut destruere, ac novam rei formam indere. Sed prius solius est D E I. Ergo posternis facultatem naturæ dæmonis transcendit, etsi alias mirifica *ταύρα* *παρα* præstare posse eum inficiando non simus. Ita intraverat Satanas Judam, ut Christus eum vocet Diabolum. Nec tamen dici potest Diabolum Judæ impressisse novam formam, diabolicam videlicet, aut priorem, humanam puta, elisisse atque extrivisse. Quo ore igitur dici potest in sagis formam pristinam periisse? Addo & hoc: si pristinam formæ *σάσι* amiserunt maleficæ, quomodo amplius homines vocabuntur & erunt? Forma enim pereunte sublatæve, & nomen & definitio & essentia rei pereat necesse est; Itaque toto genere Sagæ differrent ab aliis mulieribus, quod est absurdum. Qamobrem manifestæ se implicat contradictioni Epistola, quod ait Sagas adhuc esse homines, & tamen formam earum periisse.

Huc accedit, quod & Diabolus sæpissimè substantia sua est extra Sagas, & quædam ex his redeunt ad Deum, & pœnitentiæ fructus edunt. Id profectò argumento est, Diabolum adesse illis separabiliter & societate auxilii tantum, nec formam cum naturalibus qualitatibus (cujusmodi est gravi-

gravitas) in ipsis immutare, sed ἐνέργειαν tantum earum impedire.

Si enim Diabolus singulas partes essentiae Sagarum obsidet substantialiter, ita ut à nulla corporis parte abesse possit, & diabolicam aliquam formam illis imprimit, quomodo quæso possunt Sagarum μετανοεῖν & converti: De mutatione satanica gravitatis Sagarum in levitatem (spirituale fictitia quod multis agamus? Nam, ut non dicam subitam mutationem texturæ qualitatum in corpore, ut fiat ex denso rarum, ex ponderoso leve, creatricis potentiae opus esse: si gravitas Sagarum nihil obstat Diabolo quo minus illam vel in aëre suspensam vel in exteriori aquæ superficie extantem sustinere possit, quorsum attinet levitatem corpori Sagarum affingere? Historia Ecclesiastica testis est locuples, Simonem Magum, cui Nero honorariam dedicavit statuam, in aëre circumvolitare potuisse. In ista corporis suspensione & sublatione mansit, credo, corpus Magi grave (nec factum est in sese aërium vel atherium) Illud ipsum verò attollere & quasi suffulcire, ac ita gravitatis consequens impedire Diabolo per quam facile, qui & illum tandem præcipitavit. Ignis Babylonicus etsi non læsit tres sanctos viros in fornacem coniectos, non tamen ex calido factus est frigidus. Ignis enim, qui non

non est calidus *ἐκτιμῶς* seu actu primo, seu in substantia sua; non est ignis. Sed *ἐνέπ-
γεια* ejus impediatur, seu actio ejus aliquandiu suspendebatur divinitus, ne ureret, ut ita non esset calidus actu secundo. Sicut si Sagæ non submergantur, manet tamen in earum corporibus naturalis gravitas: tantum hujus effectus, deorsum scilicet latio, à Dæmone impeditur, ejus vi operaque illæ in Sphæra aëris supra aquam retinentur. Quid multa? cùm Sagæ in aquam demittuntur, cùm vehuntur, cùm trahuntur aut gestantur, deprehenditur sensu in iis gravitas elementaris. Imò sentiunt ipsæ ac sciunt indubitató, se esse graves: ideo in aërem exportandæ, interdum hircum conscendunt, quo subvehantur, interdum scopis intra crura posititis & verbis quibusdam abutuntur, interdum denique pingui unguento sese illinunt. Non itaque Dæmon communicat cum eis essentiali quadam infusione levitatem, hoc est, non reddit earum corpus leve, ut corpus sit levitatis satanicæ subiectum *δευτικόν*.

Ex his omnibus liquet, primùm hoc quoque argumentum nullum esse, nedum verisimile, ut Epistola putat: Diabolus sepe numero magicas mulieres *μυστωέρας* facit in sublimem

sublimem usque aërem trahit. Ergo quoque probabile est, cum aquis superiores sint, corpusearum redditum esse leve, vel essentialiter infusum esse, ac inhærere corpori ipsarum spiritum Diaboli. Deinde ex iisdem judicare non difficile est, cujusmodi sit istud, quod in fine Epistolæ causa efficiens purgationis Sagarum per aquam frigidam dicitur esse spiritualis in ipsarum corpore, quæ à simili in eo contenta levitate oriatur, attractio. Vult hic λογισμός, nisi forte quid me fallit: Ut mellis aut saccari dulcedinem vas contrahit eoque imbuitur, ut olei pinguedinem charta imbibit, ut ferrum δύναμις ac vim Heraclii seu Magnetis, ita ut aliud ferrum possit attrahere, in se recipit: Sic à Sagis Diaboli levitatē attrahi, & corpore ipsorum recipi. Rationes hujus assertionis nullæ comparent: Ac paulo antè contrarium ferè dixi: quod nimirum Diabolus spiritu suo maleficarum corpora attrahat, ut per ejus levitatem sustentatæ volentes nolentes sub aquas ferri non possint: quæ sententia mihi nō displicet, modò imaginatio de essentiali diffusionem ac infusione atque inhaesione ea, qua illæ novam formam acceperint, abjiciatur. At ais fortè: consentaneum est, Magas ex consortio Diabolorum, suspensorum fortasse corpora aut alia cadavera ad corporeas actiones

ties mutuantium, fœtorem cōtrahere: quī ergo absurdum alicui videatur, easdem a magligno spiritu levitatem quandam corporis contrahere? Ego verō inquam comparisonē hanc nihil habere roboris, quod dissimiles sint qualitates fœtor & levitas. Nā levitas Diabolo inest κατὰ φύσιν, fœtor verō ex accidenti, vel, ut rectiūs dicā, quasi per accidens & κατ' ἄλλο, seu corpori ejus ascititio: et illa quidem qualitas spiritalis: hæc verō crassior sensibiliórq; & σωματοδύσερον τι: ut gravitas hircina multo facilius sit κοινωνητός, quā levitas. Nec consequens est, uno adjuncto communicato protinus communicari reliqua: ut ferro communicatur ignis caliditas & urendi vis: levitas & raritas non communicantur. Porro acquisitivæ Veneficarū levitatis firmamentum constituere videris in eo, quod Diabolus totam illarum essentiam impleat. Sed religio mihi est dicere, substantia-liter per animam & totum corpus Sagarū spiritum illum diffusum, cūm, quod ad εἶδὸς attinet, οὐρανῶς id est, definitive sit in loco, citra ullam extensionem ac diductionem. Ea re cum fortē mulieris Veneficę mentem occupat εἰσῳδῶς, tūm singulas corporis partes simul εἰσῳδῶς obsidere an possit, haud scio.

Non nego, quod aliquos homines totos
I quan-

quandóque obsessos teneat: sed quia non est aliquid expansum, & locum seu Ubi in corpore mutat, jam hanc jam illam partem subiens, non simul omnia eum membra uno temporis puncto τῆς σίτης obsidere apparet. Egregium olim Academię VVittenbergensis ornamentum Peucerus vidisse se narrat Dæmonē in puella quadam obsessa sub summa cute muris figura variē discurrentem, qui mox abdens sese in inum ventrem ex oculis evanuerit, mox prosiliens rursus sub pectoris aut frontis torosioribus partibus proruperit. Ut igitur tandem finis sit: quemadmodum Diabolus ecstaticorum illorum, qui ejus sunt domicilia, mentes occupat eisque varia phantasmata infundit, nec tamen satanicam essentiam ac divinitus huic ingeneratas qualitates illi participant: ita ajo adesse etiam Lamiis sine suæ essentię, ac á Deo insitarū (concreatas appellant *οἱ θεολογῶντες* proprietatum participatione, minimē interim negans, quód mentes earum intret, depravet, pervertat.

Longiús excurrit oratio mea, quám institueram, cū temporis ratio in tam celebri augustaq; candidatorum nostrorum copia habenda sit.

Adhuc ergo proëmiū & quasi προαίλιον act⁹ nostri solennis fuit, quo sine ambitioso

so ornatu, tūm cur Sagæ, alicubi in proflu-
entem demissæ dejectævé, in extrema aqua
fluctuâtes non demergantur, rationes no-
stras explicavimus: tūm quæ nobis obsta-
re videbātur infirmavimus, interim, an isti-
usmodi strigum examen, an ista muliercu-
larum, quæ in hominum vocolas incide-
runt, per aquas purgatio, quæ tanquam fal-
si criminis reatum maculamque eluere co-
guntur, tuta satis justaque sit, ac pietati cō-
sentanea, Theologorum, Juriscōsultorum
& prudentum Magistratuum disputationi-
bus ac judiciis relinquentes.

Nunc porro quod restat agamus, hoc
est, ad id quod actus & publici hujus con-
gressus caput est, promotionem videlicet
ipsam, propius aggrediamur.

Typographus candido lectori.

*Scias candide lector subiectam historiam de Ortho-
ne 3. in Oratione Gœcleniana prioris editionis quam i-
mitatus sum in hoc exemplari fortassis incuria istius
Typographi neglectam, post §. sed ævæ syera eius cœ.
fol. 131. inferendam esse.*

Ortho III (ut est apud Sebast. Munste-
rum) vxorem habuit Mariam de Aragonia,
fœminam impudicam & virorum appeten-
tissimam, quæ secum muliebri habitu cir-
cumduxit juvenem, quicum grediebatur
quotidie, quando quidem eo pro cubicula-
ria utebatur. Quod cum innotuisset impe-
ratori

ratori, juvenis, multis præsentibus, vestib.
est spoliatus, inventusque pro fœmina ma-
sculus, vivus deinde combustus est. Sed &
imperatrix, cum sæpius viros peteret, quã
peteretur, amore suo extincto, cum ab Im-
peratore veniam meruisset, in Italia circa
Mutinam Comitem quendam elegantis
formæ, & virum optimum cœpit deperire,
multisque blanditiis conata est eum in sui
amorem pellicere: cui cum assentiri nol-
let, falsis delationibus ab ea apud Impera-
torem accusatus, pœna tandem capitis da-
mnatus est: uxor veró Comitis, conscia sibi
innocentiæ mariti sui, caput ejus abscissum
deosculatur, & secum ablatum diligenter
recondit. Deinde ad Imperatorẽ in tribu-
nali sedentem properans magno clamore
& ejulatu, petit causam suam rectè cognosci
& legum autoritate defendi. Sciscitanti ita-
quẽ Imperatori, á quonam læsa esset: tu,
inquit, ô Imperator es, á quo sum læsa, si-
mulq; in medium projiciens mariti sui ca-
put, hunc maritũ meũ, exclamat, contra jus
& fas capite multasti: & statim cãdens fer-
rũ illæsis manibus apprehẽdens, mariti sui
innocentiã cum stupore omnium, qui ade-
rant, comprobavit. Ibi Imperator detecta
rei veritate, graviter commotus vidu-
am multis muneribus & castris donavit,
suam veró vxorem flammis addixit. Hic
in

in igne juveni & Imperatrici exurendis destinato naturalis energia māsit, nulla vi externa impedita: sed in igne ferri candentis vis & operatio inhibita fuit á non physico agente, manente interim qualitate congenita.

QUÆSTIONUM IN HOC LIBRO RESOLUTARUM ELEN- chus.

AN iudex in Criminalibus statim á carcere incipere possit, & quid de hoc in maleficii crimine notandum veniat. pag. 8.

An fama, & quomodo ad inquisitionem & ad carcerem sufficiens indicium pariat. 26.

Confessio facinorosi, qua alium socium Criminis nominat, quid de iure operetur. 28.

Quid de purgatione Sagarum per aquam frigidam sit sentiendum. 57.

Num diffamatio & confessio maleficorum quâ socios alios produnt, si iustis requisitis destituantur, & subsequuta inde per frigidam purgatio, sufficiens ad torturam indicium pariant, & quid de confessionibus hinc in eculco extortis sit sentiendum. 82.

Quando fuga faciat indicium ad inquisitionem & ad torturam. 86.

Quâ penâ Saga sint afficienda, & an propter solum pactum, quod cum Diabolo interunt, ignis supplicio tolli, ex rerumque universitate infra mortuos omnes amandari debeant. 89.

INDEX.
RERUM ET VERBORUM
Locupletissimus.

- A.
- A**cademia olim VVittē-
bergensis E G R E G I-
V M O R N A M E N-
T V M P E V C E R V S
Vidit Damonē in puel-
la quadum obseffa, sub
summa cute muris fi-
gura varie discurrere.
tem. 130
- Actus, qui fit lege prohi-
bente, est ipso iure nul-
lus. pag. 63. 63
- Adiuncto uno communi-
cato, non protinus com-
municatur reliqua. 129
- Aegritudo alicuius Medi-
corum testimonio pro-
batur. 50
- Andreas Hyperius de Sa-
tanicis congressib. quid
sentiat. 94
- Angelis quadā inest Vis
ignea. 113
- Angeli sunt instar ignis,
puri, lucidi, splendidi,
subtiles, celeres. 113
- Angeli quandoque appa-
rent specie ignis cum-
que quodā fulgore. 114
- B.
- Benedictus Aretius. 103
- C.
- Carcer non pœna, sed cu-
stodia causa inventus
est. 16
- Carceris molestia & in-
comoditates. 17. & 18
- Carcerati appellantur im-
iure miserales perso-
na. 19
- Cautio fideiussoria in cri-
minibus gravissimis,
accusatos non iuvat.
19
- Christus solus ex spiritua
increato et homine mu-
liere genitus. 25
- Citatio contra suspectum
de crimine facta pa-
cis, etiā parte nō peten-
te ex officio à iudice de-
cerni potest. 59. & 60
- Citatio nemini debet at-
ferri. 15
- Citatio est iuris natura
& defensionem conti-
net. 15
- Citatus contra nō citatū,
nec Imperator pcedere
aut aliquid in ipsius
damnū concedere po-
test. 16
- Compurgatorum sive Sa-
cramentalium nume-
rus in fracta pacis cri-
mine est arbitrarius.
61
- Con-

INDEX.

- Confessio socii nec pro socio, nec contra socium probat.* 28
- Confessio facta per torturam nullis precedentibus indicis nihil probat.* 82
- Confessio, qua Iudex alicui torturam interminatus, nihil probat.* 83
- Confessio impossibilium nulla.* 101
- in Confessione et nominatione, qua circumstantia concurrere debeant ut malefico, qui alterum socium nominavit, credatur.* 40. & 41
- pro Confesso habetur, qui post institutam accusationem ante sententiam mortem sibi ipse consciscit.* 35
- Confusio obscuritatem parit & ignorantiam.* 6
- Consensus in delictis quadruplex: Consilii nempe, auxilii, autoritatis & negligentia. 21. et 22*
- Consentientes & facientes eadem panam plectendi sunt.* 19
- Consuetudo, qua ratione caret, frustra allegatur.* 80
- Consuetudines per quas iura abrogantur debent esse rationabiles.* 80
- Corpus Sagarum non est leuitatis Satanica subiectum* ΔΕΥΤΕΡΙΟΥ. 127
- Corruptioni est obnoxium, quod ab Elementis originem sumit.* 65
- Criminis socio qui in tortura alium nominat, si non Verisimilia deponit, nulla fides adhibenda est.* 56
- in Crimine laesa Maiestatis socius criminis addiscendum testimonium admittitur* 30. 32
- in Crimine malefici socius de sociis potest interrogari.* 31
- D.
- Damonis effecta in Veré obsessis,* 122.
- Damon Saga corpus ita nat' & solas occupat, ut tamen, instar veré σωματικῶς obsessorum non torqueatur.* 122
- Deus Solus causa est sine causa, & ENS absque ente.* 64
- Deus solus omnium tempestatum causa efficiens.* 96
- Delicta confessine spontanea*

I N D E X.

- panea* Vel testium ap-
 probatione publicata,
 sunt punienda 78
Delicta occulta & inco-
 gnita, DEO sunt relin-
 quenda, qui solus no-
 vit corda filiorum ho-
 minum. 78
in Delictis enormibus de-
 positio Socii criminis,
 qui aliis bona condi-
 tionis & fame est, in
 tortura facta quâ alius
 socium nominavit, ad
 formandam inquisi-
 tionem sufficit. 33. &
 34
Destructa in Philosophia
 dicti alicuius ratione,
 & ipsum dictum de-
 struitur. 64
Diabolus per somnia & a-
 rie hominibus imponit,
 47. 48. & 54
Diabolus est spiritus, qui
 in Sagarum corpori-
 bus levitatem operari
 non potest. 65
Diabolus essentialis re-
 rû formas mutare non
 potest. 91
Diaboli an stupri consue-
 tudinem cum homini-
 bus habeant. 92
Diabolus Deo permitten-
 te potest excitare tem-
 pestates 97
- Diabolus* esse per-quâm
 tenuem & agilem na-
 tura videlicet aërea
 seu ignea spiritum, 113
Diabolus, magni nomi-
 nis Theologis, spiritus
 tenuis & aëreus vide-
 tur. 116
Diabolo concessa haud
 exigua aeris & ætheris.
 116
Diabolus in corpora pe-
 netrare potest solidis-
 sima. 121
Diabolus in Serpente olim
 locutus secundum es-
 sentiam 121
Diabolus etiam corpora-
 liter inhabitare ho-
 minem potest. 121
Diabolus in ecstasi com-
 pagem anime cū cor-
 pore dissolvere nequit.
 124
Diaboli eiusq; mancipio-
 rum communio, nō es-
 sentialis sed accidēta-
 lis. 124
Diabolus ut non creare
 naturam, sic eādem
 formaliter destruere
 nescit. 125
Dimensionum penetrati-
 onem in solidis corpo-
 ribus natura non con-
 cedit. 49
 Divisio-

INDEX.

Divisionis seu Partitionis
materia utilitas. 6

Duellum purgationis ge-
nus tyrannicum sub-
latum est. 62

E.

Exsacerdos diabolica cor-
pus ne suffocetur, mol-
liter à Damone affla-
tur & foetetur. 116

Errore quod introductus
est non obtinet in alijs
similibus. 80

Essentia quid. 64

Essentia intelligentiarum,
qualis, tales quoque sunt
qualitates. 65

Esse est receptivitas essen-
tia. 65

Ethnicis in fide inferiores
qui creaturas in aliam
substantiam nisi à Deo,
mutari posse putant. 91

Examinis per aquam fri-
gidam consuetudo Iuri
divino et humano ad-
versatur. 81

Examinis per frigidam re-
futatores qui. 81.82
ab Executione non est in-
choandum. 24

F.

Falsitatis habet imaginem,
quod à Verisimili di-
stat. 55

Fama publica supplet Sen-
tentiam accusatoris. 9

Fama in actione Criminali
quando semiplena p-
bationem non faciat. 26

Fama à personis honestis
ortalicet non sufficiat
ad iudicii decisoria,
sufficit tamen quo ad
preparatoria. 27

Fama honestas per sese
semper praesumitur. 36

Fama etsi per testes sin-
gulares potest probari.
36

Fuga quando non sit in-
dicium patrati crimi-
nis. 17.88

G.

Gennadii & Beda sen-
tentia, de Daemonum
in mentem hominis illa-
psu. 120

Gravitas elementaris
sensu deprehenditur in
Sagis, in aquam demit-
tendis. 127

Gravitatem Venefica in
semetipsis sentiunt. 127

H.

Habacucum Angelus Do-
mini capitis coma sub-
latum, Babylonem de-
portat. 117

I.

Iacobi Heerbrands concio
I 5 Germ:

INDEX.

- Germ: de fulmine.* 97
- Ignis ab aëre non discernitur, quum secundū Aristotelem, wū sit aer rarefactus & incensus.* 113
- Ignis illius Babylonicitūtū ēvēgyeia im-
pediebatur.* 127
- Ignis non calidus
ἐκτινός, non est ignis.* 127
- Imaginationis deprava-
tate quāta vis sit.* 44.
45. 46.
- Imaginatricis Virtutis mi-
rabiles sunt operatio-
nes* 50
- Imperator legibus est so-
lutus.* 16
- Imperatores in suis legi-
bus vulgi opinione de-
cepti.* 99
- Imperfecta duo non pos-
sunt in sua specie unū
perfectum facere.* 37
- Imperitia annumeratur
culpa.* 23
- Impossibilis distinctio.* 54
- Indicia orta ex confessio-
ne & depositione socii
criminis facile distin-
tur, si eius persona, quā
d. socius in depositio-
ne sua nominavit, ho-*
- nestas, pietas, bonaq;
fama probatur.* 36
- Indicii qualitas plurimū so-
ciorum criminis, una
tantum est. Ideoq; eo-
rum omnium confes-
sio non facit maiore
fidem, quā si unus
esset solus.* 37
- Indicia, quo ad Sagas ad
torturam sufficientia,* 85
- Infamis nō auditur con-
tra aliquem sine tor-
tura.* 32
- Infantes esse ante Baptis-
mū Satana furto ob-
noxios, error.* 93. 96
- Innocentia quibus notis
insignitus esse debeat,
qui prorsus innocens
esse vult.* 23
- Interrogatio specialis po-
tius suggestio quedam
est, quā interrogatio.* 40
- Ioannes Bodinus Iurecō-
sultus & Historicus.* 91
- Ioānis Brentii cōcio Ger-
manica de tonitru.* 97
- Ioannes Antrehtus I. V.
D. exquirat Rodolphi Go-
clenii iudicium de pur-
gatione per frigidam.* 111
- Index in Criminalibus
a carcere non debet
pro-*

INDEX.

- processum inchoare sine
præiudicio causa informa-
tione sufficientibusque
indiciis.* 9. § 10
- Iudex iniuste carcerato
§ damnum § satis-
factionem pro iniuriis
prestare tenetur.* 10
- Iudex qui hominem iniu-
ste in carcerem con-
stitit, tenetur actione in-
iuriarum.* 10
- Iudex recedens à commu-
ni opinione presumi-
tur per imperitiam iu-
dicare.* 13
- Iudex contra communem
opinionem ex præiudi-
cata quadam presum-
tione § motu proprio
indicans, litē facit suā* 13
- Iudex si extra iudicium
alicui facit iniuriam,
iniuriarum conveniri
potest.* 13
- Iudex fines officii sui ex-
cedens reputatur pri-
vatus.* 13
- Iudici non licet in Crimi-
nalibus à constitutio-
ne Carolina discedere.* 13
- in Iudicando § consule-
do non est recedendum
ab opinione communi*
- Iudicium Criminale non
procedit sine accusato-
re.* 9
- Iuramentum in litem à
defuncto oblatū, quare
in iure habeatur pro
prestato.* 33
- Iuris alius ordo nō est scr-
vandus in notoriis.* 25
- Iuris autoritas absq^{ue} ra-
tione per se sufficit.* 54
- L.
- Lacus in Palestina, in
quem homines cōiecti
non merguntur.* 112
- Legi potius §el canonis,
quā cōmuni opinio-
ni standum est.* 10
- Lemgoenses suspectas
Beneficii per frigidam
explorant.* 109
- Levia ut gradibus, sic
gradia inhihentur le-
vibus.* 113
- Levitas Diaboli ines-
κατ' ούσιν: fator κατ'
ἀλλο.* 129
- Locus licet nō sit de essen-
tia corporis, est tamen
corpori necessarius.* 48
- Locus nullus, et locus in-
equalis in Physicis e-
quiparantur.* 49
- M.
- Magia ad læsæ maiestatis
crim-*

I N D E X.

- crimen refertur.* 32
Magia occulte peragitur. 32
Magistratus imperiti sine iustis precedētibus iudiciis statim ad torturam properant. 84
in Maleficii crimine socius de sociis potest interrogari. 31
Mandata sine clausula ipsi iure sunt nulla. 24
Mandata sine clausula ante partitionem admittunt exceptionem sub: Obreptionis. 26
Maria Aragonia Othonis 3. coniux monstrum libidinis. 131
Medea Venefica suas iactat Sires. 99
Memoria hominis infirma est & labilis. 6
Mentiri non presumitur, qui morti vicinus est. 33
Methodus bona, praestans DEI donum. 6
Mechaschepus Hebraeorū quid notet. 103
Minores q̄ testimonio repelluntur. 35
Moriens non presumitur mentiri 38
Morientes sapē mentiantur. 38
Nō omnis moriēs, est sanctus Ioannes Evangelista. 38
in Mortis articulo constitutus, non potest adire hereditatem. 38
Mortis timore oppressus similis est mortuo. 38
Mulier etiam in crimine gravissimo in carcere non detrudenda, sed in monasterio asserenda. 24.

N.

Naves quae in fluviiis propter pondus nimium mergi solent in mari recte habent. 112
Nero Simoni Mago honorariam dedicavit statuum. 126
Notorium non est probandum. 25
in Notoriis non servare ordinē, est servare ordinem. 25
Numerus non tollit inhabilitatem, nec supplementū inducis. 37

O.

Obsesti σωματικῶς quomodo se gerant. 122
ab Opinione communi in iudicando & consulendo non est recedendum. 13
Ova in aqua admodum salsa supernatant. 112
Ovidi.

INDEX.

Ovidius de situ Terra.

114

P.

Patrum sanctorum documento quod sancitum non est, superstitiosa ad inventionem presumendum non est. 77

Pauperes a testimonio repelluntur. 35

Penetrationem dimensionum in solidis corporibus natura non concedit. 49

Perito cuilibet in sua arte credendum. 50

Petrus Martyr de Sagarum Soluptatibus quid sentiat. 94

Peucerus de Lycaone, cui Demon cordis calorem leni aeris afflatu ventilarat. 116

Peucerus egregium ornamentum olim Academiae Vuittenbergensis vidit demonem in puella quadam obfessa sub summa cute muris figurae varie discurrentem. 130

Philosophi antiquissimi perhibent, Demonas aere indutos, invisibiles in terris inter homines obambulare. 116

Probatio nulla est certior quam ipsa facti evidentia. Ideoque omni

probationi praefertur. 51

Probationes quando desunt potest per iudicem causa cognita, iureiurando causa decidi. 59

Processus in Criminalibus duplex, Inquisitionis & Accusationis. 8

Psalmus 29. heroico carmine ab ipso autore redditus. 100

Purgationis duae species. 59

Purgatio medium quoddam est inter condemnationem & absolutionem. 58

Purgatio iurata vel per sacramentum quid. 55.

Purgatio siue defensio per iuramentum cum 12. Sacramentalibus. 61

Purgatio Violenta quid. 62

Purgatio per aquam frigidam sublata per Lotherium Imp. 26

Purgatio vel defensio per aquam frigidam vel feruentem, aut per ferrum candens abolita & sublata. 26

Q.

INDEX.

Q.

Quaritur utrum Damonia secundum essentiam an propter mali effectum homines ingrediatur. 120

in Quaestione supernationis ad vim quandam transmutatam omnino confugiendum. 117

R.

Regulis iuris communis receditur tam propter delicti atrocitatem, quam propter mora periculum. 24

Regula qua dicitur, quod propter periculum mora a regulis iuris communis recedatur quando & in quibus locum habeat. 25

Reus criminis constitutus defensionem cause suscipere non potest, antequam innocentiam suam purget. 59

S.

Saga interdum, quae tum naturatum factum

adversata, fatentur. 90

Saga utrum ex Diabolis

possint factum concipere. 93

Saga non possunt temperantes cedere. 96

Saga per frigidum exploranda qua ratione ligentur. 110

Sagarum pactum nudum cum Satana non potest morte puniri. 103

Saga supernaturat propter aerea et ledem Diaboli aspirationem. 114

Saga quadam sibi visse fuerunt, subiectum sibi anserem habuisse, quo in aqua sufficie sustentarentur. 115

Sagarum sulcrum aquis innatantiu simpliciter ipse Diabolus esse potest. 115

Saga corpus graue, absque suffocationis periculo in aquarum extremo fluitare potest, si spirabili a Damone occulte afflata, 115

Saga externa si spiritus, in aquis sustentantur. 116

Sagarum nova definitio. 120

Saga quamobrem ignis supplicio tollenda. 90. 102

Sagis nulla intercedit communio cum diabolica essentia nota per signum

INDEX.

- Saga* quæ ratione se habent erga Satanam. 123
- Sagarum* cum Diabolo communicatio est qua viri ipsis suum inhalat. 124
- Sagas* esse homines, ac carum tollere formam, implicat contradictionem. 125
- Saga* si pristinam formam amittunt, homines esse desinunt. 125
- Sagarum* quadam, penitentia fructus edunt & ad Deum redeunt. 125
- Sagarum* naturales qualitates, non immutat Satan, sed carum tantum evēgyeizav. 126
- Saga* Diaboli levitate non attrahit, ut eas dulcedinem mellis. 128
- Sagarum* corpora esse gravia testatur experientia. 131
- Sacramentalium* numerus in fracta pacis crimine est arbitrarius. 61
- Satanas* essentias rerum tollere non potest. 48
- Satanas* corpori Physico locum adimere non potest. 49
- Satanas* quomodo *Sagas* instruat ad excitandas tempestates. 98
- Satanas* hominis animam implere potest, non substantia, sed fraudulenta malitia participatione. 121
- Satanica* gratitatis *Sagarum* mutatio, est fictitia. 126
- Scribonii* opinio de *Sagarum* probatione per frigidam refutatur. 63. 64. & sequentibus aliquid.
- Semen* furficum emortuum et Vitali spiritui caret. 93
- ex Separatis nihil recte infertur. 78
- Simon* Magus in aere circumvolitavit, vero corpore retento. 126
- Socius* criminis a testificando quare repellatur. 29
- Socius* criminis ad dicendum testimonium quando et in quibus casibus admittatur. 30. & 31.
- Socius* de sociis potest interrogari in maleficio crimine. 31
- Socius*, qui alium societate sceleris sibi addictum esse fatetur, infamis est. 32
- Socius* contra socium ad testi-

I N D E X.

V.

- testificandū admittitur
in crimine occulto* 31
- Socio criminis, qui in tor-
tura alium nominat,
si non Verisimilia de-
ponit, nulla fides adhi-
benda est.* 56
- Spiritus creatus & homo
utrū perfectē generēt.* 95
- T.
- Terra moles gravissima
stat pendens in medio
universi.* 113
- Testibus bonā alicuius
famam deponentibus
magis creditur, etiam si
pauciores sint numero,
quā illis qui de mala
fama attestantur.* 36
- Testes non probant, nisi
scientie sue bonā caus-
sam assignent per unū ex
quinque sensibus.* 42
- Testes deponentes de visu
aliis longē prævalēt.* 43
- Testi nō Verisimilia depo-
nēti credendū nō est.* 55
- Theodorus Cotmannus
Scribonii Epistolam curat
R. Goclenio represen-
tari.* 111
- Titia Vestalis, aquam in
cribro sine defluxu cō-
sistentem, ad adem sa-
cræ pertulit.* 118
- Trinitatis unius est, in-
trare quā creavit sub-
stantiam.* 121
- Vter nōn submergitur a
quis, pōderosū licet cor-
pus annexū habeat.* 113
- Vxor cuiusdā Comitissæ Ita-
licæ tēgit candens fer-
rū illæsis manibus.* 131
- Valerii interpretis, de a-
qua Titiana in cribro
consistente iudiciū.* 119
- Veneficorum cōfessio, qui
absq; ullæ pænitentia
significatione mortem
obeūt, ad inquisitionē ni-
hil habet momenti.* 39
- Veneficos de nocte sco-
pis insidentes atque
per caminum subvo-
lantes ad choreas de-
ferri impossibile est.* 55
- Verbum generale a lege
prolatum intelligendū
est secundū dispositio-
nē iuris alibi positā.* 27
- Verba generalia genera-
tim sunt interpretanda.* 25
- Verisimilitudo est cogna-
ta nature.* 55
- Verisimile q non est, non
est credibile, nec cōside-
rabile.* 55
- nō Verisimile adversatur
nature.* 55
- Veritas et cōmunis opinio
aquiparantur.* 13
- Virtus unita fortior est
dispersa.* 47

F I N I S.

